



Հարգելի՛ ընթերցող.

ԵՊՀ հրատարակչությունը, չհետապնդելով որևէ եկամուտ, ԵՊՀ հայագիտական հետազոտությունների ինստիտուտի համացանցային կայքերում ներկայացնում է իր հայագիտական հրատարակությունները: Գիրքը այլ համացանցային կայքերում տեղադրելու համար պետք է ստանալ հրատարակչության համապատասխան թույլտվությունը և նշել անհրաժեշտ տվյալները:



ԲՈԳԳԻԱՆ ԳԵՄԻԱՐՍԿԻ
ՆԱՄԱԿՆԵՐ
ԱՇԽԱՐԿԻՆ

ԲՈԳԴԱՆ ՓԵՄԲԱՐՍԿԻ

ՆԱՄԱԿՆԵՐ
ԱՇԽԱՐՀԻՆ

Կազմեց, խմբագրեց, ծանոթագրեց, վերջաբանը գրեց **Համլետ Կարճիկյանը**

**ԾԱՐՏԻՐՈՍ ՍԱՐՅԱՆԻ ՆԱԽԿԸ
Բ. ԳԵՄԲԱՐՍՎՈՒՆ՝**

Գեմբարսկի, Բ. Ա.

Գ.429 Նամակներ աշխարհին /Կազմ. ծանոթագր., խմբ. և վերջաբանը Հ. Կարճիկյանը, Երևանի պետ. համալս.—

Եր.: Երևանի համալս. հրատ., 1990.— 150 էջ.

Լեն հրապարակախոս, հակաֆաշիստ գործիչ, թարգմանիչ, գրող Բոգդան Գեմբարսկու «Նամակներ աշխարհին» ժողովածուն ամփոփում է նրա մի շարք հակաթուրքական հոդվածները՝ Հայոց արդար դատի պաշտպանությանը: Հանդես գալով 60—70-ական թթ., Գեմբարսկին մեծ կրթով դատապարտեց 1915 թ. ցեղասպանությունը, աշխարհի անտարբերությունը հայ ժողովրդի բռնադատված ճակատագրի հանդեպ և բարոյա-իրավաբանական գործոններով ապացուցեց, որ հայ ժողովրդի իրավունքները պետք է վերականգնվեն իր իսկված հայրենիքի որոշակի սահմանների վրա:

Կազմողի խնդրանքով գրքի իրեն հասանելիք հոնորարը փոխանցվում է «Ամարաս» բարեգործական միությանը:

0509020918

Գ 704(02)—90

ԳՄԴ 68.8(24) +
84.41

ISBN 5-8084-0102-8

Սիրելի Գեմբարսկի:

Ժողովրդի պատմության մեջ մնալը մեծ փառք է: Երջանիկ են այն արվեստագետները, մտածողներն ու գործիչները, որոնք հիշվում են ժողովրդի կողմից, դառնում են նրա սիրված անուններից մեկը: Առավել մեծ է, երբ այդպիսի մի մարդու սիրում է մեկ ուրիշ, մի այլ ժողովուրդ: Դա խոսում է նրա մարդկայնության, մարդասիրության, արդարամտության մասին:

Մենք սիրում ենք Ձեզ, սիրում ենք, որովհետև Դուք մասնակցեցիք մեր բախտի, մեր ճակատագրի պաշարին, պայքար, որ դեռ երկար է շարունակվելու:

Ես հիացմունքով եմ տալիս Ձեր անունը՝ որպես Մեծ Մարդու, արդարամիտ լեհի, լեհ, որը իրավունք ունի լեհ կոչվել հենց նրա համար, որ իրեն երբեք օտար չէ մի այլ ազգի վիշտը, դժբախտ վիճակը:

Հեռու հեռվից համբուրում եմ Ձեզ, իմ լավ, իմ քաջ լեհ բարեկամ: Դու նման ես քո հպարտ, ազատասեր ժողովրդին: Ողջունում եմ քո ժողովրդին: Թող աշխարհում արդարություն լինի, այնպիսի արդարություն, ինչպիսին երազում ես դու իմ ժողովրդի համար:

Երևան, 1962թ., հունիսի երեք

* Տպագրվել է «Երեկոյան Երևան» թերթի 1989 թ. դեկտեմբերի 15-ի համարում՝ Անահիտ Տեր-Ղազարյանի հրապարակմամբ:

ՆԱՄԱԿ ԻՄ ՀԻՆ ԹՈՒՐԷ ԾԱՆՈԹԻՆ՝

Նամակդ ինձ համար մի հաճելի անակնկալ էր: Հետ սովորեցինք մենք արդեն ձեր երկրի հետ ունեցած ամակագրությունից, քանի որ քո հայրենակիցները մինչև օրս սիրով չէին պատասխանում Լեհաստանից ստացված ամակներին, թեև կարող է պատահել նաև, որ ամակները բոլոր դեպքերում չէ, որ հասել են ձեզ: Այժմ գուցե աստիճանաբար փոփոխությունն ակադի դեպի լավը և հայրենիքդ դադարի ասիական այն երկու-երեք երկրներից մեկը լինելուց, որոնք Լեհաստանին առհասարակ վատ աչքով են նայում:

Վերջին ամակումդ գոհունակություն ես հայտնում այն առթիվ, որ 1960 թվականը միանգամից այնքան զաղույթների ազատագրման տարի եղավ, թեև քո երկիրը երբեք զաղույթ չի եղել բառիս բուն իմաստով, իսկ նեգրերը որպես այդպիսիք առանձնապես չեն հետաքրքրում քեզ: Նամակիդ վերջում առանձնապես ուրախանում ես, որ Լեհաստանը հետ է ստացել իր հնագույն հողերը Արևմուտքում, սակայն մոռանում ես ասել, որ լեհերն էլ քեզ քիչ են հետաքրքրում:

Մի ժամանակ, շատ տարիներ առաջ, դու այցելեցիր մեր երկիրը: Երկուսս էլ այն ժամանակ բախական երիտասարդ էինք և շատ հետաքրքրասեր. քեզ հետաքրքրում էր Լեհաստանը, ինձ՝ մեզ համար էկզոտիկ քո ժողովուրդը, որի բախտը նախախնամության կարգով շատ տարիներ առաջ այնպես խաչաձևվեց մերի հետ, և այդ՝ ի վնաս երկուսիս: Սովորաբար հենց այնպես է լինում, երբ երկու պետություն միաժամանակ որպես պատվար են ճանաչվում երկու իրարամերժ կրոնների և 240 տարվա փոխադարձ սպանություններից հետո հավասարակշռվում են 0—0 հարաբերությամբ՝ ի անկեղծ ուրախու-

* Տպագրվել է «Ավանգարդ» թերթի 1989 թ. դեկտեմբերի 13-ի համարում՝ Հ. Կարճիկյանի հրապարակմամբ:



Վեհարարություն ընդհանրապես ստիճանագրություն:

թյուն հարևանների, որոնց համար մեր ընդհանուր ուժերով կրակից մերկ ձեռքերով շագանակներ էինք հանում:

Համենայն դեպս, երկուսս էլ բավականաչափ պատմական հիմքեր ունեինք՝ մեկս մյուսի երկրով փոխադարձաբար հետաքրքրվելու: Ինչ վերաբերում է ինձ, ես լրացուցիչ մի տեսանկյունով ևս հետաքրքրվում էի քո հայրենիքով. ուղղակի անհաղթահարելի անհրաժեշտություն էի զգում նայելու աչքերին մի մարդու, որը պետք է պատասխանատվություն զգար մարդկանց գործունեության մեջ կատարված ամենասարսափելի ոճրագործության համար: Ժամանակակից աղքատիկ լեզվով (իսկ դա տեղի ունեցավ համաշխարհային երկրորդ պատերազմից առաջ) այսօր, ավաղ, արդեն գիտենք, թե ինչ է նրա անունը:

Մենք ծանոթացանք 1936 թվականին: Ամմիշապես սկզբվեց մեզ ամենից ավելի հետաքրքրող վճռական խոսակցությունը: Ես երկար ուսումնասիրում էի քեզ և պետք է խոստովանեմ, որ առաջին շփումը քեզ հետ ինձ վրա գործեց ամենալավ տպավորություն: Դու շատ գեղեցիկ երիտասարդ էիր՝ արժանի ներկայացուցիչը քո ժողովրդի, որը չէ որ հանդիսանում է Մերձավոր Արևելքի ամենագեղեցիկ ազգը՝ իսլամական Հոռմի ժողովուրդը: Դրան պետք է ավելացնել և այն, որ դու սրամիտ էիր, խելացի և ընկերական: Մի խոսքով, օժտված էիր այն բոլոր դրական հատկություններով, որոնց շնորհիվ հաղթահարվում են կանանց սրտերը և նվաճվում է տղամարդկանց մշտական բարեկամությունը:

Մինչև օրս էլ հիշում եմ, թե ինչպես գունատվեցիր, երբ առաջին անգամ Թարքի ԱՅՆ բանի մասին, և մատիտը ձեռքիդ սկսեցիր ճշտել իմ հարցը՝ դիմելով անվերջ անող թվերի պլունակի օգնությանը: Դու ջղաձգորեն թղթի վրա նորանոր քառակուսիներ էիր նկարում և չէիր համարձակվում աչքերիս նայել: Իսկ հետո փնթիճաճացիր, որ երբ այդ ամենը կատարվել է, դու դեռևս շատ փոքր ես եղել: Պարզ է, որ ինչ-որ կցկրտուր բաներ հասել էին քո ականջին, բայց երբեք չէիր երեվակայում, թե ԱՅԴ ԲԱՆԸ հենց ԱՅԴՊԵՍ է տեղի ունեցել, և այդ բուպեին դեռ ի վիճակի չէիր ինձ պատասխանելու, որովհետև պետք է այդ ամենի մասին խորհեիր և հասկանայիր:

Դրանից հետո այլևս չհանդիպեցի քեզ: Ամենից ավելի

հավանականն այն է, որ խոսակցում էիր ինձնից ընդհուպ մինչև Լեհաստանից մեկնելուդ օրը:

Այդ խոսակցությունից անցել է ամբողջ 25 տարի: Կխոստովանեմ, անշուշտ, որ դա այնպիսի մի ժամանակահատված է, որ լի ու լի բավական է ամբողջ խնդրի մասին մտածելու և նրանից տղամարդու եզրակացության հանգելու: Մանավանդ որ քո ժողովուրդը չի մասնակցել ոչ մի պատերազմի և չի կրել այնպիսի հասարակական վերափոխություններ, ինչպիսիք Լեհաստանը, մի հանգամանք, որ որոշ չափով արդարացնում է իմ սեփական թուլությունը:

Համենայն դեպս, քո անսկսում ամենաչնչին հիշատակություն անգամ չկա այդ նշանավոր խոսակցության մասին, կարծես թե նա ընդհանրապես տեղի չի ունեցել: Տողերիդ արանքում կարդացի, որ հիանալի հիշում ես, թե ինչի մասին էինք խոսում այն ժամանակ, և, որ ոճրագործություն անվանելով Այխմանի անօրինակ գործունեությունը՝ գիտակցաբար խոստովանում ես իմ առաջ: Չէ որ դու լավ գիտես, որ Այխմանը եղել է ձեր ուշիմ աշակերտը միայն, և այն, ինչ որ նա անում էր 1942—1944 թթ. հրեաների նկատմամբ, կրկնողությունն էր ավելի մեծ չափով նույն բանի, ինչ որ քո հայրենակիցները գործել են հայերի նկատմամբ դեռևս 1915 թվականին: Իսկ դա եղել է, խնդրում եմ հիշել, մարդկային գործունեության մեջ առաջին ծրագրված «աշխատանքի» կազմակերպում՝ գիտական հիմքի վրա հենված, ամբողջ ժողովրդի ոչնչացում: Այդ մինչև մանրութները մտածված կոտորածը բացարձակապես ոչ մի ընդհանրություն չունի ինչ-որ Աբդուլ Համիդի անկազմակերպ գործողությունների հետ 1895—96 թթ., երբ հայերի դեմ էին ուղղվել քրդերի վայրի հորդաներն ու հասարակության տակաճները, հասնելով միանգամայն համեստ «արդյունքների»՝ ինչ-որ երեք միլիոն սպանվածներ:

1915 թվականի կոտորածի ժամանակ, որը շարունակվեց հաջորդ հինգ տարիների ընթացքում, ընդհուպ մինչև հայերի դիմադրության բոլոր կետերի վերացումը, կետեր, որոնք գտնվում էին Կիլիկիայում, Անատոլիայում, Վանա լճի շրջակայքում, Սիրիայում, ռուսական Ադրբեջանում և Ղարսի մարզում, այս կոտորածի ընթացքում զոհվեցին ընդհանուր թվով երեք միլիոն հայեր, որը կազմում էր ամբողջ ժողովրդի 60 տոկոսը: Այդ համապարփակ ջարդից խոսակցեցին միայն նրանք, ով-

քեր գտնվում էին ձեր իշխանության սահմաններից դուրս: Վերադառնալով ներկայիս և հաշվի առնելով քանակական վիճակը 1911 թվականին, ինչպես և նրանց բնական աճի տոկոսը վերջին 50 տարիների ընթացքում, ընթացիկ 1961 թվականին նրանք պետք է հասնեին 10 միլիոնի, իսկ իրականում հազիվ չորս միլիոն են:

Ուրեմն, սպանելով մի մարդու, սպանում են նրա դեռևս չծնված սերունդներին հարյուրավոր և հազարավոր տարիների հեռանկարում: Եվ հենց այդ շահագրգռություններն ունեին նախ և առաջ կոտորածի կազմակերպողները: 1915—1920 թթ. երեք միլիոն սպանվածները 40 տարվա ընթացքում կդառնային վեց միլիոն չծնվածներ: Մոտ երկու միլիոն հայ զոհվեց այդ արշավանքի հենց առաջին տարում, 1915 թվականին. երբ այն ժամանակվա ձեր ներքին գործերի մինիստր Թալեաթ Բեյը պաշտոնապես հայտարարեց, թե «չկա հայկական հարց, քանի որ չկա նաև հայ», դա Հիտլերի հանձարեղ նախորդն էր: Այլմասնի նախորդը կամ հայերի անմիջական կոտորողը իր հերթին եղել է գեներալիսիմուս Էնվեր փաշան, որը, ի միջի այլոց, իր կյանքով պարտական էր հայերին: (Ռուսական շրջապատումից նրան ազատել են ձեր բանակի հայկական զորհրդը՝ ի սեփական դժբախտություն): Թալեաթ Բեյը և Էնվեր փաշան երկուսն էլ արժանի պատիժ ստացան, թեև չափազանց մեղմ՝ առաջինն սպանվեց Բեռլինում հայ ուսանողի զրնդակից (1921 թ.), մյուսը՝ ռուսական պարեկի զնդակից (1932 թ.):

Նշավակման արժանի երրորդ ջարդարարը, ավաղ, ձեր ինտելիգենցիան է, որը ինքնական օժանդակեց ոճրագործների կազմակերպած ազգամոլ հալածանքին այն ժամանակ, երբ հասարակ ժողովուրդը, մուսուլման հոգևորականությունը և իրենք, ազնվական տոհմերը կամ բոլորովին չեն մասնակցել կոտորածին, կամ նույնիսկ փորձեր էին անում հայերին փրկելու: Չգիտեմ, թե ամբողջ համաշխարհային գրականության մեջ կգտնվի՞ արդյոք ավելի ցնցող տեսարան, քան Ֆրանց Վերֆելի պատմածը մի քանի ծեր թուրքերի մասին, որոնք գաղտագողի բարձրանում էին Մուսա լեռան վրա պաշարված հայերի մոտ, որպեսզի նրանց մի քիչ ուտելիք հասցնեն: Գեթ այդ փաստի համար կարելի է ընդմիջտ սիրել ձեր ժողովրդին:

որին այդպես անպատվեց ձեր սեփական ինտելիգենցիան հայկական կոտորածի ողբերգական տարիներին:

Ցավոք արտի, ձեռքիս տակ չունեմ ստույգ թվեր, որ մի ժամանակ հավաքում էի ձեզ համար: Այդ խնդրին վերաբերող իմ բոլոր նշումները այրվեցին Վարշավայի ապստամբության կրակների մեջ, ապստամբություն, որը մի հերթական օղակը հանդիսացավ այն խելահեղ կոտորածների, որոնց զոհը դարձան հայերը, լեհերը, հրեաները, ռուսները, հնդիկները՝ Հրեկաստանում և մուսուլմանական Հնդկաստանում: Մտիպված եմ միայն տալ այս փաստերի չոր ու ցամաք թվարկումը, որոնք մոռացվել են հասարակության կողմից:

1915 թվի հայերի կոտորածը, ինչպես և հրեաների սեծամասնության կոտորածը Այլմասնի կողմից, իրենց հիմքում կոտորածի բնույթ չունեին, նրանք ներկայացնում էին «նստիկանական կարգադրությունների» հրամաններ, որոնց արդյունքները հասցրին միլիոնների անխուսափելի սուկայի մահվան: Ըստ մեզ քաջ հայտնի սխեմաների, նախ և առաջ իշխանության կողմից հրաման էր արձակվում, որի համաձայն բոլոր հայերը պարտավոր էին թողնել տվյալ վայրը սովորաբար երկու ժամվա ընթացքում՝ նոր բնակավայր հասնելու համար: Թույլատրվում էր հետը վերցնել միայն ձեռքի ուղեբեռ, թողնելով ամբողջ ունեցվածքը նոր՝ մուսուլմանական բնակիչներին: Խիստ արգելվում էր օգտվել տրանսպորտի որևէ միջոցից: Ոչ մի բացառություն չէր արվում ծերերի, հիվանդների, երեխաների ու նույնիսկ հղի կանանց համար: Հետիոտն երթը, Անատոլիայի ամառվա կիզիչ արևի տակ, ուղեկցում էին հրացաններով ու մորակներով զինված ոստիկանները: Եթե մուսուլման արտացավ գյուղացիներից մեկը փորձում էր ջուր տալ հայերին, անմիջապես մորակների հարվածներ էր ստանում կամ սպանվում տեղն ու տեղը: Եթե գերյակներից մեկն ու մեկը ընկնում էր ուժասպառ (որ պատահում էր ամեն վայրկյան, այդ մահվան երթի հենց սկզբից), ոստիկանները սպանում էին նրան կամ հարվածում կոշիկներով: Երթի հետևից քարշ էին գալիս չեչենների ու թափառաշրջիկների հրոսակախմբերը, որոնք լկտի ծաղր ու ծանակով մերկացնում էին դիակները ոստիկանների լուռ համաձայնությամբ ու թույլտվությամբ, խլում, փախցնում էին երիտասարդ կանանց ու աղջիկներին՝ հենց որ նրանցից մեկն ընկնում էր կամ մի քայլ նստ էր մնում

ընդհանուր երթօց: Բայում բռնաբարություններից հետո անհատական էին նրանց ամենակտի ձևերով: Եվ դա ի միջի այլոց կատարվում էր ցարդոնի հրահանգի համաձայն, որը տրվում էր ոստիկաններին և որի իմաստն աքտորյալներին անասյութի մեղսելն էր:

Այդ տեսակետը երթի ճանապարհին, երբ մի երկու օրից այդուհանդերձ ավագեց կիսով չափ, նրանից առանձնացրին տղամարդկանց, որոնց բռնեցին ռազմական ճանապարհներ կառուցելու, ըստ որում, յուրաքանչյուր «աշխատանքային բաժանմունք» հանձնարարություն էր ստանում կառուցելու ճանապարհի երկու կիլոմետր երկարությամբ հատված: Հանձնարարությունը կատարելուց հետո բոլոր «աշխատողներին» սպանում էին:

Կանանց, երեխաներին ու ծերերին բռնում էին ավելի հեռու, մինչև բնաջնջման ճամփաները, որոնք տեղադրված էին Միջագետքի անապատում: Վերջերս մեջ է թերում թուրք սպայի խոսքերը, որ այցելել էր ձերբակալվածներին. «Իրանք արդեն մարդիկ չէին, այլ ուրվականներ... մարդանման կապիկների ուրվականներ, որոնք վախճանվում են աստիճանաբար, ուտում են խոտ, ոռնում քաղցից: Կանայք իմ ձիու գոմարդի մեջ վարսակի չմարված հատիկներ են փնտրում»:

Օրական մահացությունը անցնում էր տասը հազարից: Տարբերվում էր դա մազաչափ անգամ հիտլերյան մահվան ճամբարներից: Գուցե միայն նրանով, որ այդ ճամբարների հսկող ոստիկաններն իրավունք ունեին բռնաբարելու ձերբակալված կանանց ու աղջիկներին, քանի դեռ նրանք մարդկային կերպարանք ունեին: Հավանաբար, այդ տեսակետից նրանք գերծ էին ռասայական որևէ նախապաշարմունքից:

Տեղահանումն ընդգրկեց այդ տարաբախտ ժողովրդին պատկանող բոլոր անձանց՝ բուրգարական սահմանից մինչև պարսկականը: Այն հայը, որը հանդիպում էր համակենտրոնացման ճամբարից, «աշխատանքային բաժանմունքից» կամ երթից դուրս, սպանվում էր տեղն ու տեղը: Գնդակահարություն էր սպասվում այդպիսիներին տեղ տվողին: Կասկածելու դեպքում ստուգում էին՝ այս մարդը թլպատված է, թե՛ ոչ: Միշտ այնպես, ինչպես հիտլերյան օկուպացիայի ժամանակ, այն զորքերությամբ, որ ձեզ մոտ սպանում էին հենց նրանց, ովքեր թլպատված չէին:

Հայկական գնդերի զինվորները, որոնք այնպես դյուցազնաբար կոչվում էին Էնվեր փաշայի կյանքի համար, հենց նրա հրամանով բաժանվեցին ընդհանուր բանվորական դրուժինաների, ըստ որում, ինչպես գիտենք արդեն, նրանցից ամեն մեկը պետք է կատարեր միայն մեկ, սակայն առավել ուժասպառ անող հանձնարարություն: Հանձնարարությունը կատարելուց հետո ամբողջ դրուժինան ոչնչացվում էր անհատակող վաշտի կողմից:

Ստամբուլն այն ժամանակ դեռևս հայկական ու հունական կուլտուրայի համաշխարհային կենտրոն էր ոչ պակաս, քան թուրքական կուլտուրայի: Ըստ էության դա երեք ժողովուրդների քաղաք էր, ըստ որում՝ հայկական կուլտուրական միջավայրը գերազանցում էր մնացածներին երկու հարկով: Այստեղ մի ժամանակ ստեղծագործում էին Դուրյանը և Պեշկոպաշյանը՝ արևմտահայ ամենամեծ բանաստեղծները, քրիստոնեական Արևելքի հայրոցն ու Օելլին: Եվ նրանց հետևից գնում էր բանաստեղծների, հիանալի նովելիստների, դրամաների ակադեմի հեղինակների մի ամբողջ աստղահույլ: Ով որ այդ կաճանից ապրեց մինչև 1915 թվականը, իր մահկանացուն կնքեց այդ թվականին:

Այն ժամանակ անհատակության ճանապարհին, բանտերում կամ համակենտրոնացման ճամբարներում զոհվեցին Գրիգոր Զոհրասյր, Երվանդ Սմբաթեշահանյանը (Երուխան), Ռուբեն Զարդարյանը՝ տասնյակ այլ հանրաժանոթ գրողներ, արտիստներ, երաժիշտներ: Հանձարեղ կոմպոզիտոր ու ժողովրդական երգեր հավաքող Կոմիտասը հրաշքով կենդանի մընաց, սակայն ընդմիշտ կորցրեց բանականությունը: Մահացավ Փարիզի հոգեբուժական հիվանդանոցում 1935 թ., 20 տարվա խելագարությունից հետո:

Արշավանքի շարունակությունը կրում էր բոլորովին այլ բնույթ. սկսվեց անողք կոտորածը այն բոլոր հայերի, որոնք որևէ առիթով խուսափել էին աքտորից: Ամենից առաջ դա վերաբերում էր նրանց, ովքեր դիմացել էին դիմադրության այն սակավաթիվ կետերում, որտեղ պաշարված հայերին երբեմն օգնություն էր հասնում ֆրանսիացիներից, անգլիացիներից կամ ռուսներից: Այդպես էր Կիլիկիայում կամ Վանա լճի մոտ:

Կերենակու հեղափոխությունից հետո, երբ ռուսական ռազմաճակատը ճեղքվեց, կոտորածը հրդեհի պես տարածվեց նոր

տերիտորիայի վրա, որը մինչև այդ գտնվում էր նման աքսոր-
ների սահմաններից դուրս. նախ և առաջ՝ Ադրբեջան և Ռու-
սահայաստան: Ձեր գործերը առաջ էին շարժվում իսպառ կո-
տորելու հայկական գյուղերի բնակիչներին, իսկ լեռնային գե-
տակներից անցնելու համար դիակներից կամուրջներ էին դի-
զում թնդանդանների անիվների տակ: Դրան հաջորդեց Բաքվի
սարսափելի կոտորածը և անհավասար պայքարը դաշնակների
դեմ, որը գործնական շարունակությունն էր 1915 թվականի
արշավի:

Երևանի վերջին գրավումը ռուսական զորքերի կողմից
(1920 թ. աշնանը) իսկապես ձեզնից փրկեց հայկական հողի
վերջին մնացորդը, բայց միաժամանակ առանց մի կրակոցի
ձեզ տրվեց Ռուսական Հայաստանի կեսը (Ղարսի մարզը)
Արարատի նախալեռնաստանի հետ, որը փաստորեն երբեք
ձեզ չի պատկանել:

Այդ ժամանակ առիթ ունեցաք կորացնելու տանջամահ
արված հայերի այն սարսափելի թիվը (3.000.000), որի մա-
սին գրել էի վերը: Փակագծում ասեմ, որ այդ վերջին տերի-
տորիալ գրավումները քիչ օգուտ բերին ձեզ: Մոտավորապես
երկու տարի առաջ անցնում էի այժմյան հայ-թուրքական սահ-
մանի երկարությամբ, և այդ ճանապարհորդության ամբողջ
երկու ժամվա ընթացքում չնկատեցի ձեր կողմում ոչ մի կեն-
դանի էակ: Խիտ բնակեցված երկիրը դուք վերափոխել եք
կատարյալ անապատի՝ մեռյալ ու քստմնելի, ինչպես մոռաց-
ված ու անարգված մի գերեզմանատուն: Թե՛ նրա համար կո-
տորեցիք այդ երկրի իրավական բնակիչներին, որ հակառակ
աստվածային ու մարդկային օրենքների անվանեք այն «Թուր-
քիա» ու հրկիզեք:

Ներիր, որ ձանձրացրի քեզ մի քանի տասնյակ տարիներ
առաջ տեղի ունեցած դեպքերի՝ նկարագրությամբ, մանավանդ
որ այստեղ բերված փաստերի մեծ մասը պետք է քեզ հայտնի
լինի գոնե Վերֆելի «Մուսա լեռան 40 օրը» վեպից կամ 25
տարի սրանից առաջ իմ հաղորդածից: Բայց երևի կխոստո-
վանես, որ 3.000.000 սպանվածների ու 6.000.000 չծնվածների
պատկառելի թիվը լիովի բավական է մի անգամ ևս նվիրելու
նրան քո թանկագին ժամանակի մի հատվածը:

Բայց ինչի՞ համար եմ ասում այս ամենը, եթե ինձ չի
կարող արդարացնել գոնե տարեդարձի առիթը: 21՞ որ սու-
կայի խայտառակության սարսափելի հոբելյանը միայն չորս
տարի հետո է լինելու, այսինքն՝ 1965 թվականին: Կաշխատեմ,
ուրեմն, հերթով պատասխանել քո այդ հարցին ևս, իսկ պա-
տասխանս կլինի հենց նամակիս ամենակարևոր մասը:

Ամենայն հավանականությամբ գիտես, որ 20-րդ դարը չի
սկսվել 1901 թ. հունվարյան առաջին գիշերը, այլ միայն մի
քանի տարի հետո, այսինքն՝ 1914 թվականի ամռանը, ինչպես
որ 19-րդ դարը սկսվեց միայն Վաթեռլոյի ճակատամարտից
հետո, 1815 թվականին: Տարեթվերի այսպիսի տեղափոխու-
թյունը բխում է այն պարզ փաստից, որ պատմության ընթաց-
քը չի կարող ճշգրտորեն մտնել օրացուցային շրջանակների
մեջ:

Ամեն դար ունի իր ստույգ դեմքը: 20-րդ դարը նախորդ-
ներից տարբերվում է նրանով, որ հանդիսանում է ամենամեծ
ոճրագործությունների և ամենամեծ փոխհատուցումների դար:
20-րդ դարի ամենամեծ ոճրագործությունները մարդասպանու-
թյուններն են, այսինքն՝ ամբողջ ժողովուրդների տանջամահ
անելու փորձերը, որոնք բարեբախտաբար, մինչև այժմ երբեք
չեն պակասել 100 տոկոսանոց հաջողությամբ:

Այդպիսի ոճրագործության առաջին փորձը, որը իրակա-
նացվեց 60 տոկոսով, կատարվեց նոր դարի առաջին տարին
լրիվ բոլորելուց առաջ, այսինքն՝ 1915 թվականի ամսովա
սկզբին: Դա կոչվում էր «Հայկական հարցի վերջնական լու-
ծում»: Նույնական «Հրեական հարցի վերջնական լուծում»
փորձեցին իրականացնել (և, ավաղ, մեծ չափով իրականաց-
րին) հիտլերյան գերմանացիները: Լեհական և ռուսական (գու-
ցե նաև ընդհանրապես սլավոնական) հարցի «վերջնական
լուծումը», անտարակույս, մտնում էր հիտլերյան ծրագրի մեջ
և հավանաբար իրականացվում էր արդեն համակենտրոնաց-
ման ճամբարներում ու բանտերում, ինչպես նաև գնդակահա-
րությունների հրապարակներում: Գիտեմ, որ լեհերից, ֆրան-
սիացիներից, նույնիսկ անգլիացիներից ու ամերիկացիներից
ոմանք այդ նույն ժամանակ միանգամայն լուրջ կերպով մտա-
ծում էին «Գերմանական հարցի լուծման մասին», որը նմա-
նապես հանցավոր միտք էր, թեև այն ժամանակ հոգեբանորեն

գոնե հասկանալի: Միաժամանակ ուկրաինական Ասցիոնա-
լիստները «լուծում էին լեհական հարցը» Վոլինում և ապը-
տամբում Վարշավայում, իսկ խորվաթները Խորվաթիայում
«լուծում էին սերբական հարցը»:

Եվ մի՞թե հեղինակների ու մուսուլմանների սարսափելի կո-
տորածները, որոնք բռնկեցին Հնդկաստանի ու Պակիստանի
ազատագրության հենց սկզբին, նույնպես «վերջնական լու-
ծումների» միամիտ փորձեր չէին կամ ժողովրդասպանություն:
Չէ որ ամենադժվարին բանը մարդկային հասարակության մեջ
պարտադիր ճանաչված բարոյական կանոնների խախտումն է,
որից հետո արդեն գործն ավելի հեշտ է ընթանում, մինչև որ,
վերջապես թվում է միանգամայն նորմալ:

Առաջին հասարակությունը, որ բռնեց այդ սայթաքում ճա-
նապարհը, ավաղ, քո ժողովուրդն էր, մի հանգամանք, որը
նվազագույնս չի փոքրացնում ոչ հիտլերյան սուկալի ոճիր-
ները, ոչ էլ ոճիրները կատարողների պատասխանատվությու-
նը: Նամանավանդ որ նրանք հավանաբար այնքան էլ չգի-
տեին ձեր հայկական արշավանքի մասին, որովհետև ի հա-
կադրություն ձեզ՝ գերմանական էնվերները եղել են նախ և
առաջ կիսահետելիգեներներ: Ուղղակի օդն արդեն բավակա-
նին թունավորված էր փոխադարձ ատելությամբ, որը տարած-
վել էր ինչպես ժանտախտը, ժահահոտությունը՝ հայտնի չէ,
թե որտեղից, գուցե հենց չլափված հայերի դիակներից:

Համեմայն դեպս, այն պահին, երբ առաջին անգամ հա-
ղորդում էի քեզ այս մասին, ամենևին չէի պատկերացնում,
թե իմ սեփական հայրենիքը երբևէ կդառնա ոչ պակաս ահեղ
իրադարձությունների ասպարեզ, քան նրանց, որոնց մասին
այն ժամանակ խոսում էինք, չէի պատկերացնում, որ ոճիրնե-
րի շղթան դեռևս շուտ չի կտրվի:

Սակայն 20-րդ դարը միաժամանակ պատմության մեջ ա-
մենամեծ փոխհատուցումների դարն է: Դու ինքդ ուշադրություն
ես դարձնում դրա վրա քո նամակում, թեև այդ անվանումը՝
փոխհատուցում, չես գործածել: Մի՞թե հենց գաղութային ժո-
ղովուրդների մեծամասնության ազատագրության փաստը՝ և
այն էլ առանց մի կրակոցի, քեզ չի ներկայանում իբրև պատ-
մական հրաշք, որը անցյալի պատմության մեջ բացարձակա-
պես իր նմանը չունի:

Իսկ մեր արևմտյան հողերը ետ վերադարձնելը, հողեր,

որոնց վրա լեհական տարրը հազարավոր տարիների ընթաց-
քում ոչնչացվում էր առանց զարհուրելի կոտորածի ենթարկ-
վելու, բայց նույնքան արդյունավետ: Մի՞թե դա ահեղ նախա-
գգուշացում չէ բոլոր նրանց համար, ովքեր կարծում են, թե
բավական է ոչնչացնել մարդկանց, որպեսզի հնարավոր լինի
ընդմիջտ զավթել նրանց հողը: Նյուրնբերգի և հարյուրավոր
այլ դատավարություններում թեև դատապարտվեցին ռազմա-
կան ռմբագործների գեթ մի մասը, սակայն դրանք փոխհա-
տուցման նշանավոր գործողություններ են:

Դրան զուգահեռ, հետզհետե ավելի սովորական էր դառ-
նում կոլեկտիվ մեղքի հասկացությունը, որը ոչ մի չափով
նույնը չէ, ինչ որ կոլեկտիվի պատասխանատվությունը: Մեծ
փոխհատուցման երևույթը միշտ այդպես է ընթանում այն եր-
կրներում, որոնք հետպատերազմյան աշխարհում ամենակա-
րևոր դերակատարներն են: Ռուսները քսոսից հետ վերա-
դարձրին Հյուսիսային Կովկասի քո հայրենակիցներին ու հետ-
նորդներին՝ բաղկարներին, կարաչայցիներին, չեչեններին, ին-
գուշներին: Հարավ-աֆրիկյան Միությունը դուրս արվեց բրի-
տանական համագործակցությունից ի պատիվ նեգրերի նկատ-
մամբ գործադրած իր հալածանքների: Միայն փոքրաթիվ եր-
կրներ մինչև այժմ չեն գիտակցել, որ 20-րդ դարը բեկում է
ապրում, և որ մեծ ոճիրների ժամանակաշրջանին սկսում է
փոխարինել մեծ հատուցումների ժամանակաշրջանը, հատու-
ցումներ, որոնք անկախ քաղաքատնտեսական բնույթի պատ-
ճառներից, կամավորության որոշ գծեր ունեն: Անկախ ամեն
ինչից, այս փաստերի մեջ կա մի ինչ-որ բան այն անկեղծ
փափագից, այն տենչից, որ պաշտոնապես կատարված անի-
րավությունները որևէ կերպ փոխհատուցվեն:

Բացառված չէ, ի միջի այլոց, այն հնարավորությունը, որ
քաղաքական պատասխանատու գործիչները, գործելով հասա-
րակական կարծիքի ճնշման տակ, չեն գիտակցում նույնիսկ,
թե որքան գորեղ է գործում այդ հասարակական կարծիքը զուտ
բարոյական ազդակների ճնշմամբ:

Սակայն որոշ հասարակություններ դեռևս շարունակում են
խուսափել իրականությունից այն համոզմունքով, թե հասարա-
կական կարծիքը չի կարող իրենց դիպչել: Հարավ-աֆրիկյան-
ները համոզված են, թե սևն առաջիկայում էլ ծառայելու է սպի-
տակին: Պորտուգալացիները միամտորեն հավատում են այն

բանին, թե իրենց գաղութատիրական կայսրությունը անվնաս կմնա, չնայած որ ամբողջ հին աշխարհը փուլ է գալիս: Եվ դուք էլ ձեր հերթին ենթադրում եք, թե քանի որ նահատակները ինչ-որ երկրի բնակիչների 60 տոկոսն են, իսկ մնացածները ցրվել են աշխարհով մեկ, ուրեմն այդպիսի երկիրը դադարել է գաղութ լինելուց և կարելի է ուղղակի նրան համարել սեփական տերիտորիայի մի բաղադրիչ մասը՝ որպես յուրահատուկ մի պարզև ժողովրդասպանության համար:

Սակայն թույլ տվեք հարցնել. ինչո՞ւ հայերին նահատակելը պիտի պարզև արժանանա, երբ լեհերին ու հրեաներին նույն ձևով նահատակելը պաշտոնապես ճանաչված է իբրև մարդկության դեմ գործած ոճիր: Թե՞ այդ դժբախտ հայերը ինչ-որ բանով վատ են մեզանից ու հրեաներից:

Գիտեմ, որ այս նամակս քեզ չի հասնի թեկուզ և այն հասարակ պատճառով, որ դու չես կարդում լեհական մամուլը: Լավագույն դեպքում ձեր գեկուցողներից մեկը մկրատով կկտրի այն թերթից ու տակը կգրի՝ «թշմամական պրոպագանդա», ըստ որում, դա անմտություն է, քանի որ ես կամ և եղել եմ միշտ ձեր ժողովրդի անկեղծ բարեկամը և, որ ամենակարևորն է, մինչև օրս էլ չեմ կորցրել հավատս նրա նկատմամբ և հենց դրա համար է միայն, որ գրում եմ այս գայրագին, տխուր նամակը:

Միայն թե այս վայրկյանին նա արդեն հասցեագրված է ոչ քեզ, քանի որ դու չարդարացրի քեզ վրա դրած հույսերս՝ քո մեջ բավական ուժ ու խիզախություն գտնելու, որպեսզի քո հայրենիքում ձայն բարձրացնեիր ի պաշտպանություն նահատակված ժողովրդի: Դրա համար էլ այս նամակը հասցեագրում եմ նրանց, ովքեր ձեր ժողովրդի ճշմարիտ խիղճն են հանդիսանում, նրա գրականագետներին, արտիստներին ու ուսուցիչներին, համաշխարհային համբավ վայելող թուրք գիտնականներին, երիտասարդության դաստիարակներին ու բարեկամներին:

Գիտեմ, որ լավագույն դեպքում ձեզ կհասնեն միայն հողվածիս արձագանքները, որոնք այստեղ-այնտեղ կկրկնվեն համաշխարհային մամուլում կամ, գուցե ձեզ հասնի իմ հողվածի բովանդակությունը ռեֆերետոված ձեր էվրոպական բարեկամների նամակներում:

Դա շատ քիչ է, անշուշտ, սակայն արդյունքները կարող

են լինել շատ պտղաբեր: Պատահում է, որ լույսի մի չնչին փայլակ, որպես ազդանշան (այն, որ աշխարհը, հակառակ թվացող մոռացության, դեռևս հիշում է հայկական խնդիրը), կարող է պատճառ դառնալ՝ վառելու շատ այլ լուսատուներ. որոնք այնքան պայծառ կլինեն, որ դուք ևս կնկատեք նրանց:

Ես հենց դրանով էլ շահագրգռված եմ: Այսուհետև դուք ինքներդ ձեր հասարակության առջև պիտի դատապաշտարան դառնաք դեռ մինչև օրս էլ աշխարհով մեկ ցրված, այսինքն միկրոսկոպիկ (Խորհրդային Հայաստանի սահմաններից դուրս) հայերի համար:

Հենց այն պատճառով, որ ձեր հայրերը խլեցին նրանց ուտքի տակից հայրենի հողը՝ 3.000.000 կյանքով հանդերձ:

Ես ոչ թուրք եմ և ոչ էլ հայ, ուստի և իմ կոչումը չեմ համարում նշել կոնկրետ ձևերը փոխհատուցման, որի իրավունքը ունեն հայերը ձեր նկատմամբ: Սակայն գիտեմ, որ մեր ներկա պատմական ժամանակաշրջանում՝ նեղյալ ժողովուրդների ու զավթած երկրների ինքնակամ ազատագրման ժամանակաշրջանում, այդ խնդիրը առանց այն էլ պիտի ծառանա:

Բայց հենց ձեզ համար ավելի շահեկան կլինի, եթե ինքներդ լինեք ձեզ դատապարտողն ու ձեր դատավորը, փոխանակ լինելու միայն... դատապարտված:

Չեմ կարողանում հասկանալ ձեր մինչայժմյան անտարբերությունը այն ոճրագործության նկատմամբ, որ 46 տարի է, ինչ ծանրացել է ձեզ վրա: Չեմ հասկանում, թե ինչպես այս պայմաններում կարող է ապրել մի ժողովուրդ, պիտի իր հայրենիքը, ծիծաղել և ուրախանալ, կարդալ հումանիտական գրքեր, այցելել արտասահման և հյուրընկալել օտարերկրացիներին: Կարծում եմ, որ ուղիղ այդպիսի տեսք կունենար գերմանական հասարակությունը, եթե Հիտլերը հաղթանակեր երկրորդ համաշխարհային պատերազմում: Սակայն այդ դեպքում ողջ աշխարհը խենթացած կլիներ: Իսկ դուք, հակառակ ամեն ինչի, ապրում եք նորմալ աշխարհում:

Մի ժամանակ, պատերազմից առաջ, կարդացել եմ բուրձարական մի գրողի նովելը այն մասին, թե ինչպես բուրձարավազակները մոր աչքի առաջ նահատակել են մի թուրք մանուկի: Ինչո՞ւ այդ բուրձարացին խիզախություն ունեցավ գրելու ինչ-որ անհայտ փաստի մասին՝ քի՞ծ գցելով իր հարազատ ժողովրդի վրա, մինչդեռ ձեր նովելիստների համար 3.000.000

հայերի սպանության հարցը ընդմիջտ քողարկված է մնում ամոթալի լուծությամբ, եթե ոչ բացարձակ արհամարհանքով, ինչո՞ւ:

Ուղղակի չեմ կարողանում երևակայել, որ ձեր լեզվով լույս տեսնի որևէ հայկական Աննա Ֆրանկի հուշատետրը, չնայած որ այն սուկալի տարիներին սպանեցիք առնվազն մեկ միլիոն չափահաս աղջիկների ու դեռատի կանանց, որոնք այն ժամանակվա Արևելքի համար բավականաչափ կիրթ էին: Նույնիսկ Ֆրանց Վերֆելի կլասիկ գիրքը, որքան ինձ հայտնի է, ձեզ մոտ արգելված գրականության ցուցակում է գտնվում:

Չէ որ այն բարոյական խթանները, որոնք ստիպում են էվրոպական հասարակություններին խուսափել գաղութների ազատագրման և հին վիրավորանքների փոխհատուցման փաստից, չեն կարող խորթ լինել նաև ձեզ:

Եվ հենց այդ պատճառով այն ցավալի խնդիրը, որ նամակիս նյութն է, ինձ համար իր մեջ պարունակում է ինչ-որ անլուծելի հոգեբանական մի խնդիր, որի վրա ապարդյուն տանջվում են տարիներ ի վեր: Եվ հավատացնում են ձեզ, որ ես մեռակ ու մեկուսի չեմ: Իմ անհանգստությանը համամիտ են բոլոր նրանք, ովքեր անտարբեր չեն ձեր ազնիվ ժողովրդի պատվի ու բարի անվան հանդեպ:

**ԲԱՅ ՆԱՄԱԿ՝ ՄԻԱՎՈՐՎԱԾ ԱԶԳԵՐԻ
ԿԱԶՄԱԿԵՐՊՈՒԹՅԱՆ ԳԼԽԱՎՈՐ ԶԱՐՏՈՒՂԱՐ,
ՆՈՐԻՆ ՄԵԾՈՒԹՅՈՒՆ ՊԱՐՈՆ ՈՒ ՏԱՆԻՆ**

ՆՅՈՒ ՅՈՐՔ

Ձերդ մեծություն:

Սույն նամակը հասցեագրում եմ Ձեզ ոչ միայն նրա համար, որ Դուք միավորված ժողովուրդների առաջին ներկայացուցիչն եք, այլ նախ և առաջ այն պատճառով, որ բարձր են գնահատում ձեզ որպես մարդու: Եվ հենց մարդու այդ անմիջական գրույցը մարդու հետ թույլ է տալիս ինձ անկեղծորեն արտահայտել այն ամենը, ինչ ես մտածում եմ մեր բավական դաժան հարյուրամյակի պատմության ամենացավալի ու ամենախայտառակ հարցի շուրջը: Հիսուն տարիներից ի վեր այդ հարցը տանջում է ամբողջ մարդկության խիղճը... և ժամանակն է, վերջապես, որ նա արդար լուծում ստանա:

Խոսքս վերաբերում է 1915 թվականի հայկական ողբերգական կոտորածին, որի տարելիցը նշում ենք այս օրերին, ինչպես նաև այդ ոճրագործության հետևանքների երկար շարանին, որի պատճառով ամբողջ Տաճկահայաստանը այսօր դարձել է աշխարհիս ամենակոլտուրական ժողովուրդներից մեկի գերեզմանոցը, իսկ հրաշքով փրկվածների ժառանգները պանդուխտ են օտար երկրներում:

Սակայն, որպեսզի այս նամակում իմ շոշափած հարցը միանգամից ճիշտ հողի վրա դրվի, պիտի ավելացնեմ, որ ինքս հայ չեմ, և որ նամակս թելադրված չէ գոյություն ունեցող կառավարություններից որևէ մեկի կողմից. ավելի շուտ դա ամբողջ մարդկության խղճի արտահայտությունն է, այն խղճի, որ չի կարող հանգիստ գտնել՝ անտեսելով հայ ժողովրդի 60 տո-

* Տպագրվել է «Երեկոյան Երևան» թերթի 1989 թ. նոյեմբերի 27-ի համարում՝ Հ. Կարճիկյանի հրատարակմամբ:

կոսի ոչնչացման ու նրա պատմական տերիտորիայի 90 տոկոսի կորստի փաստերը:

Այս նամակը նաև թուրք ժողովրդի և թուրք կառավարության դեմ ինչ-որ թշնամական մի ակտ չէ: Ընդհակառակը: Ես դաստիարակվել եմ թուրք ժողովրդի նկատմամբ բարեկամության ու հարգանքի ոգով (իմ նախնիներից մեկը 1855 թվի պատերազմում մարտնչել է նրանց կողմից): Այդ զգացումներս առավել ևս խորացրեց արևելագիտական բարձրագույն ուսումըս, որի շնորհիվ անձնական սերտ կապերով կապվեցի թուրք ուսանող երիտասարդության հետ, որին անկեղծորեն սիրում էի ընկերասիրության, ներքին բարձր կուլտուրայի և գեղեցկության համար:

Սակայն, ավա՜ղ, կան անձնական համակրանքից ու կապերից վեր կանգնած հարցեր:

Եվ, խնդրում եմ հավատաք ինձ, Ձերդ Մեծություն, որ եթե ես ոչ թե լեհ, այլ հենց թուրք լինեի, նույնպես չէի տատանվի հանձնելու Ձեզ հետևանքներով հոյի այս նամակը:

Արդեն հիշել եմ, որ ուսանող ժամանակս առաջին անգամ չփվեցի թուրք ժողովրդի ներկայացուցիչների հետ: Եվ, թերևս, հենց այդ մարդկանց նկատմամբ այդպիսի անկեղծ համակրանքի ու հարգանքի զգացումն էր, որ հնարավորություն չէր տալիս լռեցնելու իմ մեջ այն միտքը, թե արդյոք այդ հմայիչ մարդիկ հավանություն տալի՞ս են այն ամենին, որ նրանց հայրերը թույլ տվեցին իրենց հայ քրիստոնյա համաքաղաքացիների նկատմամբ՝ Ստամբուլում և Տաճկահայաստանում, Կարսում ու Արդահանում, Կիլիկիայում ու Սիրիայում, ժամանակավորապես գրավված Բաքվում ու ամենուրեք, ուր մուտք էր գործել թուրք զինվորը: Եվ, պատահած առիթներից օգտվելով, տալիս էի նրանց այդ հարցը: Իսկ նրանք հայացքները հառում էին գետնին...

Հենց դրա համար էլ հարգում էի, որ ամաչում էին: Ավա՜ղ, հետո, ըստ երևույթին, դադարեցին ամաչելուց, որովհետև, երբ 1961-ին թուրք մտավորականներին կոչ հղեցի այդ հարցի վերաբերյալ (այդ կոչը ամբողջ աշխարհը շրջեց և, իմիջիայլոց, Ամերիկայում հրատարակվել է առանձին գրքուկով՝ «Նուսուկ իմ հին թուրք ծանոթին» վերնագրով), ոչ մի թուրք չարձայանքեց իմ կոչին: Նույնիսկ կոմունիստ Նազիմ Հիքմետը հարկ համարեց լռել: Ըստ երևույթին գերադասել էր մոռանալ: Իսկ

ես ամոթ եմ զգում իր և իր հայրենակիցների փոխարեն, որոնց պատանեկությանս տարիներին ճանաչում էի իբրև ասպետական և անթերի ժողովուրդ: Այնուամենայնիվ, ես հավատում եմ, որ մեռնելուցս առաջ դեռ կվերականգնվի նախկին հարգանքս թուրքերի նկատմամբ և հավատս՝ նրանց արդարամտության հանդեպ: Եվ այս ամբողջ խնդիրը, որ բարձրացնում եմ սույն նամակովս, թելադրված է, իմիջիայլոց, Թուրքիայի պատիվը փրկելու անզուսպ ձգտումովս, ա՛յն պատիվը, որ երկրի ժամանակավոր տիրակալները՝ երիտասարդ թուրքերը, ստորաբար գետնին գցեցին:

Չէ՞ որ հրեաների ու Արևելյան Եվրոպայի նվաճված ժողովուրդների կոտորածը՝ կատարված գերմանական կաշարության երրորդ կառավարության կողմից, գուցե ամենանողկալին էր 20-րդ դարում, բայց բնավ ոչ միակն իր տեսակի մեջ: Դրան նախորդեց այն մյուսը, և գուցե ավելի սարսափելին, քանի որ հայ ժողովրդի իսպառ բնաջնջման այդ փորձը, որն անցկացվում էր նույնքան հետևողականորեն ու նույնքան աստ-նասրտորեն, ինչքան և երրորդ կաշարության ոճիրը, միանգամայն անպատիժ մնաց: Իսկ եթե դա լիովին վրիպել է աշխարհի ուշադրությունից, ապա ավելի վատ այդ աշխարհի համար, քանի որ դրանով աննկատելիորեն մթնոլորտ ստեղծվեց ապագա ոճիրների համար, գուցեև համաշխարհային մասշտաբով:

... Ստույգ լինելու համար ստորև շատ սեղմ ու ամփոփ շարադրում եմ այդ ողբերգական դեպքերի պատմությունը:

Մասսայական մարդասպանությունը բուն Անատոլիայում, համեմայն դեպս, իր առաջին փուլում սկսվել է ոստիկանական ակտով: Բոլոր քաղաքներում հայտարարություններ երևացին, որոնցով հայ բնակչությանն առաջարկվում էր միայն ձեռքի բռնով, որոշված ժամին հավաքվել հրապարակներում՝ դեպի նոր բնակավայրեր ուղևորվելու համար: Հայերի տներն ու ամբողջ ունեցվածքը պետք է մնային «նոր բնակիչներին» մուսուլմաններին»: Հրապարակները նախօրոք շրջապատվում էին հրացաններով ու մտրակներով զինված ոստիկաններով: Այդտեղից էր սկսվում մահվան անվերջանալի երթը Սիրիական անապատի ուղղությամբ, անատոլիական ամառվա դժոխքի միջով: Քաղցած ու ծարավ, մտրակների ու հրացանների խզակների հարվածների տակ առաջ էին ընթանում մարդկային

սովերենի անծայր շարանները... Ընկնողը մեռնում էր թուրք
նասիկանների կոշիկների տակ կամ սպանվում հրացանի խզա-
կոթով: Ծարքերից դուրս էին բաշվում ամենագեղեցիկ կանայք
ու բազմաթիվ բռնաբարություններից հետո ոչնչացվում:

Այնուհետև առանձնացվում էին բոլոր տղամարդիկ ու չա-
փահաս պատանիները և թշվում ուսման անապարհներ կա-
ռուցելու, իսկ ճանապարհի որոշ հատվածը կառուցելուց հետո
սպանվում էին: Թուրքական բանակի հայկական գնդերի զին-
վորներին զինաթափ արին, որից հետո նրանց գնդակահա-
րեցին իրենց իսկ ընկերները՝ թուրք զինվորները: Այն տեղե-
րում, ուր բացի հայերից բնակվում էին մուսուլմանական ազ-
գային փոքրամասնություններ՝ քրդեր, չեչեններ, այսինքն՝ նախ
և առաջ Տանկահայաստանում, նասիկանները նեղություն չէին
կրում, այլ հայերի դեմ էին գրգռում քրդերին կամ չեչեննե-
րին, որպեսզի սրանք թուրք սպաների հսկողությամբ անխնա
կոտորեին տեղացի հայերին: Տվյալ գյուղը կամ գյուղաքա-
ղաքը շրջապատվում էր գործով, մուսակա բարձունքներին կամ
բլուրներին տեղադրվում էին թնդանոթներ, և այդպիսի հրե-
տանային նախապատրաստություններից հետո ոմմակը խու-
ծում էր փողոցները և սպանում բոլոր բնակիչներին, մեծ մա-
սամբ ուղղակի դանակով: Ծշմարտության դեմ չմեղանչելու
համար պիտի նշեմ, որ ոչ միշտ և ոչ բոլոր քրդերն էին հա-
մաձայնվում և մասնակից լինում այդ ստոր գործողություն-
ներին, իսկ ոմանք, ինչպես նաև բազմաթիվ թուրք գյուղացի-
ներ, նույնիսկ փորձում էին հնարավորին չափ փրկել հայերին:

Դեպի Միրիական անապատը թշվող կանանց վիճակն էլ
ավելի սուկալի էր: Նրանց իրենց երեխաների հետ բախտի
քմահաճույքին թողեցին՝ փակելով մահվան այդ քարավանները
Տեր-Ջորի և Մեսքենի միջև:

**(Նամակում այնուհետև հետևում են անգլերեն մեջբե-
րումներ Վերֆելի գրքից— Մ. Գ.):***

Այդ ողբերգության շարունակությունը, հավանաբար, հայտ-
նի է Ձեզ, Ձերդ Մեծություն: Դիմադրության շատ քիչ կետե-
րում միայն հայերին օգնության հասան ֆրանսիական, անգ-
լիական կամ ռուսական ուժերը, բայց 1917 թ. ճեղքելով ռու-
սական ուսմանակառը՝ թուրքերը խուժեցին ռուսական Հա-

յաստանի և Ադրբեջանի հողերը՝ իսպառ կոտորելով հայկա-
կան գյուղերի բնակիչներին, «իսկ լեռնային գետերն անցնե-
լիս» մարդկանց դիակները նետում էին անիվների տակ,— նը-
շում է լեռ գրող Ստեֆան Փերմսկին այն ժամանակ գրած իր
գրքերից մեկում՝ «Գարնանամուտ» վեպում:

Այնուհետև սկսվեց հայկական փոքրիկ պետության (որն
ստեղծվեց այդ ժամանակամիջոցում) անհավասար և անհույս
պայքարը դեռևս հզոր Թուրքիայի դեմ:

ԱՄՆ-ի Սենատը, հակառակ պրեզիդենտ Վիլսոնի ըն-
դունած դիրքի և հակառակ ամերիկյան ժողովրդի մեծամաս-
նության կամքի, ոչ միայն մերժեց որևէ օգնություն հասցնել
հոգևորք ապրող պետությանը, այլ նույնիսկ չէր ուզում ճանա-
չել այն: Մեծ Բրիտանիան սկզբնական շրջանում մտադիր էր
Հայաստանը դարձնել հակախորհրդային բաստիոն, բայց երբ
Դեմիկիմի սպիտակ բանակը ներս խուժեց Ռուսաստանի խոր-
քերը, նա հայտարարեց, որ Հայաստանն իրեն այլևս պետք
չէ: Ֆրանսիան նույնպես շուտափույթ դուրս բերեց իր գոր-
քերը Կիլիկիայից՝ թողնելով հրաշքով կենդանի մնացած հա-
յերին գազազած թուրքերի կամքին:

Ու դրանից հետո ամբողջ քաղաքակիրթ աշխարհն արդեն
անտարբեր էր դիտում Ասիայի ամենակուլտուրական ժողո-
վորդներից մեկի սուկալի հոգևարքը, մի ժողովրդի, որի պատ-
մությունը գալիս է Բաբելոնի ու Ասրեստանի ժամանակներից,
իսկ նրա կուլտուրական ազդեցությունը զգացվում է ամբողջ
Մերձավոր Արևելքում:

(Մեջբերում անգլերեն— Մ. Գ.):

Ամբողջ երկրագունդն ընդգրկող ձեր հսկայական գործու-
նեության մեջ Դուք, Ձերդ մեծություն, բազմիցս զբաղվել եք
անկախության ձգտող գաղութային ժողովուրդների հարցով:
Եվ Ձեր ու ՄԱԿ-ի նախորդ գլխավոր քարտուղարի արժեքա-
վոր աջակցության շնորհիվ այդ ժողովուրդները հերթով ազա-
տագրվում էին: Իսկ ի՞նչ կասեիք, հարգելի պարոն, որևէ գա-
ղութի մայր երկրի մասին, որն այդպիսի ձգտումներին ի պա-
տասխան այնտեղ ուղարկեր մինչև ատամները զինված գորք
և պարբերաբար տակն ու վրա աներ այդ երկրի ամեն մի՝
անկյունը՝ սպանելով նրա բոլոր բնակիչներին՝ տղամարդկանց,
կանանց, ծեղերին ու մանուկներին, իսկ այդ զարհուրելի ակտն
ավարտելուց հետո լալիքորեն հայտարարել, թե տվյալ գա-

* Թարգմանչուհի՝ Մարիա Գրոխուսկա:

դուրսի անկախության հարցն այլևս հրատապ չէ, քանի որ նրա բնակիչները ոչնչացված են: Թող այդ ոճրագործ կառավարությունը գոնե կարողանար իրեն արդարացնել նրանով, թե «գաղութի ժողովուրդը կատաղեցրել է իրեն անկախության հանդուգն ձգտումներով», իսկ ի՞նչ կասեիք, պարոն, այնպիսի կառավարության մասին, որն իսպառ կոտորեց իր կողմից ոչնչանով չարովկացված երկու միլիոն բնակիչներին, ուղղակի «ավանսով», որպեսզի հետագայում երբեք չկարողանան անկախության ձգտել: Այդ կառավարության նկատմամբ Դուք, ամենայն հավանականությամբ, կանեիք այնպիսի հետևություն, որը կհամապատասխաներ Նյուրնբերգի Միջազգային դատարանի որոշումներին, որոնցով մարդասպանությունը դիտվեց որպես ոճրագործություն ամբողջ մարդկության դեմ և որի համար սահմանվեց խիստ պատիժ: Այդ որոշումները, որքան ինձ հայտնի է, ստացան միջազգային օրենքի ուժ և մնում են ուժի մեջ:

Երիտթուրքական կառավարության՝ հայ ժողովրդի նկատմամբ 1915-ին, այսինքն՝ սրանից ուղիղ հիսուն տարի առաջ, գործած ոճիրը, վերևում իմ ներկայացրած մարդասպանության երկրորդ տարբերակի բոլոր գծերը կատարված էին ավանսով և բացարձակապես արովովկացված չէին: Միակ պատճառաբանությունն այն էր, որ Թուրքիան այն ժամանակ պատերազմ էր մղում Ռուսաստանի դեմ և կարծում էր, թե հայերը բարյացակամ են ռուսների նկատմամբ, որպես դավանակիցների, թեպետ այդ ենթադրությունն անգամ փաստաթղթերով ապացուցված չի եղել:

Թուրքական բանակի հայկական զնդերը կոչում էին քաջաբար և նույնիսկ շրջապատումից ազատեցին գլխավոր հրամանատար Էնվեր փաշային, որը քիչ անց ձեռնարկեց հայերի իսպառ բնաջնջումը, լինելով դրա գլխավոր գաղափարախոսն ու կազմակերպիչը:

Վերևում արդեն գրել եմ, որ հայերին կոտորում էին ոչ միայն Թուրքիայի գաղութ Արևմտյան Հայաստանում, այլ Օսմանյան կայսրության ամբողջ տարածության վրա, ինչպես այն ժամանակվա մայրաքաղաք Կոստանդնուպոլսում: Կոտորում էին նրանց, որպես այլադավան և ազգային փոքրամասնություն. մի բան, որ Նյուրնբերգի Միջազգային դատարանի ո-

րոշումների լույսով կարելի է դիտել իբրև ամեն մի մարդասպանության տիպիկ գործ:

Այսօր Թուրքիան ինչպե՞ս կարող է առաջ քաշել իր համար Կիպրոսի իրավունքների պահանջը, երբ ինքն ազգային փոքրամասնությունների խնդիրները լուծում էր հրացանի կամ դաշույնի օգնությամբ: 1915—1920 թվականների ռազմարշավը հայերի հերթական իններորդ կոտորածն էր, հաշված 1877-ից: Նույն ժամանակամիջոցում և ավելի ուշ, ժամանակ առ ժամանակ կատարվում էին հույների, քրդերի, ասորիների ու արաբների (1915) կոտորածներ, իսկ 1876 թ.՝ բուլղարների հանրահայտ ջարդը: Եվ միշտ այնպես էր դասավորվում, որ բազմաթիվ թուրքեր դատապարտում էին այդ կոտորածը, միայն թե նրանք, որ դատապարտում էին, իշխանություն չունեին, իսկ ովքեր իշխանություն ունեին, սպանում էին:

Ինչպես Ձեզ հայտնի է, Ձերդ Մեծություն, միջազգային տրիբունալի որոշումներին բնորոշ է, իմիջիայնոց, որ նրանք պարտադիր են ոչ միայն ներկայի ու ապագայի համար, այլև անցյալի: Այդ որոշումներում դատապարտված հիտլերյան ռեժիմի բոլոր ոճիրները տեղի են ունեցել դատարանի առաջին միտից առաջ, այնուամենայնիվ, հենց այդ որոշումների հիման վրա բանտարկվեցին ու պատիժ կրեցին երրորդ կայսրության մարդասպան ապարտի գլխավոր կազմակերպիչները: Գերմանիայի Ֆեդերատիվ Հանրապետությունը միակ պետությունն է կարծես, որ համարում է, թե պատերազմից հետո անցած 20 տարին ազատում են ռազմական հանցագործներին պատասխանատվությունից՝ պատժից: Մինչդեռ աշխարհիս մղնացած գրեթե բոլոր պետությունները պնդում են, որ այդպիսի ոճիրները վաղեմության պատճառով անպատիժ չպիտի մնան: Եվ նույնիսկ Գերմանիայի Ֆեդերատիվ Հանրապետության կառավարությունը, որ տարբեր պատճառներով այս հարցերում հատկապես կաշկանդված է ներքին-քաղաքական տեսակետից, հրաժարվում է միայն առանձին ոճրագործների անհատապես հետապնդելուց, բայց չի վիճում կատարված ոճրի համար փոխհատուցման դեմ, որքանով որ սկզբունքորեն դա հնարավոր լիներ:

Իսկ տվյալ դեպքում խոսքս վերաբերում է հատկապես հայ ժողովրդին փոխհատուցելուն: 1915-ի կոտորածը կազմակերպողներից քչերն են մինչև այժմ ապրում, իսկ նրանք, որ

դեռ ապրում են, այն ողբերգական ժամանակներում շատ-շատ եղել են երկրորդական, փոքր մարդիկ: Մնում է միայն ասիւսալ, որ թուրքերն իրենք ժամանակին չպատժեցին իրենց ուրագործներին: Այսօր արդեն կոնկրետ անհատներին կոնկրետ պատիժ սահմանելու համար ուշ է: Մնում է միայն թուրք պետության ու ժողովրդի, որպես ամբողջության, պատասխանատվությունը հիսուն տարի առաջ կատարված եղեռնի համար, ու մեկ էլ կարելի է փոխհատուցման այնպիսի ձև գտնել, որ տուժած կողմը համարեր բավարար... էթե առհասարակ կա մի հատուցում երեք միլիոն կոտորածների և ամենաքիչը կրկնակի հայ ժողովրդի չճնված զավակների դիմաց, որոնք թուրքերի ձեռքից մահ են գտել դեռևս սաղմնավորվելուց առաջ:

Այդ փոխհատուցման միակ ձևը, որի մասին արժե խոսել, այն է՝ իսկական ժառանգներից, այսինքն՝ աշխարհով մեկ ցրված հայերին, վերադարձնել իրենց նախնիների հողերը, որոնց սահմանները պետք է որոշվեն փոխադարձ համաձայնությամբ:

Հիմնավորում.

Թուրքերը իրավունք չունեն օգտվելու հայկական հողերից, քանի որ տիրացան դրանց փաստորեն մարդասպանության ճանապարհով, այսինքն՝ մարդկայնության դեմ ուղի գործելով: Այն փաստը, որ մինչև հիմա նրանք օգտվում են այդ հողերից, սարսափելիորեն հակասում է արդարության տարրական հիմունքներին. չէ՞ որ դա պարզ է՝ մարդասպանության համար:

Այսօր թուրքական Հայաստանի հարցին միջազգային իրավունքը կարող է մոտենալ երկու տեսանկյունից, նայած այդ խնդիրը կորվի կոտորված մարդկանց թվի՞, թե՞ թուրքերի կողմից հայ հողերի անօրեն օգտագործման տեսակետից:

Բայց երկու հայեցակետն էլ, ի վերջո, հանգեցնում են միևնույն եզրակացության:

Առաջին տեսակետից. այդ հարցը ես վերևում արդեն ձեռնարկեցի Նյուրնբերգի Միջազգային դատարանի որոշումների հիման վրա: Այդ որոշումների լույսով Թուրքիան պարտավոր է փոխհատուցել կատարված մարդասպանության դիմաց, իսկ ապօրինաբար սեփականացված հողը վերադարձնել

իսկական տերերի ժառանգներին, այսինքն՝ աշխարհով մեկ սփռված հայ գաղթականներին:

Այդ խնդիրը պետք է դիտվի մի տեսանկյունից ևս, թուրքական Հայաստանի տերիտորիան օսմանյան կայսրության տիպիկ գաղութ էր և շարունակում է մնալ որպես այդպիսին: Այդ գաղութի ժողովրդին ոչնչացնելու փաստը ոչ միայն չի խոսում հօգուտ Թուրքիայի սուվերենության այդ տերիտորիայում, այլև առավել մեծ հարցականի տակ է դնում այն: Կոտորածի զոհերի պանդուխտ ժառանգները հայրենիքից հեռու են մնում ոչ թե նրա համար, որ այդպես են ցանկանում, այլ ստիպված են այդպես վարվելու: Սակայն անկասխ Գրանից, թե բախտն ուր է գցել իրենց, նրանք պահանջում են ՄԱԿ-ի գլխավոր ասամբլեայի կողմից 1960 թ. դեկտեմբերի 14-ի հրոշակված գաղութակալության ամբողջական վերացում: Պահանջվող տերիտորիան պետք է ապահով լինի շնորհիվ միջազգային զինված ուժերի, իսկ հետագայում, ամբողջ աշխարհի հայերի ներգաղթից հետո, նա պիտի վերածվի Արևմտահայ անկասխ պետության:

Ինչպես տեսնում ենք, հայոց հարցը երկու տեսակետից էլ հանգում է միևնույն վերջնական եզրակացության. Արևմուտքյան Հայաստանի սուվերենությունը հայկական հարցի միակ տրամաբանական լուծումն է, ինչպես Նյուրնբերգի դատարանի որոշումների, այնպես էլ ՄԱԿ-ի գլխավոր ասամբլեայի 1960 թվականի դեկտեմբերի 14-ի (և 1961 թ. նոյեմբերի 27-ի) գաղութակալության իսպառ վերացման դեկլարացիայի լույսով:

Կան, իմիջիայնոց, նաև այլ փաստարկումներ հօգուտ Հայաստանի ազատագրման: Առաջին հերթին հիշատակեն Սերի միջազգային համաձայնագիրը, որի տակ դրված են եվրոպական պետությունների մեծ մասի ստորագրությունները (իսկ ավելի ուշ նման համաձայնությունները նրանց կողմից ընդունվում էին արդեն որպես ի գիտություն): Հետո գալիս են լուրջ վերապահումներ Լարսի մարզի և Արդահանի, Արարատի ստորոտի հետ միասին, հակառակ այդ հողերի բնակիչ ժողովրդի կամքի և այն ժամանակվա հայկական կառավարության կամքի, Թուրքիային միացնելու օրինականության մասին:

Կանխատեսում են, որ իմ թեզերին Թուրքիան կհակադրի հետևյալ պատճառաբանությունները.

1) Մի հայկական պետություն (այսինքն՝ Խորհրդային

Հայաստանը) գոյություն ունի արդեն, ապա ուրեմն կարիք չկա ակտիվացնելու երկրորդ հայկական պետությունը:

2) Հայ պանդուխտների թիվը այնքան մեծ չէ, և դա իրավունք չի տալիս նրանց խոսելու ամբողջ ժողովրդի անունից, ինչպես նաև իրավունք վերապահելու իրենց այդ նշանակալից տերիտորիայի համար:

Թույլ եմ տալիս նախօրոք պատասխանելու այդ երկու առարկություններին:

1) Հայկական ԽՍՀ-ն փոքր, ոչ բերքատու լեռնային երկիր է (28,8 քառ. կմ., այսինքն՝ 11,500 անգլիական քառ. մղղոն), որը ի վիճակի չէ տեղավորելու ավելի շատ բնակիչների, քան ներկայումս ունի (1,9 մլն., որից մոտ 1,5 միլիոն հայ):

2) Ամբողջ աշխարհում չկա մի հայ, որը չփախազեք պատմական հայոց հողերի ազատագրումը: Դա հավասարապես վերաբերում է թե՛ Հայաստանի Խորհրդային Հանրապետությունում ապրող հայերին, թե՛ ԽՍՀՄ-ի այլ հանրապետություններում ապրող հայերին, ինչպես և ԽՍՀՄ սահմաններից դուրս բնակություն հաստատած հայերին: Այդ տեսակետից ամբողջ հայության ձգտումը միասնական է: Որպես ապացույց կարող եմ ցույց տալ մոտ հազար նամակ աշխարհիս գրեթե ռոյոր հայկական բնակավայրերից:

Վերևում գրել եմ արդեն, որ եթե 1915—20 թթ. թուրքերի կատարած մարդասպանությունները չլինեին, հայերի ընդհանուր թիվը (սուաշին աշխարհամարտի ժամանակ նրանք մոտ 5 միլիոն էին) 50 տարում կկրկնապատկվեր: Զծնված 6 միլիոնը որպես թուրքերի մարդասպանության երկրորդ սրբյունը ավելի քան բավական է պարզաբանելու համար այն փաստը որ հայ պանդուխտների թիվն այսօր շատ մեծ չէ: Այնուամենայնիվ, այժմ ապրում են երկու և կեսից-երեք միլիոն հայություն, իսկ նրանց պահանջած տերիտորիան (եթե թուրքերը համաձայնվեին խաղաղ ճանապարհով լուծելու այդ հարցը) սահմանազօծվում է եռանկյան մեջ. ելք դեպի ծովը, դեպի Վան լիճը և դեպի Իրան. դա պատմական Հայաստանի, ինչպես նաև Սևրի համաձայնագրում նշված տերիտորիայի հագիվ աննշա՞մասն է միայն: Ընդամենը դա կազմում է հագիվ 50 հազար քառ. կմ. (կամ մոտ 20 հազար անգլիական քառ. մղղոն) 2—3 միլիոն բնակչի համար, այսինքն՝ մոտավորապես 50—60 հոգի 1 քառ. կմ.-ի վրա: Համեմատած քիչ բնակեցված և վատ իրաց-

ված հողերի հետ՝ այդ խտությունը կարելի է մեծ համարել, որովհետև մի քանի անգամ դա գերազանցում է այդ նույն տերիտորիայի ներկայիս խտությանը (1950 թ. Վանի վիլայեթը ամբողջ Թուրքիայում ամենափոքր խտությունն է ունեցել՝ 1 քառ. կմ.-ում 8 հոգի, այսօր էլ, հավանաբար, նույնն է):

Հայոց հարցի վերջնական լուծման առաջարկություններին անցնելուց առաջ թույլ կտամ ինձ անելու մի երկու լրացուցիչ դիտողություն: Հաճելի է դա թուրք կառավարությանը, թե՛ ոչ, բայց Արևմտյան Հայաստանը անպայման վերաշինվելու է: Հընարավոր չէ ետ դարձնել պատմության ընթացքը, ինչպես հնարավոր չէ այլևս աշխարհի սուաջ գաղտնի պահել սարսափելի ոճրագործությունը: Իսկ գաղութակալության վերացման տարիների մթնոլորտն ինքը հայերին վերապահում է Ասիայի և մանավանդ Աֆրիկայի ազատագրվող ժողովուրդների քաղաքական օժանդակությունը, այն ազգերի, որոնք շատ գոսյուն են ժողովուրդների միջև հարաբերությունների բարոյականության հարցում: Այդ պետությունները ծայրահեղ անհրաժեշտության դեպքում կկարողանային միջազգային շատ տիաժություններ պատճառել Թուրքիային՝ նրան մեղադրյալի դրության մեջ դնելու նպատակով:

Բայց նման ծայրահեղությունները բնավ չեն մտնում տրվյալ նամակի հեղինակի մտադրությունների մեջ: Չէ՛ որ ես հավատում եմ, որ հայոց հարցը կարելի է լուծել այլ ճանապարհով՝ երկու կողմերի համար էլ շատ շահավետ, փոխադարձ զիջումների ճանապարհով: Առաջին փորձը այս ուղղությամբ իմ կողմից թուրք մտավորականներին դիմելն էր, այսինքն՝ վերևում արդեն հիշատակված «Նամակ իմ հին թուրք ծանոթին» հրապարակումը, որի մեջ այդ ամբողջ խնդիրը հանձնում էի իրենց՝ թուրքերի խղճին: Այդ իմ նամակը հրակայական արձագանք գտավ ամբողջ աշխարհի հայաբնակ վայրերում, մինչդեռ թուրքերը լուրջությամբ անցան նրա կողքով: Երկրորդ փորձը Ձերդ մեծությանը հասցեագրված սույն նամակն է՝ կոնկրետ խնդրանքով, որ Դուք բարեհաճեք այն տրամադրել Թուրքիայի ներկայացուցչին, որպեսզի նա իր կառավարությանը ներկայացնի նամակումս գետնդրված թեզերը և հետո տեղեկացնի Ձեզ, թե արդյոք թուրքական կառավարությունը հակված է այդ թեմայի շուրջ էական բանակցություններ վարելու:

Հակառակ, որ հայերը սարսափեցիորեն տուժած կողմ են և բնավ էլ պարտավոր չեն որևէ ծախս հոգալու՝ Թուրքիայի կողմից հանիրավի հափշտակված իրենց հողերը ետ ստանալիս, սակայն լիազորված են զգում հայտարարելու, որ փոխըմբռնման հասնելու դեպքում հայերը պատրաստ են Թուրքիային վճարելու հողի և այլ անշարժ արժեքների դիմաց:

Սպասում ենք կոնկրետ առաջարկությունների այս խընդրում:

Անվիճելի է մի բան՝ տերիտորիալ լիակատար սուվերենությունը: Արևմտյան Հայաստանը մտադիր չէ ոչ Թուրքիայից քաղաքական որևէ կախման մեջ մնալու, ոչ Խորհրդային Միության կազմի մեջ մտնելու: Նա չի մտնելու նաև ոչ Խորհրդային Միության դեմ ուղղված և ոչ էլ Թուրքիայի կամ նրա դաշնակիցների դեմ գործող որևէ բյուկի մեջ:

Այնուհետև փոխըմբռնման դեպքում հայերի տերիտորիալ պահանջները սահմանափակվելու են բառացիորեն նվազագույնով: Իրենց պահանջած տարածությունը հավասար է մոտ 56 հազար քառ. կմ. (մոտ 20 հազար անգլիական քառ. մղոն), այնպես որ նոր պետությանը ապահովի անկախության համար անհրաժեշտ բոլոր հիմնական երաշխիքները, և ուրիշ ոչինչ: Ապա, ուրեմն, նա պետք է ունենա թեկուզ սիմվոլիկ ելք դեպի ծովը, ինչպես և հայ ժողովրդի նկատմամբ բարեկամաբար տրամադրված Իրանի լայն աջակցությունը: Չունենալով դրանցից մեկը կամ մյուսը, նա կախման մեջ կընկնի Թուրքիայից կամ Խորհրդային Միությունից, վերջինս, որպես արտաքին շատ բարդ քաղաքականություն ունեցող մեծ տերություն, միշտ չէ, որ կկարողանա աջակից լինել հայկական արևմտյան պետությանը: Վերոհիշյալ նկատառումներով Արևմտյան Հայաստանը պիտի ընդհանուր սահման ունենա այնպիսի մի պետության հետ, որ բարյացակամ լինի իր նկատմամբ, և թույլ տա նրան իր տերիտորիայի միջով կապ պահպանել ամբողջ աշխարհի հետ, մանավանդ՝ Ասիայի:

Անցնում են, Ձերդ Մեծություն, հայերի կողմից պահանջվող տերիտորիայի ստույգ նկարագրությանը: Այդ տերիտորիան, որից հայերը ոչ մի դեպքում հրաժարվել չեն կարող, Թուրքիան պետք է բարեհաճի ճանաչել որպես բացարձակ միևնիմուս: Այդ տերիտորիայի սիրտը կազմում են այն հողերը, որոնք 1914-ից առաջ պատկանել են ցարական Ռուսաստանին

(առանց Արդվինի շրջանի, որ հայերը չեն ակնկալում): Այնուհետև, սկսած այնտեղից, ուր Ռուսաստանի հին սահմանը կտրում է Ծորոխ գետը, մոտավորապես հարավային լայնության 41 աստիճան 8 րոպե բարձրության վրա և ընդհուպ մինչև ծովը պահանջվող տերիտորիայի հյուսիսային սահմանը շարունակ կանցնեն զուգահեռականի երկայնքով մոտ 110 կմ. (մոտ 70 անգլ. մղոն): Այսպիսով, Թուրքիային կմնար Արդվինի ամբողջ մարզը, ինչպես նաև ծովափի մեծ կտորը Արդա-հանով ու Ստինայով:

Իսկ Արևմտյան Հայաստանը կստանար ծովափնյա նեղ մի շերտ, մոտ 25 կմ. (15—16 անգլ. մղոն) լայնությամբ, երկու փոքր գետերի գետաբերանների միջև Ռիզեի կոչվող մի բնակավայրով, որից արևմուտք վերոհիշյալ փոքր գետի գետաբերանի մոտ նոր պետության արևմտյան սահմանը կանցնեն թեք, մինչև Պաղինլեր գյուղաքաղաքը, Թուրքիային թողնելով այդ հանգուցային կետը Էրզրումի հետ: Այնուհետև, 40-րդ զուգահեռականի երկայնքով կհասնեն ցարական Ռուսաստանի և Թուրքիայի սահմանին, այնտեղ, ուր այդ սահմանը կտրում է 43-րդ միջօրեականը, նոր սահմանը կտրուկ կթեքվեր հարավ ու շարունակ գնալով այդ միջօրեականով, կհասնեն Վանա լիճը, հետո կանցնեն այդ լճով մինչև Հայոց Ձոր գետի գետաբերանը (Հայոց Ձոր հայկական անունն է, թուրքականը չգիտեմ— Բ. Գ.), որը լճի հարավ-արևելյան մասում է և վերջապես այդ գետով կթեքվեր արևելյան ուղղությամբ ու այդ միակ հատվածում կհասնեն Սևր տանող ճանապարհին, որն իրեն կհասցնեն Իրանի սահմանը:

Հիմնավորում.

ա) թվում է, թե կարիք չկա հիմնավորել վաղեմի Ռուսական Հայաստանի տերիտորիան (որը մի քանի անգամ Թուրքիայի սակարկության առարկա է եղել) հայերին հանձնելու անհրաժեշտությունը, որպես մի տերիտորիա, որ ժամանակին, Հայաստանի և Խորհրդային Ռուսաստանի համար ողբերգական պահին, անիրավացիորեն հանձնվել է Թուրքիային:

բ) Վանա լճի և Իրանի սահմանի միջև եղած ուղղանկյունը հայերին հանձնելը թելադրվում է բացարձակ անհրաժեշտությամբ: Իրանի հետ հարևանության անհրաժեշտության մասին վերևում արդեն խոսեցի, իսկ Վանա լիճը խորհրդանշական է Հայ ժողովրդի համար՝ չէ՞ որ այստեղ էր նրա օրրանը:

Այդ հողերի տնտեսական նշանակությունը Թուրքիայի համար գրեթե հավասար է 0-ի: Հայերի պես հրաշալի հողագործները միայն կարող են այդ հողերը դարձնել իսկական պիտանի հողագործության համար:

գ) Ռեզե ծովափնյա փոքրիկ քաղաքը (15 հազար բնակիչ) իբրև տնտեսապես բարձիթողի արված ծովափնյա նեղ շերտ, Արևմտյան Հայաստանի համար բացառապես սիմվոլիկ նշանակություն կունենա, քանի որ այդ բնակատեղին բացարձակապես ոչնչով չի միանում թիկունքի հետ, չհաշված միակ բանով խճուղին, որը գնում է հարավ, այսինքն՝ դեպի այն հողերը, որոնք կմնային Թուրքիայի ձեռքին: Հետագայում միայն, եթե բարձր լեռների միջև կառուցվեն ստորանցքեր դեպի երկրի խորքը տանող երկաթգծի ու խճուղու համար, և եթե ստեղծվեն նավահանգստային հարմարանքներ (իսկ այժմ դրանք դեռ չկան), նոր Ռեզե քաղաքը նոր պետության համար կկարողանա դառնալ դարպաս դեպի աշխարհը:

դ) Մերձափնյա նեղ գոտին՝ նախկին Ռուսական Հայաստանի Ղարսի մարզի հետ միացնող տարածությունն անցնում է Էրզրումից հարավ-արևելք ընկնող տնտեսապես թույլ զարգացած և քիչ բնակեցված տեղերով:

ե) Անդրծովյան տերիտորիան (Արևմտյան Հայաստանից հյուսիս) Թուրքիային թողնելը ոչնչով չի փոխի ներկա դրությունը, քանի որ ինչպես այսօր, այնպես էլ հետագայում նա կկարողանա հարաբերություններ պահպանել սրա հետ մերձափնյա նավարկությանը. չէ՞ որ այստեղ չկան ճանապարհներ ու երկաթգծեր:

Ամփոփելով շարադրածս, կարող եմ հաստատել, որ մինչև 1914 թիվը Թուրքիային պատկանած այդ հողերը, այսինքն՝ զազաթով դեպի ծովն ուղղված եռանկյունին և Վանա լճից արևելք ընկած ուղղանկյունը ներկայումս Թուրքիայի համար տնտեսական գրեթե ոչ մի արժեք չունեն: Մինչդեռ 1920 թվին Հայաստանից վերցրած հողերը (թեև համեմատաբար ավելի քերքատու) այսօր, ինչպես սեփական աչքով տեսա և համոզվեցի, բոլորովին անայի են ու ավեր:

Հանձնելով Ձերդ Մեծությանը ամբողջ մարդկության համար մեծագույն կշիռ ունեցող այս խնդիրը, հավատում եմ, որ դա քեկման պահ կդառնա հայ ժողովրդի պատմության ճամար:

ԲԱՅ ՆԱՄԱԿ ՀՆԴԿԱՍՏԱՆԻ ՊՐԵԶԻԴԵՆՏ ՆՈՐԻՆ ԳԵՐԱԶԱՆՑՈՒԹՅՈՒՆ ՊԱՐՈՆ ՍԱՐՎԱԳԱԼԻ ՌԱԴՀԱԿՐԻՇՆԱՆԻՆ՝

Ձերդ գերազանցություն:

Իր գոյության տասնույթ տարիների ընթացքում Անկախ Հնդկաստանը մեծագույն հեղինակություն է ձեռք բերել ամբողջ աշխարհում, որը ծվատվում է փոխադարձ աստելությունից ու փոխվաստահության բացակայությունից: Հենց այդ պատճառով էլ համարձակվում եմ այդ հարգարժան երկրի գերագույն ղեկավարին դիմել մի գործով, որն արդեն վաղուց կորցրել է քաղաքական բնույթը և վերաճել համամարդկային ընդգրկման բարոյական պրոբլեմի: Նկատի ունեմ 20-րդ դարի առաջին խոշոր ցեղասպանությունը, որն ուղիղ հիսուն տարի առաջ (1915 թ. գարնանից մինչև 1920-ի վերջը) հայ ժողովրդի նդկատմամբ իրականացրեց երիտթուրքերի կառավարությունը, երբ ոչնչացվեց ամբողջ ազգի վաթսուն տոկոսը (մոտավորապես երեք միլիոն մարդ), իսկ փրկվածները սփռվեցին աշխարհով մեկ:

Որպեսզի խնդրո առարկան միանգամից դրվի պատշաճ մակարդակի վրա, պետք է նշեմ, որ ես հայ չեմ, և այս նամակն արտահայտում է ոչ թե որևէ տերության շահերը, այլ ամբողջ մարդկության խիղճը, որը չի կարող հաշտվել կատարված հանցագործության և նրա ողբերգական հետևանքների հետ:

Միջազգային դատարանը Նյուրնբերգում ցեղասպանությունը դիտեց որպես ամբողջ մարդկության հանդեպ հանցագործություն և դրա համար սահմանեց ամենադաժան պատժաչափերը: Որքան ինձ հայտնի է, այդ որոշումը որպես օրենք հաստատուն տեղ է գտել միջազգային իրավունքի մեջ, օժտված է հետադարձ ներգործությամբ, այսինքն՝ հավասարապես


* Տպագրվել է «Գրական թերթ»-ի 1990 թ. Ռուսվարի 26-ի համարում՝ Հ. Կարճիկյանի հրատարակմամբ:

տարածվում է և՛ այդ որոշումը հրապարակելուց հետո, և՛ մինչև այն կատարված հանցագործությունների վրա: Չէ որ լեհերի ու հրեաների, ինչպես և Կենտրոնական և Արևելյան Եվրոպայի երկրների մյուս բնակչության նկատմամբ անցիստների ոճրագործություններն իրագործվել են մինչև միջազգային դատարանի կողմից ցեղասպանություն հասկացության սահմանումը, որի հիման վրա բանտարկվել ու մահապատժի են ենթարկվել երրորդ ուսյիսի զինվորական գլխավոր հանցագործները:

Եվ հենց այն պատճառով, որ այդ դատարանի որոշումները կիրառվում են նաև հետադարձ գործողությամբ (վաղեմության բացառում), հարկավոր է դրանք տարածել նաև հազգի նկատմամբ 1915—1920 թվականներին կատարված ցեղասպանության վրա:

Սակայն այդքան հեռու չեմ գնում: Անցած հիսուն տարվա ընթացքում, ամենայն հավանականությամբ, կյանքից հեռացել են կոտորածի բոլոր գլխավոր մեղավորները. ծայրահեղ դեպքում դեռևս ապրում են սուկ երրորդական կարգի գործող անձինք: Պետք է միայն ցավ հայտնել, որ թուրքերն իրենք ժամանակին չեն մտածել հանցագործներին պատժելու մասին: Սակայն տակավին չի լուծված այն ազգին փոխհատուցելու հարցը, որի ուսքի տակից խլել են հողը, ուր իր պետության սահմաններում երեք հազար տարի ապրել է նա: Հո՛ղը, որի վրա ստեղծվել է Մերձավոր Արևելքի առավել հետաքրքիր մշակույթներից մեկը՝ հրաշալի շինարարություն, հարուստ գրականություն և գիտության կարևորագույն կենտրոններ, որոնց ազդեցությունը տարածվել է Կովկասի և ամբողջ Արևելքի վրա: Իսկ այժմ, թուրքական տիրապետության ներքո, այդ հողը համարյա վերածվել է անայի անապատի ու հսկա աղբանոցի, որը լցվում է փլուզվող հին քաղաքների, պալատների ու ջրանցույց կամուրջների հող ու մոխրով:

Սակավին չի լուծված մեկ միլիոն այն երեխաների կյանքի դիմաց փոխհատուցման հարցը, ովքեր տրորվել են ուղեկցող ոստիկանների սպառնալից և ձիերի սմբակների տակ՝ հիշարժան մահվան երթի ժամանակ, երբ միլիոնավոր մարդկանց Անատոլիայով քշում էին սիրիական անապատի ճամբարները: Այն երեխաների, որոնց սպանում էին բաղի պես, որոնք մեռնում էին կրծքերի կաթը չորացած մայրերի ձեռքերին:



Հնդկաստանի պրեզիդենտին ուղղված բաց նամակից մի էջ

Տակավին մնում է չլուծված երկրորդ միլիոնի կյանքի դիմաց փոխհատուցելու հարցը՝ տարեց կանանց ու դեռատի այն աղջիկների, ում բազմիցս բռնաբարում էին ուղեկցող ոստիկանները, ապա հաճճնում մահաբաշտի հետևից քարշ եկող չեչեհներին, ովքեր բազում բռնաբարումներից հետո կտրում էին նրանց ստիկները, ճեղքում որովայները և այդպես թողնում ճանապարհներին, որտեղ էլ նրանք վախճանվում էին ահավոր տառապանքով: Եվ ա՛յն կանանց կյանքի դիմաց, ովքեր անատոլիական ամուսն զարհուրելի դժոխքի միջով բազմօրյա հետիոտն երթից հետո, առանց ջրի ու սննդի, ուղղակի կենդանի կմախքների մասն ի վերջո հասնում էին Դեր Զորի և Մեսկենայի միջև գտնվող սիրիական անապատի մահվան ճամբարները: Վերջինը հիշում է այդ ճամբարներ այցելած թուրք հրամանատարի խոսքը. «Դրանք արդեն մարդկային էակներ չեն, դրանք ուրվականներ են... մարդամասն կապիկների ուրվականներ, որ խոտ են ուտում, ոռնում սուվից ու հերթով հանգչում: Կանայք ձիու թրիքի մեջ որոնում էին վարսակի չմարսված հատիկներ»:

Տակավին մնում է չլուծված երրորդ միլիոնի կյանքի դիմաց փոխհատուցելու հարցը, այս անգամ՝ տղամարդկանց ու պատանիների, որոնց մահվան արշավից զատում էին, բշում ռազմական նշանակության ճանապարհների շինարարություն, որի ավարտից հետո ոչնչացնում էին պատժիչ ջուկատների համազարկերով: Այդ երրորդ միլիոնի մեջ էին նաև թուրքական բանակի հարյուր հազարավոր հայազգի զինվորները, որոնց, զենքերը խորամանկորեն՝ հավաքելուց հետո, գնդակահարել էին:

Տակավին մնում է չլուծված հայոց մշակույթի բոլոր մեծերի՝ ականավոր գրողների, փայլուն նկարիչների և հանճարեղ կոմպոզիտորների ոչնչացման դիմաց փոխհատուցելու հարցը: Դրանցից ոչ մեկը չի ապրել մինչև մահվան այդ արշավը, հայ նշանավոր կոմպոզիտոր և ժողովրդական երգերի հավաքող Կոմիտասը հրաշքով է փրկվել սպանողից, բայց և ցնորվել է ու մահացել՝ փարիզյան հոգեբուժարաններից մեկում 20 տարի մնալուց հետո:

Տակավին մնում է չլուծված արևմտահայերի մշակութային և հասարակական նվաճումների ոչնչացման դիմաց փոխհա-

տուցելու հարցը. հիվանդանոցների, որտեղից քարշ են տվել հաիսուցողներին, մանկամտորների, որոնցից դուրս են շարտել նորածիններին, մանկապարտեզների, որտեղ երեխաներին խող-խողել են սվիններով:

Տակավին մնում է չլուծված այդ կոտորածի վեց միլիոն լծնված, դեռ չսաղմնավորված զոհերի դիմաց փոխհատուցման հարցը, քանզի 1914 թվականին դեռևս ապրում էր հինգ միլիոն հայ, հետևապես, հաշվի առնելով բնական աճն անցած հիսուն տարում, նրանք այժմ պետք է լինեին ավելի քան տասը միլիոն, իսկ իրականում նրանց թիվը հազիվ է անցնում չորս միլիոնից. սա՛ է հիսուն տարի առաջ հայերի նկատմամբ իրագործված ցեղասպանության հավելյալ արդյունքը:

Միակ փոխհատուցումը, որը կրավարարեր հայ մնացողաց և որը նրանք պահանջում են, ծայրահեղ դեպքում հարազատ հողի այն պատառը վերադարձնելն է, որ թուրքական պետությունը օգտագործում է իբրև յուրօրինակ մրցանակ... Իրագործված ցեղասպանությանն ի վճար: Իսկ իրավական ու բարոյական առումով արդյո՞ք արդար է, որ ցեղասպանության համար թուրքերին պարզևտրել են հողով, երբ պատերազմի գերմանացի հանցագործներին նույն բանի համար պատժում են:

Ի դեպ, այս գործին պետք է նայել այլ հայեցակետով ևս. այսպես կոչված «թուրքահայաստանը» եղել և շարունակում է մնալ Թուրքիայի տիպիկ գաղութ, իսկ այդ գաղութի բնիկ բնակչության գազանաբարո ոչնչացման փաստն ամենևին էլ չի վկայում սույն տարածքի նկատմամբ թուրքական գերիշխանության օգտին: Թերևս ընդհակառակը: Առավել ևս, որ գոյություն ունեն այդ տարածքի օրինական տերերի հետևորդները՝ մի քանի միլիոն հայ տարագիրները, ավելի ճիշտ բռնազաղթվածները: Այդ թիվը լիովին բավական է բնակեցնելու և յուրացնելու նրանց հիմնավորց հայրենիքի լքված ու գրեթե անմարդաբնակ տարածքները:

Թուրքահայաստանը կամ Արևմտյան Հայաստանը, որը ի հեճուկս անվանը, կազմում է պատմական Հայաստանի տարածքի իննսուն տոկոսը, հյուսիսից խորհրդային, իսկ հարավից Սիրիայի ու Իրաքի սահմանների արանքում սեղմված տարածքն է: Հայերը բարոյական լիակատար իրավունք ունեն պահանջելու վերադարձնել այդ ամբողջ տարածքը, որը եղել

է նրանց հայրենիքը, երբ ընդարձակ ասպարեզում ոչ թուրքեթեան եւ եղել, ոչ անգլիացիներ, ոչ լեհեր, ոչ էլ նույնիսկ հոռմմետացիներ: Այն հոռմմետացիները, որոնք աշխարհին տվել են արժեքավոր ասույթ, «Տուր, ինչ որ պետք է տրվի»:

Այդ իրավունքը ճանաչեց Ասկ Երի 1920 թ. դաշնագիրը պահանջելով Հայաստանը վերականգնել համարյա պատմական սահմաններում:

Այսպիսին են այս պրոքլամի բարոյական ու իրավական մեկնակետերը՝ արդարության սկզբունքները և ազգերի ինքնորոշման իրավունքը պաշտոնապես հռչակած աշխարհում, որը վերջին մի քանի տարիներին, հաճախ նույնիսկ առանց մի կրակոցի, ազատագրեց Ասիայի և Աֆրիկայի համարյա բոլոր ժողովուրդներին, մոռացության տալով միայն մեկին՝ առավել դժբախտ և առավել անարգված ժողովրդին: Իսկ այդ ժողովրդին մոռացավ, քանզի այն, ինչ մենք անվանում ենք գաղութային շահագործում, այստեղ հասցված է եղել **չգերազանցված բարձունքի:** Միշտ է, գաղութային մի քանի պետություններ իրենց գաղութների նկատմամբ կիրառել են արյունոտ տենտորի մեթոդը, սակայն նրանցից ոչ մեկը բանը չի հասցրել ծայրահեղ աստիճանի, ինչպես հայերի նկատմամբ վարվել են թուրքերը: Այլ կերպ ասած, գաղութատեր ոչ մի պետություն համեմայն դեպս 20-րդ դարում, համաչափորեն չի ոչնչացրել որևէ գաղութի **ամբողջ բնակչությունը:** Եվ այդ իսկ պատճառով Հայկական հարցը դարձել է ինչ-որ չափով աննախադեպ քանի որ համարվում է հող՝ **առանց մարդկանց և մարդիկ առանց հողի պրոքլամ:**

Խախտելով իրերի բնականոն կարգը՝ գաղութային սուլթրական պրոքլամը տարրալուծվել է բաղկացուցիչ մասերի: Մի խոսքով, գաղութատեր մյուս տերությունների հանդեպ թուրքերի առավելությունը միայն այն է, որ անցնելով տենտորի չզերազանցված սահմանները, նա «Արևմտահայաստան» կոչված իր գաղութը տարրալուծել է բաղկացուցիչ մասերի, ասել է **թե հողը պոկել է մարդկանցից:** Բայց ինչպես որ բացառապես չարդել-փշրելու և քայքայելու ընդունակ ամեն մի պարզունակ ուժ, նա ի վիճակի չի եղել, նույնիսկ թեկուզև ի՛ր համար արդյունավետ օգտագործել կասկածելի առավելության այդ լուրահատկությունը: Ծաղկուն երկիրը սոսկ վերածել է անապատի և նրա վրա թիկն տվել հարյուր փթանոց իր զանգվածով

Սակայն ժամանակի ընթացքում շատ բան է փոխվել, և ոչնչացված ժողովրդի՝ Թուրքիայի ձեռքում թողած պարտամորհակը դադարել է նրա ներքին պրոքլամը լինելուց: Մարդկությունը բիբլիական Եհովայի նման թուրք ժողովրդին հարց է տալիս. «Ի՞նչ արեցիր քո Աբել եղբորը»:

Մենք սպրում ենք աշխարհի մեծագույն դատավարության նախօրեին՝ աննախադեպ դատավարության, ինչպես որ աննախադեպ է եղել Հայկական հարցը՝ ժողովուրդ՝ առանց հողի և հող՝ առանց ժողովրդի: Դա կլինի քրեական դատավարություն, ուր մեղադրյալի աթոռին կնստի ոչ թե կոնկրետ մարդ, այլ ամբողջ մի պետություն, բովանդակ թուրք ազգը, քանզի առանձին հանցագործների պատժելն արդեն շատ ուշ է: Իսկ մեղադրողները կլինեն Ասիայի և Աֆրիկայի վերջերս ազատագրված ժողովուրդները, որոնք քաղաքականության մեջ բարոյական առումով ավելի զգայուն են:

Վկա է Աստված, ես չեի կամենա ողբերգական կնճի նման ծայրահեղ լուծում, կնճի, որը հիմա թերևս հեշտությամբ կարող է լուծվել իրենց իսկ՝ թուրքերի ձեռքերով: Ես հավատում էի, որ դա հնարավոր է, երբ մի քանի տարի առաջ զբրեցի իմ հանրահայտ «Նամակ իմ հին թուրք ծանոթին»-ը, որն արտատպվեց երկրագնդի չորս ծագերում, բայց որի կաղքով հենց թուրքերն անցան լուրջամբ:

Իբրև մարդ, որն անձնապես շահագրգռված չէ, այս գործում և միաժամանակ վայելում է հայերի՝ և՛ բռնագաղթվածների, և՛ Խորհրդային Հայաստանի քաղաքացիների մեծ վըստահությունը, ինձ թույլ են տալիս, Ջերդ գերազանցություն, Ջեզ հանձնել լուծման նախագիծը անլուծելի այն խնդրի, որն ահա հիսուն տարի կոչվում է Հայկական հարց: Այդ նախագիծը, թեպետ փոքր-ինչ այլ ձևով. բաց նամակի տեսքով ներկայացվել է նորին գերազանցություն պարոն Ու Տանին:

Ես ելնում եմ այն նախադրյալից, որ թուրքական կառավարությունը և հայերը հավասարապես շահագրգռված են թեկուզև տարբեր ելակետերով, այսպես կոչված, Հայկական հարցի վերջնական լուծմամբ: Ընդ որում, այդ ցավալի հարցը կարող է լուծվել բացառապես փոխհամաձայնության ուղիով: Սույն նախագիծը համարվում է հենց այդպիսի՝ երկու կողմերին ընդունելի փոխգիշում գտնելու փորձ:

Ես ընդունում եմ պատմական Հայաստանի ամբողջ տա-

րածքի նկատմամբ հայերի բարոյական իրավունքը, բայց միաժամանակ դա համարում եմ քիչ հավանական: Թուրքիան չի կամենա հրաժարվել ոչ Իրանի ու Իրաքի հետ իր ընդհանուր սահմանից, ոչ Վանա լճից, ոչ էլ Խորհրդային Միության ձեռ ընդհանուր սահմանից: Այդ իսկ պատճառով հարցը դնում եմ այնպես, որ Թուրքիան պահպանի այդ ամենը, բայց հայկա-կան ողբերգության համար նրան կաշկանդող պատասխանա-տվությունը նրանից լիովին հանվի:

Հայերի պահանջած տարածքի մանրամասն նկարագրու-թյունը Դուք կգտնեք այս նամակի վերջում: Առայժմ ցանկա-ցա սոսկ նշել, որ այդ տարածքը պլանավորված է այնպես, որ կարողանա ապրել սեփական, լիովին անկախ կյանքով, աչ-սիճքն՝ ունենա թեկուզ խորհրդանշական ելք դեպի ծովը և սահմանակից լինի հայ ժողովրդին բարեկամ Իրանին: Ահա-վասիկ իմ աչքի առաջ է երիտթուրքերի կուսակցության գաղտ-նի խորհրդակցության սղագրությունը 1914 թվի հոկտեմբերի 5-ին, երբ նյութվում էր հայերին տեղահանելու, մահվան ճամ-բարներում նրանց լիովին ոչնչացնելու որոշումը: Այդ ժամա-նակ ի նպաստ հայերի, արտահայտվել է երիտթուրքերի կա-ռավարության քաղքյուրդի անդամներից միայն մեկը. «Ար-տաքսել, բայց չոչնչացնել»: Եվ այդ առաջարկը պաշտպանե-լու համար նա բերել է հետևյալ փաստարկը. «Ես լավ գիտեմ հայերին: Կատարելով նրանց ցանկությունների թեկուզ մեկ հինգերորդը, մենք կարժանանանք նրանց շնորհակալությանը»:

Ըստ այդմ, արևմտահայկական պետության օգտին իմ ա-ռաջադրած տարածքը իրականում համապատասխանում է պատմական Հայաստանի տարածքի մեկ հինգերորդականին: Այդ նվազագույնից քիչ լինելու դեպքում պետությունը պար-զապես կզրկվի գոյատևելու երաշխիքից: Այդ կերպ, նախա-ցծված տարածքը դառնում է փոխզիջման առավելագույն ձրգ-տում թե իրենց դահիճների հանդեպ ցեղասպանության զոհերի կողմից և թե բուն երկրի նկատմամբ գաղութի կողմից, և կա-րող է ուշադրության արժանանալ միմիայն թուրքական կառա-վարության հետ երկկողմ համաձայնության դեպքում:

Արևմտահայաստան կոչվող պետությունը, որը կկազմա-վորվեր թուրքերի հետ հայերի փոխհամաձայնությամբ (ընդ որում, ազատագրված ազգերի զինված ուժերի նկողությամբ հայ բնակչության հայրենադարձության պարագայում), պետք

է լինի լիովին ինքնուրույն պետություն (այսինքն՝ հավասա-րապես անկախ ինչպես Թուրքիայից, այնպես էլ Խորհրդային Միությունից) և միանգամայն չեզոք, այսինքն՝ կապված չլինի ոչ Խորհրդային Միության, ոչ էլ նրա հակառակորդների հետ: Եվ հայերը, թեպետ համարվում են խիստ տուժած կողմ, պատ-րաստ են փոխհատուցելու թուրքերի կառուցած բոլոր նոր շի-նությունների և այլազան օբյեկտների արժեքը ու վճարել թուր-քական այն ինչքի դիմաց, որը կանցնի իրենց ձեռքը: Նրանք պատրաստակամ են Թուրքիային երաշխավորել առավել շա-հավետ առևտրական պայմանագրեր և, սեփական շահերից ելնելով, աջակցել իրենց հարակից թուրքական շրջանների տնտեսական վերելքին՝ նրանց հասցնելով այդ պետության ա-ռավել ծաղկուն մարզերի մակարդակին: Փոխհամաձայնագիրը Թուրքիայի համար պետք է լինի ու կլինի շահավետ:

Արևմտյան Հայաստանի ժողովուրդը ևս ունի իր հայրե-նիքի ազատության ու անկախության նույնպիսի իրավունք-ինչպես որ Ասիայի և Աֆրիկայի ժողովուրդները: Նա այդ ի-րավունքի դիմաց վճարել է հեղված այնքա՛ն շատ արյամբ և այնքա՛ն շատ տառապանքներով, որչափ աշխարհի և քչ մի ժողովուրդ:

Եվ հենց այդ պատճառով է նա պահանջում, որ այդ ար-յունը, այդ տառապանքը լրջությամբ ընկալվեն: Եվ որ լրջորեն ընկալվի նրա այն հայտարարությունը, թե կամենում է ապրել այն հողի վրա, որն իր հայրենիքն է եղել առնվազն երեք հա-զար տարի, և այն հայտարարությունը, թե ինքը կոհանա այդ հողի մի պատառով, եթե այն կամովին վերադարձվի իրեն:

Թուրքական կառավարությունը թող մի կողմ չքաշվի՝ հաչ-տարարելով, թե արդեն գոյություն ունի հայկական մի պետու-թյուն (այսինքն Խորհրդային Հայաստանը), հետևապես չկա հայկական մի այլ պետություն ստեղծելու անհրաժեշտություն:

Հայկական ԽՍՀ-ն կազմում է նախկին Արևելյան կամ Պարսկահայաստանի մի մասը: Դա ոչ բարեբեր լեռնային փոք-րիկ երկիր է (29,8 հազար քառակուսի կիլոմետր կամ անգլիա-կան 11.500 քառակուսի միլ.). որն արդեն իսկ ի վիճակի չէ տեղավորելու ավելի բնակչություն, քան ունի այժմ, այսինքն՝ երկու միլիոն, որից 1,5 միլիոնը՝ հայեր: Դա պատմական Հայաստանի ընդամենը 10 տոկոսն է, և այդ պատճառով նրա սահմաններից դուրս (ԽՍՀՄ մյուս հանրապետություններում

և արտաքին սփյուռքում) դեռևս ապրում են 2,5—3 միլիոն հայեր, որոնց արդեն հնարավոր չէ այստեղ տեղավորել:

Այդուհանդերձ, այդ ոչ բերրի և խիտ բնակեցված երկրի կողքին փոփած են համարյա անմարդաբնակ և հիմնովին լճաված երկու տարածք.

1. Բուն Թուրքահայաստանը, որը կազմում է պատմական Հայաստանի 80 տոկոսը: Դրանք հայկական այն հողերն են որ մինչև 1914 թվականը գտնվել են սուլթանական Թուրքիայի կազմում, որտեղ հայ ազգաբնակչությունը համարյա բնաջրնչվել է:

2. Կարսի և Արդահանի մարզերը Արարատյան նախալեռների հետ (հայկական հողերի 10 տոկոսը), որոնք մինչև 1914 թվականը պատկանել են ռուսական կայսրությանը և չնայած հայ ժողովրդի ու այն ժամանակվա հայկական պետության ջանքերին, ռուսական հեղափոխության ժամանակ վաճառվեցին ռուսների կողմից: Թուրքերը շատ շուտ են հաղթահարել տեղական բնակչության դիմադրությունը՝ հիմնովին ոչնչնչացնելով նրան, ինչպես այնուամենայնիվ անկողմնակալությամբ գրել է թուրքերի նկատմամբ բարյացակամ լեհ արձակագիր Ստեֆան Փերմսկին, «լեռնային հեղեղատներում հրանոթների անիվների տակ դնելով դիպաստակներ»: Իսկ այն ժամանակվա հայկական կառավարությունն այնքան թույլ էր, որ չկարողացավ խոչընդոտ դառնալ: Մանավանդ, որ Ռուսահայաստանի պատուհիկները զբաղեցրեց կարմիր բանակը, իսկ Խորհրդային Ռուսաստանը թուրքերին նվիրաբերեց նրանց գրավված այն տարածքները, որոնց մասին նշվեց վերը և որոնք կազմում էին այն ժամանակվա Ռուսահայաստանի կեսը: Թուրքիան ինքը, որ կարճ ժամանակամիջոցում կարողացավ այդ տարածքը լիովին դարձնել անապատ, մի բանի անգամ փորձեց այն վերադարձնել Խորհրդային Միությանը: Ինքնուտիճքյան հասկանալի է, որ այդ մարզը (բացառությամբ Արդվիհի շրջանի) ամբողջովին պետք է մտնի նոր պետության կազմի մեջ որպես նրա հիմնական միջուկը:

Կանխատեսվող պետության ամբողջ տարածքի նկարագիրը... ես շարադրել եմ Միավորված ազգերի կազմակերպության նորին մեծություն քարտուղարին իմ հղած բաց նամակում: Այդ նամակի համապատասխան հասցվածն ունի հետևյալ բովանդակությունը.

Այդ տարածքի հիմնական կորիզը կազմում են այն հողերը, որոնք մինչև 1914 թվականը ռուս կայսրության մեջ էին (բացառությամբ Արդվիհը, որի նկատմամբ հայերը պահանջ չունեն): Այնուհետև, սկսած այն վայրից, որտեղ ցարական Ռուսաստանի նախկին սահմանը կտրում-անցնում էր Ծորոխ գետը, հյուսիսային լայնությամբ մոտավորապես 41,8 աստիճանի վրա, շուրջ 110 կմ. (կամ 70 անգլիական միլ) երկարությամբ ընդհուպ ծովը կձգվեր նախատեսվող տարածքի հյուսիսային սահմանը: Այդպիսով որպես մերձծովյա տարածք, Թուրքիայի տիրապետության տակ կմնային Արդվիհի ամբողջ շրջանը և առափնյա մի լայն գոտի...

Արևմտյան Հայաստանը կստանար սուկ մոտ 25 կմ. (15—16 անգլիական միլ) լայնությամբ երկու փոքր գետերի գետաբերաններում ընկած առափնյա մի նեղ շերտ՝ միակ Ռիզե ավանով... նոր պետության արևմտյան սահմանը շեղակի կանցներ մինչև Բազիլար փոքր քաղաքը, հանգուցային այդ կետը էրզրում քաղաքի հետ թողնելով Թուրքիային, այնուհետև մոտավորապես 40-րդ գուգահեռականի երկայնքով կներձեռնար ցարական Ռուսաստանի և Թուրքիայի հին սահմանին:

Հին սահմանի և 43-րդ միջօրեականի (ըստ Գրինվիչի) հատման կետից նոր սահմանը կտրուկ կթեքվեր դեպի Վանա լիճ, շարունակ ձգվելով այդ միջօրեականով, ապա կանցներ մինչև Հայոց ձոր գետի (անվանումը հայկական է, ես չգիտեմ թուրքերեն համարժեքը) գետաբերանը, մինչև լճի հարավարևելյան անկյունը և վերջապես այդ գետով կթեքվեր դեպի արևելք և (այդ եզակի հատվածում) կհասներ Սևրի պայմանագրով նշված գծին, որի երկայնքով էլ կմոտենար իրանական սահմանին:

Հիմնավորում.

ա) Հայաստանի և Խորհրդային Ռուսաստանի պատմության ամենաողբերգական փուլում ցարի ժամանակվա Արևմտյան Հայաստանի՝ թուրքերի կողմից նվաճված տարածքի (որը, իմիջիայլոց, թուրքերը արդեն բազմիցս դարձրել են հրապարակային առուծախի առարկա) հանձնումը հայերին ընդհանրապես հիմնավորում չի պահանջում:

բ) Վանա լճի և Իրանի սահմանի միջև ընկած ողղանկյունը հայերին հանձնելը թելադրվում է մի կողմից նոր պետության՝ Իրանին հարող սահմանի բացարձակ ավարտով (ին-

չի մասին եւ արդեն վերը գրել եմ), սյուս կողմից՝ հայ ժողովրդի համար այդ լճի՝ պարզապէս խորհրդանիշ լինելու պարագայով (քանզի այստեղ է գտնվել նրա օրրանը): Թուրքիայի համար այս հողերի տնտեսական նշանակությունը հավասար է համարյա գրոյի, այդ կիսաանապատը ծաղկուն երկի դարձնել ի վիճակի եւ միայն այնպիսի հրաշալի երկրագործները, ինչպիսիք են հայերը:

գ) Ծովափնյա Ռիզե քաղաքը (15 հազար բնակչությամբ և քայքայված, տնտեսապէս բարձիթողի ծովեզրյա նեղ գոտի առայժմ Արևմտյան Հայաստանի համար կունենային բացառապէս ձակապէս խորհրդանշի արժեք, քանզի այդ տեղանքը թիկունքի հետ ոչ մի ձևով չի հաղորդակցվում (միակ, ի դէպ, վառ խճուղին այնտեղից ձգվում է դէպի հարավ, այսինքն՝ աշրջանը, որը մնում է Թուրքիային): Ժամանակի ընթացքով բարձր, անանցանելի լեռների ընդերքով երկաթուղու և խճուղու համար թունելներ բացելուց ու նավահանգստային կառույց վածքներ (ինչպիսիք այստեղ մինչև այժմ չկան) ստեղծելով հետո միայն Ռիզեն նոր պետության համար կարող է խաղաքային դարպասի դեր:

դ) Ծովափնյա նեղ գոտին նախկին Ռուսահայաստանի Կարսի շրջանի հետ կապող տարածքն Էրզրումից հյուսիս արևելք քիչ յուրացված և նոսր բնակեցված երկրամաս է:

ե) Թուրքիային թողնված առափնյա տարածքը (Արևմտյան Հայաստանից հյուսիս) ոչնչով չի փոխի այժմյան իրավիճակ քանզի թուրքերը, ինչպես որ հիմա, առաջիկայում ևս նրա հետ պետք է պաշտպանեն մերձափնյա նավարկությամբ միջնորդ դավորված կապ, որովհետև մինչև օրս այստեղ ոչ երկաթուղի կա, ոչ էլ խճուղի:

Հանրագումարի բերելով՝ կարող եմ հավաստել, որ խառնեվող այն տարածքները, որոնք մինչև 1914 թիվը եղել են թուրքական տերության կազմում, այսինքն՝ ծովին հարեռանկյունին և վաճառ լճից դէպի արևելք փոխված ուղղակյունը, ներկայումս Թուրքիայի համար տնտեսական համար ոչ մի արժեք չեն ներկայացնում: Իսկ Ռուսահայաստանի զավթված (համեմատաբար ավելի բերքատու) տարածքները տակավին ավեր են ու բարձիթողի (ինչպես եւ ի տես մոզվեցի):

Ձերդ գերազանցություն: Ես համոզված եմ, որ Հայկական

հարցի որևէ այլ լուծում անընդունելի է լինելու հայերի կամ թուրքերի համար: Իմ նախագիծը գուցե չբավարարի բազմաթիվ հայ մաքսիմալիստների, իսկ թուրքական կողմին, ամենայն հավանականությամբ, կմղի (համենայնդեպս՝ սկզբնափուլում), վճռական ընդդիմության՝ գլխիս թափելով հազար ու մի վիրավորանք: Այդուհանդերձ, այս անելանելի կացությունից ազատվելու ուրիշ միջոց չկա: Եվ այսուհետև հարցի հենց այսպիսի լուծման համար կպայքարեն աշխարհում հայերի անկեղծ բարեկամները և նրանց հանդեպ բարեհաճ կառավարությունները (եւ այդ բանում խորապէս եմ համոզված): Գիտեմ, դա լինելու է ծանր պայքար, նաև գիտեմ, որ այն պսակվելու է լիակատար հաղթանակով, քանի որ համաձայնեցված է պատմության շնչատության հետ: Թեպետ համոզված չեմ՝ թուրքական կողմն արդյոք չի՞ դառնա այս ցավոտ հարցի հետագա սրման մեղավորը:

Եվ այդ պատճառով այս ցավոտ գործը հանձնելով Ձեր պատվարժան ձեռքը՝ համարձակվում եմ, Ձերդ գերազանցություն, Ձեզ խնդրել դեպի Ռուսահայաստանից այնպես տրամադրել, որ նա իր կառավարությանը ներկայացնի սույն նամակի դրույթները և Ձեզ հայտնի՝ թուրքական կառավարությունը, արդյոք, տրամադրված է այս թեմայով իրական բանավեճ սկսելու:

Ավարտելով սույն նամակը՝ կամենում եմ ավելացնել ևս մի քանի բառ: Ես թուրքերի թշնամին չեմ, և խելահեղ հանցագործությունը, որը բարդված է նրանց վրա, չի կարող փոխել իմ այն համոզմունքը, որ այդ ժողովրդի մեջ շատ են բարեհոգի և մեծագույն հարգանքի արժանի մարդիկ: Ավելին, ես համոզված եմ, որ նրանք կազմում են թուրք ժողովրդի հսկայական մեծամասնությունը: Տա աստված, որ հենց այդ լավերի կարծիքն իշխի այս ցավոտ գործում, որը լեհական ավանդության հայտնի դավաճանի նման երբեք չի կարող թաղվել և անընդհատ պետք է ելնի արևերես: Այնքան ժամանակ, քանի դեռ չի գտել արդար լուծում: Այդ է տեսչում ոչ միայն հայ ժողովուրդը, այլև ամբողջ աշխարհը:

Տա աստված, որ արդարության ծարավի այդ աշխարհի կողմն անցներ նաև թուրք ժողովուրդը, տա Աստված, որ արդարություն քարոզող կուսակցությունն արդար լինի նաև հայերի հանդեպ:

Գիտեմ, կամպանիան, որը ե՛ս եմ սկսել, աննախադեպ է, ինչպես որ նախադեպը չունի ժողովուրդ՝ առանց հողի և հող՝ առանց ժողովրդի պրոբլեմը: Ավելին, լիակատար գիտակցությամբ ինձ վրա վերցնելով պատմական պատասխանատվության ծանրությունը՝ ես այն հանձնում եմ Ձեր պատվարժամ ձեռքը՝ հուսալով, որ նույնիսկ թուրքերի կողմից ժխտական պատասխանի դեպքում Հնդկաստանն այս հարցը կբարձրացնի Միավորված ազգերի կազմակերպության համաժողովում, քանզի այդ կազմակերպության գլխավոր քարտուղարին իմ հղած նամակը սուկ անհատի նամակ է, այդ պատճառով էլ չի կարող Հայկական հարցը մոցնել ՄԱԿ-ի օրակարգ:

Այն փաստը, որ սույն նամակը հասցեագրվում է հենց Ձեզ, Ձերդ գերազանցություն, խորապես հիմնավորվում է ոչ միայն նրանով, որ Դուք մեծ տերության ղեկավարն եք, այլև այն մեծ վստահությամբ, որ անձամբ Ձեր նկատմամբ տածում են բոլորը: Այդ վստահության ու հարգանքի մասին, որն ամբողջ աշխարհում վայելում է Հնդկաստանը, ես գրել եմ նամակիս հենց սկզբում: Բայց, անկախ դրանից, պետական խոշոր գործիչներից ոչ մեկն այնպես չի վայելում հայերի սերր, որքան Դուք: Այդ սերը ծնվել է այն ժամանակ, երբ Դուք, այցելելով Խորհրդային Միություն, Մոսկվայից ժամանեցիք ուղիղ Երևան՝ դրանով ապացուցելով Ձեր հատուկ վերաբերմունքը հայ ժողովրդի հանդեպ, որը, ինչպես Դուք ինքնևորդ թույլ տվեցիք հիշել, Ձեզ մանկությունից է շատ մոտիկ ու թանկ: Հայերը ինչ հուզմունքով պատմեցին, որ հայկական ժողովրդական անսամբլի՝ Ձեր պատվին տված համերգից հետո Դուք բարեհաճել եք հարցնել. «Ինչո՞ւ եմ այսքան թախծոտ ձեր բոլորի աչքերը»:

Թող այս նամակը միաժամանակ լինի հիմնական այդ հարցի պատասխանը, քանզի միայն Ձեզանից է կախված, որ այդ աչքերն այլևս թախծոտ չլինեն:

Անկեղծորեն Ձեզ նվիրված՝

Բողոքան Գեմբարսկի

ՆԱՄԱԿ ԻՄ ՀԱՅ ԸՆԹԵՐՑՈՂՆԵՐԻՆ՝

Թանկագին ու մեծարգո բարեկամներ:

Իմ կյանքում այս ամենանշանակալի նամակը ես բազմիցս փոփոխել եմ: Քանի որ շատ դժվար է մեկ հողվածի շրջանակներում որոշակի նշտությամբ տեղավորել այդքան շատ բացառիկ կարևոր նյութ:

Անցած երեք տարիները ինձ համար բավական ծանր շրջան էին: Ես երեք անգամ ծանր հիվանդացա, և յուրաքանչյուր հիվանդությունս ինձնից խլեց կյանքիս մի քանի ամիսը: Ակզբում հեռացրեցին երիկամս, ապա որոշ բարդացումներից հետո հիվանդացա միզարյունությամբ, և վերջապես, երբ ես արդեն լրիվ կազդուրվել էի, փողոցում ընկա մեքենայի տակ: Դրա հետևանքով ոտքս ազդրի շրջանում կոտրվեց և ուղեղի ցնցում ստացա: Տասնինը օր կորցրել էի հիշողությունս:

Ես ձեզ չեի գրի այդ անհաշտությունների մասին, եթե չլիներ այն փաստը, որ, մերթ ընդ մերթ կորցնելով հիշողությունս, հատկապես աշնանը, 64 տարեկան հասակում, երբ ես հիվանդացա միզարյունությամբ, ամբողջ ընթացքում մտովի ձեզ հետ էի, իմ սիրելի Հայաստանի հետ, հայերից նամակներ էի ստանում ու պատասխանում նրանց: Իսկ իմ բարի կինը, որն անզլերեն ոչ մի բառ չգիտի, համբերատարությամբ այդ անկապ պատասխանները մեքենագրում էր ու ուղարկում: Եթե երբևէ, 100 տարի անց, գիտական աստիճանի որևէ թեկնածու հետաքրքրվի իմ համեստ անձով և փնտրի-գտնի իմ կյանքի այդ տխուր շրջանին պատկանող նամակները, ապա, անտարակույս, կզարմանա, որ համեմատաբար ոչ հիմար մարդը կսիրող էր այդպիսի անհեթեթություն գրել:

Այս համառոտ ինքնակենսագրական շեղումներից հետո ես անցնում եմ նամակիս հիմնական թեմային:

* Տպագրվել է «Երեկոյան Երևան» թերթի 1990 թ. հունվարի 25-ի համարում Հ. Կարճիկյանի հրատարակմամբ:

Ես վաղուց էի երագում հայկական վտարանդիության քաղաքական շրջանների հեղինակավոր մարդկանց հետ կարծիքների անկեղծ փոխանակության մասին: Բայց դա ինձնից անկախ պատճառներով ինձ համար շատ դժվարին խնդիր է:

Հուսալով, որ այս անակը կհասնի ձեզ, ջանում եմ հնարավորին չափ մտքերս համառոտ ու հստակ արտահայտել:

1919 թ. վերջին ինձ համար միանգամայն անսպասելի հայտնվեցի ամբողջ հայ հասարակայնության ուշադրության կենտրոնում՝ Հայաստանի Հանրապետությունում ու նրա սահմաններից դուրս: Կրկնում եմ, որ դա ինձ համար անսպասելի քան էր, քանի որ հողվածը, որ այդպիսի խանդավառություն առաջացրեց («Նամակ իմ թուրք ծանոթին»), չէր բովանդակում ոչ մի նոր պատմական տարր:

Միակ բանը, որ անձամբ ես համարում եմ այդ հողվածի որոշ արժանիքներից, այն էր, որ այն օրակարգի մեջ էր դնում թուրքերի կողմից կատարված հանցագործությունների համար հայերին վարձահատուց լինելու պրոբլեմը: Այդ վարձահատուցման ձևերը լրիվ հասկանալի պատճառներով այն ժամանակ ես չէի սահմանել, բայց տողերի միջև կարելի էր կռահել, որ միակ մատչելի հատուցումը կլիներ Թուրքահայաստանի առնվազն մի մասի ազատագրումը՝ որպես ներկայումս աշխարհում տեղի ունեցող ապագաղության օղակներից մեկը:

Այս անակի երկրորդ հիմնական միտքն այն էր, որ Հայկական հարցը այսօր, 20-րդ դարի երկրորդ կեսին, բարոյական կարգի համամարդկային պրոբլեմ է: Իսկ դա որոշակի տեսակարար կշիռ ունի, քանի որ բարոյական սկզբունքներն այժմ պաշտոնական փաստարկներ են միջազգային քաղաքականության ասպարեզում: Ու թեև մեծ տերությունները երբեմն այդ սկզբունքներից օգտվում են իրենց անբարոյական նպատակների համար որպես վարագույր օգտագործելով դրանք, այդուհանդերձ, քաղաքականության ասպարեզում բարոյականության պաշտոնական գերակայության բուն փաստը բարենպաստ պայմաններ է ստեղծում բարոյական կարգի այնպիսի հատկապես հասունացած պրոբլեմների լուծման համար, ինչպիսին Հայկական հարցն է: Առավել ևս, որ բարոյականության այդ հարաբերականությանը հանդերձ, հենց դա է ապա-

գաղության ման և ցեղասպանության գերմանացի մեղավորների հետապնդման ձևական շարժառիթը: Իսկ արդեն գոյություն ունեցող Ասիայի, Աֆրիկայի պետությունները, որոնք այդ ապագաղության արդյունքն են, անկեղծորեն ու լրջորեն են ընդունում բարոյական նորմերի սկզբունքների միջազգային քաղաքականության մեջ, և իրենց քանակի շնորհիվ ազդում են բոլոր միավորված ազգերի հասարակական կարծիքի վրա:

Անդրադատնալով հողվածին, որի մասին խոսվում է, և կշեռքի մի ճծարին դնելով կշռաքարեր, իսկ մյուսին՝ իմ հայ ընթերցողների անակները, որոնց մեջ նաև համաշխարհային գիտության ու արվեստի հսկաներ են, ես ակամայից հուզմունք էի ապրում այն գործի վեհության համար, որին ձեռնամուխ էի եղել, առաջ քաշելով դեռևս մեր սերնդի օրոք Թուրքահայաստանի ազատագրման գաղափարը: Ես հավատացնում եմ ձեզ, որ կշեռքի այն ճծարը, որին Խորհրդային Հայաստանի ու արտասահմանի իմ բարեկամներից ստացած անակներն են, իր տեսակարար կշռով զգալիորեն ավելի ծանր է, քան իմ համեստ ելույթը:

Իսկ անձամբ ինձ համար առավել էականն այդ անակներում դրանց ընդհանուր լեյտմոտիվն էր՝ վստահության մեծ քվեն և հաստատ պահանջը՝ արտահայտված ջերմ բառերով, որ հօգուտ Թուրքահայաստանի ազատագրման իմ գործունեությունը չսահմանափակվի այդ մի հողվածով, այլ ընդունի ավելի մշտական բնույթ, հասկանալի է, հայկական ազատագրական շարժման ընդհանուր հունի մեջ, որտեղ իմ ընթերցողները կուզենային տեսնել նաև իմ անձնական ավաղը:

Թանկագին բարեկամներ, հայ հասարակայնության կողմից ինձ որդեգրելու անօրինակ փաստը ինձ համար ոչ միայն մեծագույն պատիվ էր, այլև հրաման, որին ես ենթարկվեցի հաճույքով ու հպարտությամբ, փոխարենը ազնիվ հայ ժողովրդին տալով իմ հավատը. ոչ, ոչ թե հավատը, այլ Արևմտյան Հայաստանի հողերի մոտալուտ վերածնման լիակատար վստահությունը:

Այդ վստահությունը հիմնված է ոչ միայն ամենաբարձրալարդարության անորսալի պատմագրական օրենքների վրա, այլև ամենից առաջ արդի քաղաքական իրավիճակի և աշխարհում տեղի ունեցող խոր փոփոխությունները լրիվ, իրատեսությամբ հաշվի առնելու վրա: Դրանք ամենից առաջ այնպիսի գոր-

ժոհներ են, ինչպիսիք են մեր հայացքի առաջ տեղի ունեցող ապագադրությանն տարերային պրոցեսը, ցեղասպանության պաշտոնական ճանաչումը որպես հանցագործություն մարդկության դեմ, Ազգերի լիգայի համեմատությամբ Միավորված ազգերի կազմակերպության զգալի հեղինակությունը, նրանում մեծ թվով նոր աֆրիկա-ասիական պետությունների առկայությունը, որոնք հայ ժողովրդի բնական դաշնակիցներն են, և, վերջապես, ամբողջ աշխարհում տեղի ունեցող կրոնական ու բարոյական վերածննդի պրոցեսը՝ անցյալի հետ անչափ խիստ հաշիվներ մաքրելու հովանու ներքո: Իսկ մի՞թե գաղութարարությանն ընդմիջտ վերջ տալու վերաբերյալ Միավորված ազգերի կազմակերպության բանաձևը ձեզ համար ուղղակի հրավերք չէ: Եթե դուք ինքներդ թերագնահատում եք ձեր նյութական ու բարոյական ուժերը, ապա փոխարենը դրանք լրիվ գնահատում են ձեր թշնամիները: Մի՞թե դուք կարծում եք, որ թուրքական կառավարությունը հետևի ոսմայաթերին կկանգնեն Խորհրդային Միության առջև, եթե հայկական կոտորածի հոբելյանական տարում չվախենար հենց ձեզանից:

Թանկագին բարեկամներ, նամակը, որ հիմա ես ձեզ գրում եմ, որոշ չափով իմ խոստովանանքն է: Ուստի ես առավելագույնս անկեղծ կլինեմ: Գուցե իմ պատկերացումները հայկական վտարանդիության որոշ շրջանների մտածելակերպի մասին հիմնավորապես ճիշտ չեն, որը լրիվ հասկանալի կլինեն, քանի որ ես ապրում եմ միանգամայն այլ երկրաքաղաքական իրավիճակում և հնարավորություններ չունեմ անմիջականորեն ստուգելու իմ դատողությունների ճշտությունը:

Արդյոք իմ կողմից հանդգնություն չի՞ լինի, եթե ես հայկական վտարանդիության կառավարող շրջանների իմ բարեկամներին տամ ամենահիմնական հարցը. «Արդյո՞ք դուք հավատում եք մեր սերնդի օրոք մեռյալ Արևմտյան Հայաստանի հարություն առնելու հնարավորությանը և մտադի՞ր եք արդյոք բարենպաստ կոնյունկտուրայի կապակցությամբ միջազգային համաժողովում առաջադրել անկախության կոնկրետ պահանջներ առնվազն այդ տարածքի մի մասի համար: Արդյոք դուք այդ հողերի ազատագրման համար քաղաքական պայքարը 1966 թ. կոնկրետ պայմաններում համարո՞ւմ եք իրական կամ ոչ իրական»:

Ես գիտեմ, որ անցած 50 տարիներին դուք քանիցս Հայ-

կական հարցը առաջադրել եք միջազգային կոնֆերանսներում և որ այդ ամենը ապարդյուն է անցել: Արդյո՞ք այդ անհաջողություններից միանգամայն հասկանալի պատճառներով ծրված սկեպտիցիզմը հիմնական խոչընդոտը չէ ձեր ամբողջ մտածելակերպը հայրենիքի ազատագրության համար ակտիվ, նպատակասլաց, համազգային պայքարի փոխարինելու ճանապարհին՝ մինչև օրս հայրենի երկրի սահմաններից դուրս: ազգի կենսաբանական ու մշակութային պահպանման պարտավորեցնող սկզբունքի փոխարեն:

Ես պետք է ձեր ժողովրդի անկեղծ բարեկամի իմ դերը՝ որոշ չափով անկատար համարեմ, եթե ինձ չհաջողվի արագացնել ստատիկայից դեպի դինամիզմ այդ նշանակալի տեղաշարժը՝ սիյունքահայ հասարակայնության մտածելակերպում, քանի որ առանց այդ տեղաշարժի անհիմաստ է մինչև օրս չլուծված վերջին ազգային ու գաղութարարական պրոբլեմի լուծումը, որի տեսակարար կշիռը հենց այն պատճառով է շատ մեծ, որ փաստորեն վերջինն է:

Եթե որոշ հայեր դեռևս մտածում են, թե «ինչքան ենք մենք, իսկ ինչքան նրանք», ապա ես համարձակվում եմ նրանց հիշեցնել, որ 12 կիսազրագետ ձկնորսներ հաղթեցին Հռոմեական կայսրությանը և իրենց ուսմունքը տարածեցին երկրագնդի կեսում, որ մեքքացի վաճառականը, որին իր հայրենակիցները քարկոծեցին, նվաճեց աշխարհի մեկ քառորդը: Մարոկկոյից մինչև Ինդոնեզիա, որ նոր հավատի ստեղծողը, որը հօդս ցնդեցրեց Ռուսաստանյան կայսրությունը և նրա փլուտակների վրա կառուցեց նոր գերտերություն, սկզբում իր տրամադրության տակ ուներ հազիվ մի բուռ կողմնակիցներ և չունեին բյուջե: Իսկ հրեական պետության ստեղծման գաղափարախոսը: Ինչի՞ց նա սկսեց և ի՞նչ անհաղթահարելի խոչընդոտների ստիպված եղավ բախվել: Անտարակույս, շատ բան է փոխվել այն ժամանակներից, երբ տարբեր դարաշրջաններում գործում էին պատմական մեծ փոփոխությունների այդ, մեծ հիմնադիրները: Բայց այդ ամենը փոխվեց ձեզ համար հենց բարենպաստ ուղղությամբ: Քանի որ նրանցից ոչ մեկը՝ ոչ Քրիստոսը, ոչ Մուհամեդը, ոչ Լենինը, ոչ Թեոդոր Հերցլը իրենց գործունեության սկզբում չունեին այն բարենպաստ պայմանների հարյուրերորդական մասը, ինչպիսիք ձեզ համար կերկայունս ստեղծել է գաղութային աշխարհի մեծ բեկումը:

Աշխարհի այդ մեծ ճարտարապետների ուժի միակ աղբյուրը հավատն էր իրենց գաղափարների իրավացիության հետևանք և այն, որ նրանք «ուզում էինք ցանկանալ»: Այդ հենց «ուզում էին ցանկանալ»:

Մի՛ բարկացեք ինձ վրա այս բառերի ակամա դառնության համար: Իմ հոգեկան ամբողջ խառնվածքով ես ոչ թե տակտիկ եմ, այլ ստրատեգ: Ես հավատացնում եմ ձեզ, որ թեև ստրատեգիական կոնցեպցիաները միանգամայն իրականանալի են: Եվ որ դրանք արժանի են ձեր վստահությանը: Ինքս բառերի դառնության աղբյուրն այն է, որ ես անկեղծորեն ստույգ եմ ձեզ ու ձեր հայրենիքը:

Ես լրիվ գիտակցում եմ, որ իմ առանձին կոնցեպցիաները կարող են սխալ լինել պարզապես այն պատճառով, որ ես բավական հեռու եմ հայ մտքի բոլոր կենտրոններից և հնարավորություն չունեմ իմ գաղափարները համաձայնեցնել վտանգիության հեղինակավոր անձանց հետ, ուստի և անկեղծորեն խնդրում եմ ձեզ ազատագրական պայքարի իմ ծրագրի մանրակերտ տարրերի ստորև բերվող թվարկումը համարել լայն բանավեճի թեմա, նախքան այդ ծրագրի առանձին հոդվածներում հայ հասարակայնության իրազեկ շրջանները կընդունեն կամ մերժեն: Ահա դրանք:

1. Լայն, համաշխարհային ստումով, ամենից առաջ փոփոխությունների ղեկավարներին ուղղված բաց նամակների կապանիա: Ես այն սկսել եմ երկու նամակով. «ՄԱԿ-ի գլխավոր քարտուղարին» և «Հնդկաստանի պրեզիդենտին»: Դրանց մեկն արդեն տպագրվել է հայկական մամուլում, մյուսը երեկ նույնպես շուտով կտպագրվի, բայց դրանք հիմնականում նախատեսված են ոչ թե հայկական թերթերի, այլ հորեյլանակոմիտեի հետ նախնական համաձայնությանը՝ ամերիկյան «Լայֆ» և «Թայմ» հանդեսների ու ֆրանսիական «Ֆիզարթ թերթի» համար են, քանի որ դրանք այնտեղ տպագրելուց հետո միայն կարելի է հուսալ այդ նամակների քաղաքական էֆեկտ: Ինքնընտանցյալ հասկանալի է, որ դա միայն լայն կամպանիայի սկիզբն է, որն աստիճանաբար պետք է ընդլայնի իր շրջանակը վաղորդ կշտադատված պլանով, ընդ որում՝ յուրաքանչյուր նամակը մի աստիճան է այդ պլանի իրականացման գործում:

Սկզբում ես մտադիր էի սկզբից մինչև վերջ առձամբ վճարել բաց նամակների ամբողջ կամպանիան, եթե, իհարկե, հայկական վտարանդիության ղեկավար շրջանները ինձ հանձնարարեին այդ խնդիրը: Սակայն չեմ կարծում, թե դա իրականանալի կլիներ. ոչ միայն իմ առողջական վատ վիճակի պատճառով, այլև ուրիշ պատճառներով: Առավել ևս հայկական ոչ մի կազմակերպություն և ոչ մի հայ ֆինանսիստ ցանկություն չի հայտնում հրավիրել ինձ արտասահման և ապահովել արգասավոր աշխատանքի անհրաժեշտ պայմաններով: Այդ կապակցությամբ սույն նամակի վերջում ուզում եմ առաջ քաշել ևս մի լրացուցիչ նախագիծ:

2. Բաց նամակների կամպանիայի լրացումը կլիներ ուրիշ, աշխարհի բոլոր նշանավոր մարդկանց ուղղված մասնավոր նամակների զուգահեռ կամպանիան (հասցեները դուք կգրուներ միջազգային պլանագիտում):

Արևմտյան Հայաստանի ազատագրման գործին ամեն կերպ նպաստելու՝ հասցեատիրոջն ուղղված ջերմ կոչ բովանդակող նամակներին պետք է կցվի համապատասխան գրականություն, օրինակ, իմ «Նամակ իմ թուրք ծանոթին» նամակի անգլերեն թարգմանությունը (այն Ամերիկայում հրատարակվել է առանձին բրոշյուրով) կամ դրա նման որևէ այլ բան:

Ի դեպ ասած, ես արդեն մի անգամ նմանօրինակ նախաձեռնությամբ հանդես եմ եկել 1964 թ. վերջին: Եվ իմ նախագիծը թվում է, թե պատճառաբանել եմ բավական տրամաբանորեն, թեև հենց այդ ժամանակ էի ես ծանր հիվանդ միզարյունությամբ և քանիցս կորցրել եմ գիտակցությունս: Բայց Բեյրութի հայկական կազմակերպությունը, որին այն ժամանակ ես նամակ գրեցի, նույնիսկ ինձ չպատասխանեց:

Չեմ կարծում, որ այդ մասնավոր հասցեատերերի առնչված մեկ տոկոսը հետաքրքրվում էր Հայկական հարցով: Բայց եթե այդ ճանապարհով դուք ունենաք «Գեմբարսկու պես» մի քանի տասնյակ բարեկամ, ապա դա նույնպես որոշակի հաջողություն կլինի, թեև կարծում եմ, որ ես ինքս ձեզ բավական շատ հոգսեր եմ պատճառում:

3. Պետք է ստեղծել հայ ժողովրդի բարեկամների տեղական ընկերություններ. ամենուրեք, որտեղ դա միայն հնարավոր լինի, բայց գլխավորապես արևմտաեվրոպական երկրներում ու Միացյալ Նահանգներում: Այդ գաղափարին էին նվիրված իմ «Երեք նամակները անծանոթ ընթերցողիս», որոնք,

էթէ չեն սխալվում, գտնվում են Բեյրութի «Ազդակի» խմբագրությունում: Ի դեպ, դրանք, ինչպես որ Ու Տանին և Ռադիակրիշնանին ուղարկված նամակներս ըստ էության ոչ թե հայկական, այլ օտարալեզու մամուլի համար էին:

4. Պետք է առավելագույն ջանքեր գործադրել քաղաքական դաշնակիցներ ձեռք բերելու նպատակով: Գլխավորապես դրանք պետք է ձեռք բերել այսպես կոչված «երրորդ աշխարհի պետությունների», այսինքն՝ չեզոք, ամենից առաջ աֆրիկյան պետությունների շրջանում, քանի որ համեմատաբար հեշտ է անձնական կապ հաստատել այդ երկրների կառավարական շրջանների հետ, որոնք հատկապես զգայուն են ամեն մի գաղութային պրոբլեմի նկատմամբ: Այստեղ հսկայական օգնություն կարող են ցույց տալ Աֆրիկայում սփռված հայերը: Այդ պետություններից մի քանիսում ամենայն հավանականությամբ հնարավոր կլինեք ստեղծել պայքարի կոմիտեի պաշտոնական ներկայացուցչությունների պես մի բան (որի մասին կգրեմ ստորև): Չպետք է մոռանալ, որ նույնիսկ ամենափոքր նեգրական պետությունը ՄԱԿ-ի անդամ է, հետևաբար և մեկ ձայն, որը կարող է օգտագործվել մեր գործի համար:

Մասնորթ Աֆրիկայից դուրս պետք է նմանօրինակ կամ պանիա ծավալել արաբական երկրների տարածքում (երկու աշխարհամասերում), Ասիայի, Լատինական Ամերիկայի և Հարավային Եվրոպայի (Հունաստան, Մալթա, գուցե նաև Կիպրոս) որոշ երկրներում: Մի խոսքով՝ այնտեղ, որտեղ նշմարվում են հայերի պահանջների պաշտպանության հնարավորություններ:

Նմանօրինակ փորձեր հայ ժողովրդի բարեկամների ընկերությունների, բաց նամակների և նշանավոր անձանց աջակցությամբ պետք է անել նաև աշխարհի գլխավոր երկրներում, հատկապես այն պետություններում, որոնք Ֆրանսիայի ու Հնդկաստանի պես վարում են ինքնուրույն քաղաքականություն: Միշտ է, ֆրանսիական կառավարությանը համոզելը, թերևս, շատ դժվար կլինի, բայց եթե դա առհասարակ մտահոյացված է, ապա այն կարելի է կատարել հիմա, դը Գոլի կառավարման օրոք:

5. Պետք է թափանցել հիմնական միջազգային կազմակերպություններ և փորձել ստանալ նրանց աջակցությունը ՄԱԿ-ի ու նրա մասնաճյուղերի համաժողովներում:

6. Պետք է Հայկական հարցը առաջ քաշել ամեն կարգի միջազգային կոնֆերանսներում (գլխավորապես աֆրոասիական կամ աֆրոասիական հարավամերիկյան ու չեզոք երկրների և Միավորված ազգերի կազմակերպության համաժողովներում՝ ուղղակի կամ անուղղակի ճանապարհով (այն կառավարությունների միջոցով, որոնց հետ հաշտվել է բարեկամություն հաստատել, կամ միջազգային կազմակերպությունների միջոցով):

7. Պետք է հնարավորին չափ շատ օգտվել գաղութատիրությունը վերջնականապես վերացնելու մասին միավորված ազգերի ղեկավարացիայից, պնդելով, որ Արևմտյան Հայաստանը պարզապես Թուրքիայի գաղութն է, իսկ այդ գաղութի բնիկ բնակչության զգալի մասի ոչնչացման փաստը չի կարող փաստարկ համարվել իօգուտ հանցավոր մետրոպոլիայի:

8. Պետք է ամբողջ աշխարհի հասարակական կարծիքին համոզել, որ Նյուրնբերգի միջազգային դատարանի այն բանաձևը, որով ցեղասպանությունը ճանաչվել է որպես հանցագործություն մարդկության դեմ, գործում է նաև անցյալի նրկատմամբ: Է՞ որ այն ժամանակ պատժվեցին գերմանացի հանցագործները, որոնք ցեղասպանություն էին կատարել միևնչև այն մարդկության դեմ հանցագործություն ճանաչելը: Հետևաբար, Նյուրնբերգի միջազգային դատարանի որոշումները չիվ վերաբերվում են նաև հայ ժողովրդի դեմ կատարված ցեղասպանությանը:

Այդ ամենը կլինի միայն նախապատրաստական կամ պանիա Թուրքահայաստանի ազատագրման պայքարի վերջնական փուլից առաջ: Եվ այստեղ կարող են լինել երկու տարբեր հանգուցալուծումներ.

1. Թուրքական կառավարությունը համաձայնություն կկալացնի հայկական վտարանդիության հետ երկկողմ համաձայնագրի և այս կամ այն փոխադարձ զիջումների ճանապարհով: Ըստ իս, տվյալ դեպքում պետք է պնդել այն սահմանների վրա, որոնք նախանշված են Ու Տանին և Ռադիակրիշնանին գրած իմ նամակներում: Այսինքն՝ իրանական սահմանի միջև ընկած տարածքի վրա, որն ընդգրկում է Վանա լճի շրջակայքը և էլք ունի դեպի ծով:

Թուրքիայի հետ լրիվ համաձայնության հասնելու դեպ-

քում առաջարկված տարածքը պետք է ժամանակավորապես
Եկուպացվի ՄՍԿ-ի գործերի կողմից:

**2. Թուրքական կառավարությունը չի ցանկանա որևէ քա-
նակցություն վարել:** Այդ դեպքում, հասարակական կարծիքի
համապատասխան նախապատրաստությունից և իր համար մի
շարք երկրների աջակցությունն ապահովելուց հետո անհրա-
ժեշտ կլինի դատական գործ հարուցել միջազգային դատարա-
նում, որտեղ հայկական վտարանդիությունը հանդես կգա թուր-
քական կառավարության դեմ, պահանջելով հատուցել հսկա-
յական նյութական ու բարոյական կորուստները, վերադարձ-
նել այն կողոպտված հողերը, որոնք մտնում էին, այսպես կոչ-
ված, «Թուրքահայաստան» կոչվող գաղութի մեջ, ընդհուր
մինչև սիրիական ու իրաքյան սահմանները, այսինքն՝ պատ-
մական Հայաստանի աշխարհագրական սահմաններում:

Իդեալ, ես անձամբ կարծում եմ, որ բանը չի հասնի դա-
տավարության, ինչը անցանկալի կլիներ նաև մեզ համար, և
որ համաձայնությունը Թուրքիայի հետ միանգամայն ճշմար-
տանման է, եթե այն, իհարկե, լավ նախապատրաստվի:

Հայերի նկատմամբ թուրքերի դարավոր տիրապետության
հետևանքով հայ հասարակայնության լայն խավերում մինչև
օրս Թուրքիան համարում են մեծ տերություն, այլ ոչ թե երկ-
րորդական պետություն, ինչպիսին նա արդեն իրականում հան-
դիսանում է: Եվ միաժամանակ մոռանում են, որ նա, ինչպես
առհասարակ բոլոր մեծ և փոքր պետությունները, հաղորդա-
կցվող անոթների այն համակարգի մի օղակն է, ինչպիսին ժա-
մանակակից աշխարհն է, ուստի և չի կարող անտեսել ուրիշ
եղևիկների կարծիքը, եթե այդ կարծիքը Հայկական հարցում
միահամուռ նրա դեմ լինի:

Մյուս կողմից՝ ես ինձ թույլ եմ տալիս հայտնել այն միտ-
քը, որ գուցե հաջողվի որոշ թուրք մտավորականների համո-
զել հայկական գործի իրավացիությանը, հատկապես նրանց,
ովքեր լինում են արտասահմանում, և որ նրանց աջակցությամբ
հայկական տարածքային պահանջները պատշաճ կերպով կբա-
ցատրվեն-կպարզաբանվեն թուրք հասարակայնությանը:

Հնարավոր է, որ որոշակի պահի գործն այնքան հասու-
նանա, որ կարելի լինի հայկական կանխադրություները ձևակեր-
պել թուրքական հանրապետության պրեզիդենտին ուղղված
բաց նամակում:

Գուցե այս հոդվածի ընթերցողները թոթովեն ուները. «Այս-
տեղ մեզ համար ոչ մի նոր բան չկա»: Չէ՞ որ մենք հիանալի
գիտենք, որ պետք է մեզ համար ապահովենք աշխարհի հա-
սարակական կարծիքը, բայց դրանից մինչև Հայաստանի վե-
րականգնումը դեռ շատ հեռու է: Ի դեպ, Նիզեթիան կամ Տան-
զանիան ի՞նչ ընդհանուր բան կարող են ունենալ Նաիրիի
հետ: Պարզվում է, շատ ընդհանուր բան ունեն: Լեհական գոր-
քերը երկու անգամ իրենց հայրենիքը ազատագրելու համար
զնացին Իտալիայով (ինչն, իմիջիայլոց, ամուր հետք է թողել
մեր ազգային հիմնում), իսկ Հոտնը նույնպես բավական հեռու
է վարչավայից: Եվ աշխարհն այն ժամանակ դեռ միացյալ
անոթների համակարգ չէր: Եվ դեռ չկար գաղութային ժողո-
վուրդների միջազգային համերաշխություն հասկացությունը:

Հրաշքները թողնենք հեքիաթների հեղինակներին: Աս-
տուցի Մհերը չի գա Թուր կեծակով: Թուրքահայաստանը
կարող են ազատագրել միայն գլխավորապես միջազգային ա-
յարեզում ուժեղացված ու նպատակալաց աշխատանք կա-
ռարած մարդիկ, առավելագույնս օգտագործելով բացառապես
քարենպաստ հոսանքները, որոնք արդեն քանի տարի է՝ ակո-
սում են մեր աշխարհը: Իսկ որոշ ժամանակ անց ընդմիշտ
կանհետանան:

Իմ որոշ քարեկամներ՝ հայ բանաստեղծներ, հոդվածիս
առաջին մասի («Նամակ իմ հին թուրք ծանոթին») երևան
գալուց հետո ինձ գրեցին, որ ինձնից հրաշք են ակնկալում:
Իսկ ես չեմ կարող հրաշքներ կատարել: Ես ուզում եմ միայն
մի բան. ակտիվորեն նպաստել Արևմտյան Հայաստանի ազա-
տագրմանը: Եվ խորապես համոզված եմ, որ հենց դա եմ կա-
տարում, հայկական վտարանդիության կառավարող շրջաննե-
րին քննարկման համար հանձնելով իրենց բազմաչարչար հայ-
րենիքը խաղաղ ճանապարհով ազատագրելու այս ծրագիրը,
ինչը դեռևս հիմա, այսինքն՝ 1966 թվականին, համարվում է
միանգամայն իրականանալի և հաջողություն խոստացող նա-
խաձեռնություն, իհարկե, պայմանով, եթե հայերն իրենք ձրգ-
տեն դրան:

Սակայն ես իմ պարտքն եմ համարում ընդօժել, թեև դա
կարող է շատերին դուր չգալ, որ Արևմտյան Հայաստանի
վերստեղծումը չկշուռադատված քաղաքականության առկայու-
թյամբ կարող է դառնալ մեծագույն դժբախտությունների պատ-

ճառ ամբողջ հայ ժողովրդի համար: Կապ չունի, թե Արևմուտքյան Հայաստանը կլինի սոցիալիստական կամ կապիտալիստական պետություն, հանրապետություն կամ միապետություն, բայց եթե այն դառնա Հարավային Կորեայի կամ Հարավային Վիետնամի պես մի բան, ապա հարյուր անգամ ավելի լավ է, որ նա առհասարակ չվերականգնվի: Անկախ արևմտահայ պետությունը պայմանականորեն անվանենք «Նաիրի»՝ Խորհրդային Հայաստանի հետ չշփոթելու համար: Այն ոչ մի դեպքում չպետք է դառնա Խորհրդային Միության դեմ ուղղված ամեն տեսակ քաղաքական արկածախնդրությունների գործիք: Ծիշտ է, ես գիտեմ, որ Խորհրդային Միությունը պաշտոնապես չպետք է աջակցի Նաիրիի ազատագրմանը, քանի որ չի ուզում բարդացնել իր հարաբերությունները Թուրքիայի հետ: Բայց շատ կարևոր է, որ նա իմանա, որ մեր կամայական ոչ մի դեպքում չպետք է ուղղվի նրա դեմ, այլ ավելին, պոտենցիալ թշնամի Թուրքիայի փոխարեն նրա հարավային սահմանի մոտ կստեղծվի լրիվ չեզոք պետություն, որի հետ նա հեշտ պայմանավորվածության կհասնի, քանի որ արդեն պայմանավորվել է, օրինակ, Ֆինլանդիայի հետ:

Կան հազարավոր պատճառներ, որ Խորհրդային Միության հետ Նաիրիի հարաբերությունները լինեն բարեկամական և որ այդ բարեկամությունը ունենա մշտական, այլ ոչ թե կոնյունկտուրային բնույթ, իհարկե՝ պահպանելով պետական սուվերենությունն ու բարեկամական հարաբերությունները նաև արևմտյան երկրների հետ: Բայց, ի դեպ, չպետք է մոռանալ, որ Նաիրիի տարածքի լրիվ բնակեցումը միանգամայն անիրականանալի կլինի, եթե Խորհրդային Միությունը Խորհրդային Հայաստանի տարածքից դուրս ապրող (գլխավորապես Ռուսաստանի Ֆեդերացիայում և Վրաստանում) իր հայ քաղաքացիներին չթույլատրի մեկնել այնտեղ: Ծիշտ է, նրանցից շատերն արդեն մոռացել են հայերենը, բայց պահպանել են անգային գիտակցությունը: Իսկ դա միանգամայն բավարար է, եթե նրանք դեռ սիրում են Հայաստանը և այն համարում են իրենց հայրենիքը:

* * *

Հայրենիքի վերականգնման համար հայկական վտարանդիության պատերազմը միանգամայն առանձնահատուկ երե-

վույթ է, որը նախադեպը չունի պատմության մեջ: Դա հող չունեցող մարդկանց պատերազմ է անմարդաբնակ հողեր ձեռք բերելու նպատակով: Դա պատերազմ է, որտեղ աներևակայելի է կիրառել մարտնչող բանակների ժամանակակից գեներալ և ապստամբների կայծքարային հրացանները: Դա մի պատերազմ է, որտեղ չկա ճակատ և թիկունք, և հող՝ ոտքերի տակ: Միաժամանակ դա մի պատերազմ է, որը, չնայած դրա թրվացյալ անճշմարտացիությանը, անհրաժեշտ է շահել ի հեճուկս պատմական փորձի, և եթե կուզեք, ի հեճուկս բանականության՝ բառիս հանրաճանաչ նշանակությամբ: Իսկ այն անհրաժեշտ է շահել այն պատճառով, որ տասը տարի հետո խիստ ուշ կլինի:

Ոչ մի Մեներ չի գա Թուրք կեծակիով, որ օգնի ձեզ: Մեներները դուք եք, հայկական վտարանդիության առաջնորդները, իսկ ձեր երկապրի սրի երկու սուր ծայրերը ապագադուրացումն ու ցեղասպանության դատապարտումն են: Եվ եթե դուք հմտորեն տիրապետեք այդ գեներին, ապա, երդվում եմ կյանքովս, դուք կհաղթեք: Չնայած այդ պայքարի երևակայական անճշմարտանմանությանն ու այն բանին, որ դա բացարձակապես աննախադեպ է: Եվ շատ սերունդներ կօրհնեն ձեր անունները, եթե դուք կարողանաք այդ «անիրական խնդիրը» մարմնավորել միանգամայն իրական պայքարի մեջ:

Ինձ թվում է, որ Թուրքահայաստանի ազատագրման ձեր և իմ գաղափարի առավել էական տարբերությունն այն է, որ դուք հույս ունեք ռազմական կոնֆլիկտի, որի մեջ կներքաշվի Թուրքիան և որտեղ նա պարտություն կկրի: Իրոք, երկրորդ համաշխարհային պատերազմի ժամանակ այդ գաղափարը միանգամայն ճշմարտանման էր, քանի որ Ֆոն Ռիբենտրոպը չանում էր Թուրքիային պատերազմի ներքաշել ակնհայտորեն պարտության դատապարտված Գերմանիայի կողմը: Բայց թուրքական կառավարությունն այն ժամանակ բավական հետառես գտնվեց, որ չներքաշվի այդ արկածախնդրության մեջ: Եվ ես չեմ տեսնում բացարձակապես ոչ մի տվյալ, որ կարելի լիներ հուսալ Թուրքիային երկրորդ անգամ ներքաշելու նրա համար նոր անհաջող որևէ պատերազմի մեջ:

Իմ գաղափարը, ինչպես երևում է շարադրվածից, այն է, որ Նաիրիի վերականգնման պայքարը չպետք է հետաձգել անորոշ ժամանակով, այլ այն պետք է հարմարեցնել ժամա-

նակակից, դրան նպաստող իրավիճակին (ապագադուրացու-
մը և ամբողջ մարդկության գիտակցության մեջ դեռ թաքմ ցե-
ղասպանության դատապարտումը): Դա հայկական վտարան-
դիության քաղաքական գործիչներից պահանջում է, որ նրանք
հոգեբանորեն պատրաստվեն պայքարի միանգամայն նոր տե-
սակի՝ ըստ էության աննախադեպ պայքարի, քանի որ Էրեց-
Խորաչեյի վերածննդն համար նմանօրինակ կամպանիան էս-
պես տարբերվում է դրանից: Քանի որ առաջին համաշխար-
հային պատերազմից հետո Պաղեստինին օկուպացրել էր մի
պետություն (Մեծ Բրիտանիան), որի համար այդ գաղութի
էթնիկական կազմը երկրորդական պրոբլեմ էր: Ուստի և հրեա-
ները կարողացան աստիճանաբար թափանցել այնտեղ, դան-
դաղ, բայց մշտապես ամրապնդելով իրենց ազդեցությունը,
ինչը միանգամայն անիրականանալի է հայերի համար, քանի
դեռ Նախիրին թուրքական գաղութ է համարվում:

Ես երագում էի «բաց նամակների ամբողջ կամպանիան»
սկզբից մինչև վերջ անձամբ անցկացնել: Ես մտադրվել էի
դա անել անձամբ, ի դեպ, այն նպատակով, որ հայերը ան-
հաջողության դեպքում պաշտոնապես հրաժարվեին ինձնից ու
իմ կամպանիայից, իսկ հաջողության դեպքում հսկայքեին իմ
աշխատանքի պտուղները: Ցավոք, ես այդ կամպանիան միայն
սկսել եմ: Ահա հոբելյանական տարում (1965) իմ գրած հոդ-
վածների ընդհանուր ցուցակը.

1. «Բաց նամակ ՄԱԿ-ի գլխավոր քարտուղարին», որը
թվում էր, թե արդեն տպագրվել է ինչ-որ հայկական թեր-
թում. բայց դեռ չի վերատպվել անգլերեն ու ֆրանսերեն լե-
զուներով (իսկ, հետևաբար, հասցեատերը դրա մասին մինչև
օրս ոչինչ չգիտե և չի կարող դրան պատասխանել):

2. Նույնը վերաբերում է նաև իմ երկրորդ հոդվածին՝
«Բաց նամակ Հնդկաստանի պրեզիդենտին», որը մինչև օրս
թվում է, առհասարակ չի տպագրվել՝ ոչ հայերեն, ոչ էլ արև-
մուտանվորական լեզուներով:

3—5. Երեք հերթական «նամակներն իմ անհայտ ընթեր-
ցողին», որոնք նախատեսված են միջին ամերիկացի ու եվրո-
պացի ընթերցողների համար և պրոպագանդում են հայ ժո-
ղովրդի բարեկամների տեղական ընկերությունների ստեղծ-
ման գաղափարը. նույնպես մինչև հիմա չեն տպագրվել ոչ
հայերեն, ոչ անգլերեն, ոչ ֆրանսերեն:

Այդ բոլոր հինգ հոդվածները այժմ գտնվում են 1915 թ.-
հոբելյանի նշման Բեյրութի կոմիտեում կամ Բեյրութի «Ազ-
դակ» խմբագրությունում:

6. Սույն նամակը, որը բովանդակում է Նախիրի (Արև-
ալրության Հայաստանի) պետության խաղաղ վերականգնման
համար լայն կամպանիայի իր պլանը, ես գրել եմ իմ նախորդ
«նամակների» գաղափարները հայկական վտարանդիության
կառավարող շրջանների հետ համաձայնեցնելու նպատակով:
Այս նամակը նախատեսված է բացառապես հայ մամուլի հա-
մար:

Միաժամանակ սա հրաժեշտի նամակ է, քանի որ ինձնից
անկախ պատճառներով ես արդեն չեմ կարող շարունակել
բաց նամակների կամպանիան և ստիպված կլինեմ լրիվ հրա-
ժարվել հետագա քաղաքական գործունեությունից:

Սակայն ես չէի ցանկանա սահմանափակվել միայն ընկ-
նող աստղի դերով, որի միակ ծառայությունն այն է, որ նա
մի ակնթարթ լուսավորել է հայերի անելանելի վիշտը: Ընդ-
հակառակը, ես կցանկանայի, որ իմ նախաձեռնությունը, ի հե-
ճուկս ամեն ինչի, շրջադարձային պահ լիներ նրանց պատմու-
թյան մեջ: Ուստի և ըստ էության ես ձեռնամուխ եղա այս նա-
մակը կազմելուն:

Թանկագին ու մեծարգո բարեկամներ, հայ ազգի քաղա-
քական ղեկավարներ: Եթե դուք նույնիսկ համաձայն չեք իմ
գաղափարին, ապա առնվազն կհակվեք իմ հետևյալ խնդրան-
քի կողմը. մի խոչընդոտեք Նախիրի խաղաղ ազատագրման
պայքարի կոմիտեի ստեղծմանը, եթե ձեր մեջ գտնվեն մար-
դիկ, որոնք ցանկանում են շարունակել իմ սկսած կամպանիան.
Վերը նախանշված ծրագրի համաձայն, այդ կոմիտեն ստեղծ-
վելու լինի կուսակցական հատկանիշով, ընտրությունների ճա-
նապարհով կամ այլ ձևով, ինձ համար միևնույն է, թեև, ըստ
իս, առավել հաջող լուծումը կլիներ նրա ստեղծումը իր մեջ
բոլոր այն ցանկացողների ընդունելության հիման վրա, որոնք
հետո իրենց շրջապատից առաջ կբաշխեն առավել փորձառու
ու միաժամանակ դինամիկ մարդկանց:

Միակ պայմանը, որը ես կցանկանայի այստեղ առաջ քա-
շել, այն է, որ այդ կոմիտեի կազմի մեջ մտնող մարդիկ սըր-
բորեն հավատան գործի ռեալությանը, որի համար նրանք
կոչված են: Այվելին, նրանք պետք է Արևմտյան Հայաստանի

հողերի ազատագրումը համարեն իրենց կյանքի միակ կոչումը: Կոմիտեն պետք է շարունակի այն կամպանիան, որ ես սկսել եմ: Ու Տանին և Ռադիսկիի շնորհիվ հասցեագրված ինքնամակներով, այսինքն՝ անընդհատ «բախել» նրանց «դուները» ու վեր հայկական պահանջները կարող են պաշտպանել միջազգային համաժողովում: Բոլոր ասիական, իսկ հնարավորության սահմաններում նաև այլ կոնֆերանսներում (գլխավորապես չեզոք երկրներում) պետք է համառորեն առաջ քաշվի Հայկական հարցը ապագաղության և ցեղասպանության դատապարտման տեսանկյունից: Եթե կոմիտեի պատգամավորների ուղղակի մասնակցությունը այս կամ այն կոնֆերանսին ձևական առիթներով անթույլատրելի է, ապա նա դրան պետք է մասնակցի առնվազն անուղղակի ձևով, ձեր նկատմամբ բարեհաճ որևէ պետության աջակցությամբ: Կոմիտեն գլխավոր խնդիրներից մեկը պետք է լինի այդ պոտենցիալ բարեկամների որոնումը, թեկուզև երրորդական պետությունների կառավարությունների շրջանում և նրանց օգնությամբ Հայկական հարցի առաջադրումը ինչպես տեղական, այնպես էլ ամբողջ խոշոր մասշտաբով՝ միավորված ազգերի համաժողովում Ընդ որում անհրաժեշտ է հետազայում լայնորեն օգտվել պետությունների ղեկավարներին հասցեագրված «բաց նամակների» համակարգից, նույնիսկ այն տերությունների ղեկավարներին, որոնք արդի աշխարհում բնավ էլ չեզոք չեն: Սակայն դա պետք է անել ոչ թե քառասյնորեն, այլ խիստ կշռադատվալ պլանով:

Մի խոսքով կոմիտեն պետք է առավելագույնս ակտիվություն և միաժամանակ խստագույն հետևողականություն դրսևորի, դառնա օրինակելի արտաքին գործերի մինիստրություն օրինակելի պրոպագանդայի մինիստրություն և օրինակելի ուղեղների տրեստ, ունենալով միակ նպատակ՝ թորքական կառավարությանը հարկադրել դիմել բանակցությունների և զինջումների:

Եվ, վերջապես, ես կցանկանայի ավելացնել ևս մեկ խրճարանք. Թեհրանից պարոն Դ.-ն հայկական տարեդարձի նշման Բեյրութի կոմիտեի անունից ինձ հաղորդել է, որ այն հինգ հողվածների համար, որոնք ես նրան ուղարկել եմ, բավական շատ հոնորար է նախատեսված ինձ համար: Այնպես որ խնդրում եմ ձեզ այդ փողերը մի ուղարկեք ինձ, այլ ներ-

դրեք Արևմտյան Հայաստանի խաղաղ ազատագրման համար պայքարի կոմիտեի հատուկ ֆոնդում: Միաժամանակ ես շատ եմ խնդրում պարոն Վահե Վահյանին (Բեյրութ), որ մինչև այդ կոմիտեի ստեղծելու պահը համաձայնի կատարել այդ ֆոնդի ժամանակավոր տնօրինողի դերը և նրա հաշվին փոխանցի համապատասխան գումարը, որը 1915 թվականի նշման կոմիտեն ինձ ուղարկելու է հոնորարի կարգով:

Գումարը, որի մասին խոսվել է, ինձ համար մեծ կարողություն է, բայց ապագա կոմիտեի խնդիրների մասշտաբով դա միայն մի կաթիլ է ծովում: Ուստի և ես իմ ավանդը գուր խորհրդանշական եմ համարում և առաջարկում եմ ձեզ բոլոր հայ գաղթօջախներում կազմակերպել Նաիրիի խաղաղ ազատագրման պայքարի կոմիտեի ֆոնդի նվիրատվությունների հանգանակություն, իմ համեստ մոծումը համարելով որպես նախաձեռնիչ նվիրաբերություն:

Ինքնին հասկանալի է, որ ես այդ համեստ նվիրաբերումը ձեր համաձայնությամբ պայմանավորում եմ Արևմտյան Հայաստանի խաղաղ ազատագրման պայքարի կոմիտեի ստեղծմամբ:

Ահա այն ամենը, ինչ ես ցանկանցա գրել ձեզ: Խնդրում եմ ձեզ չմոռանալ, որ մինչև կյանքիս վերջը ես կմնամ որպես ձեր անկեղծ բարեկամը և ձեր բազմաչարչար հայրենիքի՝ իմ հոգեմոր ջերմ երկրպագու:

1906 թ., փետրվար

ԵՐԵՔ ՆԱՄԱԿ ԱՇԽԱՐՀԻ ԸՆԹԵՐՑՈՂՆԵՐԻՆ

ԱՌԱՋԻՆ ՆԱՄԱԿԸ ԻՄ ԱՆԾԱՆՈՒ ԸՆԹԵՐՑՈՂԻՆ*
(որի մեջ հիշեցնում են նրան 12 մոռացված ճշմարտությունները)

Այս նամակներս լույս են տեսնելու նաև հայերեն, իսկ հետո այլ լեզուներով, ըստ էության նրանք չեն հասցեագրված հայ ընթերցողներին. վերջիններս գիտեն այն, ինչ ես գրում եմ այստեղ: Իսկ եթե նույնիսկ չգիտեն ամբողջը, ապա առնրվազն զգում են այն մեծ ճշմարտությունը, որը ես պետք պատմեմ այլազգի մարդկանց, որոնք, ինչպես և ես, հայ չեմ և մինչև այժմ բոլորովին չեն հետաքրքրվել հայկական հարցով: Սակայն հասավ այն օրը, երբ Հայաստանը իմ երկրորդ հայրենիքը դարձավ՝ իմ ընտրությանը: Բայց դա չի նշանակում, թե ես հրաժարվում եմ իմ առաջին հայրենիքից՝ Լեհաստանից: Սերը երկուսի նկատմամբ էլ հիանալի տեղավորվում է սրտիս մեջ: Ու եթե ամեն ոք հավատարիմ մնալով իր հայրենի երկրին, աշխատեր ճանաչել և անկեղծ սիրել որևէ այս ժողովրդի, հավատացեք ինձ, սիրելի ընթերցող, աշխարհը այն պատկեր կունենար:

Այժմ Ձեզ պետք է ասեմ, թե ինչու հենց Հայաստանը սիրեցի:

Հնդկաստանի հանգուցյալ պրեմիեր մինիստրը՝ Չավահասալ Ներուն Անգլիայում դաստիարակված հնդիկ էր: Նախքան իր հայրենիքը՝ Հնդկաստանը սիրելը, պետք է հայտնագործեի այն: Ու հենց այդպես էլ նա վերնագրել է իր մեծ ստեղծագործությունը այդ երկրի մասին: «Հնդկաստանի հայտնագործումը»: Ես նույնպես պետք է հայտնագործեի Հայաստանը նախքան նրան իր տառապանքների մեջ սիրելը, մանավանդ, որ երակներս մեջ հայկական արյան ոչ մի կաթիլ չի հոսում:

* Տպագրվել է «Ավանգարդ»-ում, 1990 թ. հունիսի 3-ին՝ Հ. Կարճիսյանի հրատարակմամբ:

Այդ հայտնագործումը մեծապես ցնցեց ինձ: Կարծես գոտս վաղուց կորած բանալին այն սենյակի, որի մեջ խառնիխուռն թափթփված եմ ամբողջ մարդկությանը պատկանող գանձերը: Դրա համար երկար ժամանակ մարդիկ անցնում էին այդ սենյակի մոտով՝ առանց նկատելու սարդոստայնով ու փոշով ծածկված այդ դուռը, մոռացել էին հրաշագործ բանալու մասին: Եղել են անհատներ, որոնք հանկարծակի պայծառատեսության պահերին, հիշում էին հանկարծ նրա մասին, բայց չկարողացան բանալ կախարդված դուռը:

Ես էլ, ավաղ, ինքս իմ սեփական ուժերով չեմ կարողանա բացել այդ դուռը, եթե դու, անծանոթ ընթերցողս, չգաս ինձ օգնության:

Դրա համար էլ հենց սկսեցի այս խոսակցությունը քեզ հետ:

Չգիտեմ նույնիսկ թե ով ես դու, որովհետև չգիտեմ, թե որտեղ և ինչ լեզվով լույս կտեսնի վերջապես այս նամակը: Գուցե գյուղացի ես կամ արհեստավոր, գուցե գիտնական կամ՝ բանվոր: Գուցե նաև նոր ազատագրված երկրներից մեկի քաղաքացին ես, կամ որևէ այլ անձ: Բայց ով էլ որ լինես, կկարողանաս շատ ավելի բան անել, քան ես, որովհետև ծեր եմ արդեն և հիվանդոտ, պակասում է ինձ նաև երիտասարդական եռանդն ու նախաձեռնությունը:

Խոստանում եմ քեզ մի բան. եթե կատարես այն, ինչի մասին խնդրում եմ քեզ, ապա հավերժ կհիշվես մարդկության պատմության մեջ: Իսկ դա արդեն շատ բան է նշանակում, այնքան շատ, որ միայն դրա համար արժե ապրել:

Կատարիր միայն մեկ բան. օգնիր ինձ բանալ կախարդված դուռը, իսկ եթե հանկարծ սիրոս դադարի քաքախելուց, եղիր մեկը նրանցից, որոնք իմ սկսած գործը կհասցնեն մինչև վերջ:

Բայց նախքան ասելը, թե ինչպես եմ պատկերացնում քո մասնակցությունը այդ մեծ գործին, թույլ տուր, որ նախ և առաջ պատմեմ քեզ իմ սիրո առարկայի մասին՝ առանց հողի մարդկանց մասին և առանց մարդկանց հողի մասին, որն Աստված անվանեց Հայաստան: Դա հենց այն Հայաստանն է, որ ես գտել, հայտնագործել եմ, ինչպես Կոլումբոսը հայտնագործել է Ամերիկան՝ Երկրի վրա, իսկ Ներուն՝ Հնդկաստանը՝ իր սեփական սրտի մեջ:

Լեհերենում զվարճալի մի դարձվածք կա. «Սկսել ինչ-որ բան Ադամից և Եվայից»: Չգիտեմ՝ ուրիշ լեզուներում նման դարձվածք կա՞, թե՛ ոչ, բայց այնուամենայնիվ, Հայաստանի մասին իմ պատմությունը սկսեմ Ադամից և Եվայից:

Գիտե՞ք արդյոք, թե որտեղ էր բիբլիական դրախտը: Սուրբ գիրքը շատ ստույգ սահմանում է նրա դիրքը. գտնվում էր նա չորս գետերի ակունքների շրջանում: Նրանցից երկուսը Եփրատն ու Տիգրիսն էին: Բավական է նայել քարտեզին, որ գրանենք նաև մնացած երկուսը՝ Շորոխն ու Արաքսը: Իսկ երկիրը, որի տերիտորիայում գտնվում էր դրախտը, այսպես կոչված Թուրքահայաստանն է, որի մասին ստորև ընդարձակ խոսելու ենք:

Փակագծերի մեջ նկատեմ, որ մյուս բիբլիական փաստը Նոյի ճանապարհորդությունը շրհեղեղի բարձրացած ջրերով տեղի է ունեցել նույնպես նույն՝ հետագա Թուրքահայաստանի այդ տերիտորիայի վրա: Այնտեղ՝ այդ երկրի հյուսիսում, խոյանում է երկու գագաթով մի մեծավոր լեռ՝ Մասիս կամ, ինչպես նրան անվանում ենք՝ Արարատ, որի վրա կանգ առավ Նոյի տապանը: Մի խոսքով՝ Սուրբ գրքի համաձայն ամբողջ մարդկության օրրանն ու երկրային դրախտն է եղել Հայաստանը:

Սակայն մարդկությունը մոռացել է, թե որտեղ էր գտնվում իր դրախտը, որը կրկին գտնելու մասին երազում էր հանձարեղ Միլտոնը: Եվ դա եղել է **մարդկության կողմից մոռացված առաջին մեծ ճմարտությունը**:

Հետագայում այդ տերիտորիայի վրա թագավորել են շատ արքաներ, որոնց մասին հիշատակում են բաբելական և ասորական աղբյուրները: Այդ երկիրը, որ տեղական ավանդությունը անվանում էր Նաիրի, շարունակում էր մնալ խիստ բնակեցված, հարուստ և կենսապաշտ, չնայած որ գտնվում էր այն ժամանակվա մեծ քաղաքակրթության ծայրամասերից մեկում և շատ հին էր: Այնքան հին էր այդ երկիրը, որ երբ առաջին բնական արարածները սկսեցին կառուցել առաջին տերությունը, ապա դա կարծես թե պետք է լիներ հենց այստեղ և ոչ թե Եգիպտոսում կամ Բաբելոնում: Միայն թե մարդկությունը այդ մասին մոռացել է: Եվ դա **մարդկության կողմից երկրորդ մեծ ճմարտությունն է**:

Մեր թվարկությունից առաջ 9-րդ դարի սկզբներին, այ-

սինքն 3000 տարի սրանից առաջ, այդ տերիտորիայի վրա գոյացավ Ուրարտու կոչված մեծ տերությունը, որի սահմանները ընդգրկում էին այսօրվա ամբողջ Հայաստանը՝ թուրքական և խորհրդային, իսկ հյուսիսում սահմանը նույնիսկ հասնում էր Վրաստանին:

Լեզուն, որով խոսում էին ուրարտացիները, դեռ հայերեն էր, ճիշտ այնպես, ինչպես ուրարտացիների նախորդները՝ Նաիրիի ժողովուրդը խոսում էր նրանցից տարբեր լեզվով: Չէ՞ որ լեզուն ենթացաբար է անընդհատ փոփոխությունների: Հին հոմերեացիները՝ գուցե էտրուսկերեն, իսկ նրանց հաջորդները խոսում էին իտալերեն: Ու, չնայած դրան, վերջիններս հոմերեացիների ու էտրուսկների օրինավոր ժառանգներն էին: Նրանապես այստեղ:

Ուրարտուի կամ հետագա հայկական թագավորության (որովհետև դա միևնույն տերիտորիան է) սահմանները հեշտ է գտնել մեր ժամանակակից Մերձավոր Արևելքի ուղած քարտեզի վրա: Ուղղակի այսօրվա Թուրքիայի ամբողջ արևելյան մասը, որը կարծես խցկված է հարավում Սիրիայի և Իրաքի, իսկ հյուսիսում՝ Խորհրդային Վրաստանի միջև: Եվ դա հենց այն տերիտորիան է, որի մասին է մեր խոսքը, այն տարբերությամբ միայն, որ Արևելքում նա ավելի հեռու էր տարածվում: Այսօր այդ տարածության 9/10-ը պատկանում է Թուրքիային, իսկ 1/10-ը՝ Խորհրդային Միությանը:

Սակայն վերադառնանք այն հետավոր ժամանակներին: Բարտեզի վրա գտնենք Վանա լիճը և նույնանուն քաղաքը՝ նրա Արևելյան ափին (այն ժամանակ նա կոչվում էր նաև Տուշա): Դա Ուրարտուի մայրաքաղաքն էր: Եվ այդ ամբողջ տիրությունը պատմիչները հաճախ անվանում են Վանի թագավորություն:

Այն ժամանակներից մինչև օրս պահպանվել են ժայռերում փորված եկեղեցիներ ու դամբարաններ, բազմաթիվ աշտարակների ու դղյակների ավերակներ և խողովակներ, որոնք քաղցրահամ ջուր էին հասցնում քաղաքին 70 կմ. վրա գտնվող հեռավոր սարերից (Վանա լճի ջուրը աղի է, քան ամենաաղի ծովի ջուրը):

Ուրարտուի տիրությունը ոչնչացվել է Մեդացիների կողմից, որոնք հարձակվել են նրա վրա 6-րդ դարում մեր թվարկությունից առաջ: Բայց նույն դարում նրա ավերակների

վրա գոյացավ և կառուցվեց նոր տերություն՝ Հայաստանը։ Պարսկաստանի թագավոր Դարեհը ստիպված էր բավական երկար ժամանակ պայքարել հայերի դեմ և հինգ անգամ պարտություն է կրել նրանցից։ Բայց վերջապես նա, ըստ երեւոյթին, հաղթեց նրանց, որովհետև հայերի երկիրը մտավ Պարսկաստանի 13 և 18 սատրապությունների մեջ... Եվ այս վիճակում մնաց մինչև Ալեքսանդր Մակեդոնացու ժամանակները։

Մի խոսքով՝ այս առաջին հայկական տերությունը գոյություն է ունեցել կարճ ժամանակ և համեմատաբար քիչ բան գիտենք նրա մասին։

Սակայն հայկական թագավորությունը վերածնվեց 189 թ. մ. թ. ա.։ Նրա հիմնադիրը եղել է Արտաշես 1-ին թագավորը, իսկ թագավորության նոր մայրաքաղաք Արտաշատը կառուցվել է Հաննիբալի նախագծի համաձայն. Հաննիբալը ժամանակավորապես գաղթել էր Հայաստան։

Այդ երկրորդ հայկական թագավորությունը գոյություն է ունեցել 618 տարի, այսինքն՝ մինչև մեր թվականության 429 թ., երբ նա միացվեց Պարսկաստանին։

Այդ շրջանում Հայաստանը եղել է այն ժամանակվա աշխարհի ամենակույտուրական կենտրոններից մեկը։

Մեր թվարկության 1-ին դարում այնտեղ արդեն կային թատրոններ, մատենադարաններ։ Բանաստեղծները գրում էին զանազան ստեղծագործություններ, պոեմներ, իսկ գրելուց ազատ ժամանակ ջարդում էին հոռմեացիներին, որոնք երբեմն այդտեղ ոտնձգություններ էին կատարում։ Եվ պետք է ասել, որ հենց Հայաստանն էր այն երկիրը, որն առաջինն ընդունեց քրիստոնեությունը որպես պետական կրոն, դեռևս 301 թ. (այսինքն Հռոմից 12 տարի առաջ)։ Դրա մասին նույնպես մոռացել է քրիստոնեական աշխարհը։ Եվ դա նրա կողմից մոռացված երրորդ մեծ ճշմարտությունն է։

Այն հնագույն ժամանակներում գոյություն ունեին 3 մեծ կրոն, որոնք պայքարում էին իրար դեմ ամբողջ աշխարհին տիրելու համար։ Մեկը հենց քրիստոնեությունն էր, երկրորդը՝ արիոսականությունը, երրորդը՝ գրադաշտականը։ Արիոսականի առաջխաղացումը զսպում կամ կասեցնում էին ֆրանկները, իսկ գրադաշտականի առաջխաղացումը կասեցնում էին հայերը։

Զգիտեմ, սիրելի ընթերցող, հավատացյալ ես արդյոք, թե՛ ոչ։ Բայց նույնիսկ եթե ոչ, դարձյալ պետք է ընդունես, որ քրիստոնեությունը ճանապարհ է հարթել ժամանակակից կուլտուրայի համար։ Ու թեև մեր կյանքում ամեն ինչ չէ, որ մեզ դուր է գալիս, սակայն ստիպված ենք հաստատելու, որ քրիստոնեության կողմից ստեղծված մշակույթը հիմնականում վատը չէ։ Եվ ահա այն ամենը, ինչով մենք այժմ ապրում ենք, այն հեռավոր ժամանակներում ոչնչացված կլիներ իր սաղմնավորման փուլում, եթե հայերը չպաշտպանեին քրիստոնեական մշակույթը։ Նույնիսկ 429 թ., իրենց անկախությունը կորցնելուց հետո, նրանք այնքան ուժեղ դիմադրություն էին ցույց տալիս արշավողներին (450—451 թթ. Վարդանանց պատերազմը և ուրիշներ՝ 481—484 թթ.), որ արգելում էին հեթանոսների շարժումը դեպի Արևմուտք։ Մի խոսքով, հայերը փրկեցին քրիստոնեությունը։

Բայց քրիստոնեական աշխարհը այդ մասին էլ մոռացավ։ Եվ դա նրա կողմից մոռացված չորրորդ մեծ ճշմարտությունն է։

Քաղաքական անկախության կորուստը բնավ չի կոտրել այդ հերոս ժողովրդի դյուցազնական ոգին։ Մեր թվարկության 5-րդ դարում հայկական մշակույթը այնպիսի ծաղկման հասավ, որ կոչվեց հայկական մշակույթի Ոսկեդար։ Իրոք Ոսկեդար էր դա, հատկապես գրականության ասպարեզում՝ թե ինքնուրույն և թե՛ թարգմանական։

Հաջորդ դարերում հայերը ոչ միայն ստեղծում էին փիլիսոփայական, պատմական և գեղարվեստական անմասն աշխատություններ, այլև շարունակում էին շատ թարգմանել։ Ծընորհիվ նրանց, միայն նրանց թարգմանություններով պահպանվել ու մեզ են հասել հին Հունաստանի և հին Հռոմի բազմաթիվ մեծ մտածողների ստեղծագործությունները։ Հայերն են (և մասամբ արաբները) մարդկության համար պահպանել հրեանագույն մշակույթի գոհարները։ Բայց աշխարհը այդ մասին ևս մոռացավ։

Եվ դա նրա կողմից մոռացված հինգերորդ մեծ ճշմարտությունն է։

Այնուհետև գրադաշտականության և արիոսականության տեղը պատմական ասպարեզում գրավեց իսլամը (մահմեդականությունը— Մ. Գ.)։ Եվ կրկին քրիստոնեական Բյուզանդիոնի և Արևելքից եկող նոր հավատքի միջև կանգնեցին հա-

յերը: Այդ նրանք ութ դարով ուշացրին Կոստանդնուպոլսի անկումը, մի բան, որ պատմության մեջ պետք է գրանցված լինի որպես հայերի ամենամեծ ծառայությունը քաղաքակրթությանը առհասարակ և քրիստոնեական քաղաքակրթությանը՝ հատկապես: Միայն թե այդ մասին էլ է մոռացել աշխարհը: Եվ դա նրա կողմից մոռացված վեցերորդ մեծ ճշմարտությունն է:

Արաբների դեմ մղվող պայքարի բոցերի մեջ հայկական փոքրիկ անկախ իշխանություններից կազմվեց երրորդ Հայկական թագավորությունը, որն այս անգամ գոյություն ունեցավ միայն 160 տարի (885—1045) և ոչնչացվեց հենց բյուզանդացիների կողմից, որոնք դրանով իրենք իրենց ձեռքով տապալեցին քրիստոնեական ամրոցը իրենց տերության արևելքում: Ու հետևանքները չհապաղեցին: Երեք տարի անց (1048) արդեն տապալված Հայաստանի վրայով գլորվեց սելջուկ-թուրքերի առաջին ալիքը՝ ազդարարելով Բյուզանդիայի մտապուտ անկումը:

Քրիստոնեական Արևելքը ինքը ոչնչացրեց նրանց, ովքեր 800 տարիների ընթացքում պաշտպանում էին իրենց պարսիկներից ու արաբներից, և դրանով իսկ ինքը իր դուռերը բաց արեց հերթական ամենասարսափելի արշավողների՝ թուրքերի առջև:

Այսօր այդ մասին էլ աշխարհը չի հիշում: Եվ դա նրա կողմից մոռացված յոթերորդ մեծ ճշմարտությունն է:

Լավ չէ, երբ մարդիկ իրար են սպանում նրա համար միայն, որ ցույց տան, թե իրենց կրոնը ավելի լավն է: Սակայն այն հեռավոր ժամանակներում մարդկությունը դեռ չէր հասունացել այդ պարզ ճշմարտությունը հասկանալու աստիճանին: Եվ դրա համար այդքան շատ ոճիրներ են կատարվել երկու կողմից էլ, ըստ որում քրիստոնյաները հարյուր անգամ ավելի վատ էին վարվում քան մուսուլմանները: Չէ որ քրիստոնեական կրոնը քարոզում է սեր ամեն մարդու նկատմամբ՝ անկախ նրա ազգությունից ու հավատքից: Իսկ տխրությանը հիշվող «խաչակիրները» փառավորեցին իրենց այնպիսի արարքներով, որ մինչև օրս մտաբերելիս ստիպված ենք կարմրելու:

Սակայն այդ ամենը հայերին չի վերաբերում: Նրանք ոչ ոքի գողով չէին պարտադրում քրիստոնեություն ընդունել: Պաշտպանում էին միայն իրենց հողը և իրենց հավատքը:

Ու դրանով միաժամանակ պաշտպանում էին իրենց թիկունքում ապրող ուրիշ քրիստոնյա ժողովուրդների հողն ու հավատքը: Եթե ուրիշ ժողովուրդները վատ քրիստոնյա են եղել, ապա հայերն այստեղ մեղք չունեն:

Ինչևիցե, 11-րդ դարի վերջում Եվրոպայից շարժվեց խաչակիրների առաջին արշավախումբը, որպեսզի, ինչպես հայտնի է, ազատի Քրիստոսի շիրիմը: Սակայն նրանք մոռացան ազատել Եվրոպայի ամենաերկարամյա պաշտպանին՝ քրիստոնեական Հայաստանը: Եվ դա եղավ հերթական ութերորդ մեծ հանցանքը ընդդեմ ճշմարտության, երախտագիտության և արդարության:

Հայերի մի մասը, որոնց բյուզանդացիները բուն Հայաստանից տեղափոխեցին Կիլիկիա (ուր հետո բնակվում էին նրանց ազգակից ժողովուրդները) 1080 թ. ստեղծեց այնտեղ ըստ հերթականության չորրորդ հայկական թագավորությունը, որը գոյատևեց համարյա 300 տարի (1080—1375) դառնալով Արևելքի ամենակուտուրական տերություններից մեկը: Իսկ եթե այնտեղ ստեղծված հայկական պատմական գրականությունը չլիներ, հնարավոր չէր լինի այսօր վերականգնել խաչակիրների արշավանքների, ինչպես նաև Արևելքի քրիստոնեական մանր տերությունների պատմությունը: Ինչ արած, աշխարհը նորից մոռացավ օգնության հասնել պատմականորեն արդեն հայկական այդ վերջին թագավորությանը, երբ հասել էր նրա ծանր ժամը: Եվ դա եղավ ըստ հերթականության իններորդ մեծ հանցանքը ընդդեմ ճշմարտության, պարտականության և քաղաքական բանականության: Դրա համար շուտով վարձահատույց եղան սերբերը՝ 1389 թ. Մուռ դաշտում տեղի ունեցած ողբերգական ճակատամարտից հետո կորցնելով իրենց անկախությունն ավելի քան 300 տարով: Իսկ քիչ հետո նրանց բախտակից դարձան նաև բուլղարները՝ 1393 թ. Տիրնոլի անկումից հետո: Չէ որ չկան մեկուսացած փաստեր:

Առանձին ժողովուրդների պատմությունը զարգանում է հաղորդակից անոթների միջոցով: Լուսինյանների հայկական թագավորության անկման և սերբական Լազարի տերության օսման-թուրքերի կողմից ոչնչացման միջև ակնհայտ է կապը, որի մասին այստեղ չեն խոսելու:

Կիլիկիայի թագավորության ամբողջ գոյության ընթաց-

քում Մեծ Հայքը կամ բուն Հայաստանը ծանր կացություններ շատ է ապրել: Հերթով ընկնում էր սելջուկ թուրքերի տիրապետության տակ, որը այդ վերջինները հասկանում էին շատ պարզեցրած. ուղղակի մորթում էին իրենց նոր հպատակներին: Հետո Հայաստանը բաժանված մնաց մի շարք սելջուկ-արաբա-քրդական էմիրությունների միջև, որոնք անընդհատ կռվում էին միմյանց դեմ: Այնուհետև 1170—1236 թթ. այստեղ գոյացավ Վրաստանին ենթակա հայկական վասալ իշխանության պես մի բան: Բայց մոնղոլները սրբեցին նրան աշխարհիս երեսից:

Այստեղ չենք պատմելու իրար հաջորդող մոնղոլական տիրապետությունների մասին 150 տարի, այսինքն՝ 1236—1386 թթ. ընթացքում Հայաստանի ողբերգական պատմությունը, ինչպես նաև նրա պատմությունը հարյուրապատիկ սարսափելի Լենկթեմուրի և թուրքմենական Կարա-Կոյունլու և Ակ-Կոյունլու ցեղերի տիրապետության ներքո, որոնք փոխադարձաբար իրար կոկորդից էին բռնում ընդհուպ մինչև 15-րդ դարի վերջը: Պարզ բան է, որ վայրենիների այդ բոլոր հաշվեհարկներին անընդհատ հետևում էին տարաբախտ հայերի կոտորածները: Ծատ բան չի փոխվել նրանց վիճակում դեպի լավը նաև հաջորդ հարյուրից ավելի տարիների ընթացքում (1502—1639), երբ Հայաստանը սկսեց ձեռքից ձեռք սնցնել՝ պարսիկներից օսմանական թուրքերին և հակառակը: Ըստ որում պարսիկները տեղահան էին անում հայերին սահմանամերձ շրջաններից՝ հրդեհելով նրանց տները, իսկ թուրքերը հրդեհում էին տները, բռնաբարում և ստրկացնում էին ողջ մնացածներին:

1639 թ. Հայաստանը վերջնականապես բաժանվեց 2 մասի՝ Արևմտյան կամ Թուրքական և Արևելյան կամ Պարսկական: Սկսեցին ստեղծվել երկու գրական բարբառներ՝ արևմտահայերենը և արևելահայերենը: Այդ բաժանումը մնում է մինչև օրս, միայն թե Պարսկահայաստանը (անհամեմատ փոքրը) հետո անցավ ռուսական ցարական կառավարությանը, ինչի մասին ստորև խոսելու ենք, իսկ Թուրքահայաստանը (ամբողջի 9/10 մասը) թուրքերը դարձրին կատարյալ անապատ. այդ մասին նույնպես խոսելու ենք ստորև:

Հայերը որքան ուժ ունեին պաշտպանում էին իրենց հողը: Վրացիների հետ մեկտեղ կրծքով դիմադրում էին մոնղոլներին,

րին, երկու անգամ ապստամբեցին նրանց դեմ (1249 և 1261 թթ.): Բայց հետո, երկար ժամանակ նրանք չունեին ոչ ուժ և ոչ էլ թափելու արյուն: Միայն ամենազարմանալի պատերազմի ժամանակ, որ Պետրոս Մեծի Ռուսաստանը մղում էր Պարսկաստանի դեմ, Պարսկաստանը՝ Թուրքիայի դեմ և Թուրքիան Ռուսաստանի դեմ, հայերի զորավար Դավիթ-Բեկը երեք կովող բանակի կրակների արանքում ստեղծեց հայկական տիրություն, որը ճանաչվեց երեք կովող պետությունների կողմից էլ: Սակայն այն գոյատևեց շատ կարճ (1722—1730), այսինքն՝ մինչև Դավթի ժառանգ Մխիթարի դավադրական սպանությունը:

1828 թ. Ռուսաստանը մեծացրեց իր տերիտորիան Պարսկահայաստանի մեծ մասի հաշվին, իսկ 50 տարի անց (1878) Թուրքիայից խլեց Ղարս և Արդահան հայկական մարզերը: Թվում էր թե լիակատար անկախություն ստանալու հայերի երազանքները վերջապես իրագործվելու են: Բայց ավաղ, ցարական Ռուսաստանը ամենևին միտք չունեց հարություն տալու Հայաստանին, թեև բազմիցս այդ խոստումներն արել էր Հայաստանին: Պարզապես հայկական հողերը միացրեց իր տերիտորիային որպես մի նոր նահանգ: Ու չգտնվեց մի նոր Բայրոն, որը հիշատակեր Հայաստանի մասին այնպես, ինչպես ինքը՝ Հունաստանի մասին: Հերթով ազատագրվեցին Ռումինիան, Սերբիան և Բուլղարիան: Իսկ Հայաստանի մասին այդ ամենահումանիստական 19-րդ դարում բոլորը մոռացել էին: **Տասներորդ անգամն էր դա, որ մոռացվել էր Հայաստանը:**

Ծիշում ասած չմոռացողներ կային: Բայց հայ ժողովրդի բարեկամներ չէին նրանք, այլ ուղղակի որոշ եվրոպական երկրների փաստաբաններ, որոնք հայկական հարցը խաղացնելով հնարավորին չափ արտոնություններ էին պոկում Թուրքիայից իրենց համար: Ու այդ հարցով անվերջ գրգռում էին թուրքերին, մինչև որ հասցրին այն աստիճանին, որ հայ ժողովուրդը ահավոր գին վճարեց ոչ իր պարտքերի դիմաց:

Հայերը բնակվում էին ոչ միայն Թուրքահայաստանում, այլև ցրված էին ամբողջ Անատոլիայում և այն էլ դեռևս բյուզանդական ժամանակներից: Առանձնապես շատ էին նրանք Կիլիկիայում՝ ճախկին Ռուբինյանների և Լուսինյանների թագավորության մեջ: Իսկ բուն Անատոլիայի սահմաններից դուրս

բնակություն էին հաստատել Սիրիայում և Լիբանանում ու նախ և առաջ հենց սուլթանի մայրաքաղաքում՝ Ստամբուլում (նախկին Կոստանդնուպոլսում), որը 19-րդ դարում դարձավ թուրքա-հունա-հայկական կուլտուրական մեծ կենտրոն: Ըստ որում հայկական տարրը գերակշռում էր մտավոր ասպարեզում: Այստեղ է հենց զարգանում արևմտահայ հոշակապ գրականությունը՝ Մերձավոր Արևելքի ամենահետաքրքիր գրականություններից մեկը:

Ստամբուլը տարբեր պատճառներով դարձավ արևմտահայերի հոգևոր կենտրոնը, բայց գլխավորապես նրա համար, որ այն ժամանակ Թուրքահայաստանում ավելի մեծ քաղաք չկար: Մնացած քաղաքները ոչնչացված էին վայրենիների տիրապետության 800 տարիների ընթացքում՝ սկսած ամենավաղ՝ սելջուկ-թուրքերից մինչև ամենաուշ՝ օսման-թուրքերը:

Այնուամենայնիվ, երկու մեծ քրիստոնեական գաղութների առկայությունը Ստամբուլում փուշ էր թուրքական կառավարության աչքում, մանավանդ որ օտար պետությունները օգտագործում էին այդ փաստը ոչ թե ազգային փոքրամասնություն կազմող հայերին և հույներին օգնություն ցույց տալու նպատակով, այլ Թուրքիայի վրա ազդելու նպատակով, ստիպելով նրան, որ թույլ տա կոնցեսիաներ իր երկրում եվրոպական կապիտալի համար: Գնալով թուրքերի մեջ աճում էր ատելությունը քրիստոնյաների նկատմամբ... Սկսվեցին կոտորածները: Միայն թե այդ ատելությունը դրդողներն ու գրգռողները օտարերկրացիներ էին, իսկ զոհ էին դառնում այն անմեղ քրիստոնյաները, որոնց միայն կարելի էր անպատիժ սպանել: 19-րդ դարի առաջին կեսին դա գլխավորապես հույներն էին, իսկ 1876 թվականից՝ հայերը:

Հայերի անտանելի կյանքը թուրքական տիրապետության ներքո 1915 թ. հասել էր իր գագաթնակետին, երբ տանջալի մահվան դատապարտվեց համարյա ամբողջ արևմտահայ ժողովուրդը: Իրենց անկախությունը կորցնելուց հետո 870 տարի (1045—1915) տառապում էին նրանք այնպիսի տանջանքների մեջ, ինչպիսիք չի ճանաչել աշխարհիս ոչ մի ժողովուրդ: Բացի գուցե միայն հրեաներից: Բայց հրեաները Երուսաղեմի անկումից անմիջապես հետո լքեցին հայրենի հողը, հնարավորություն ունենալով գոնե իրենց համար բնակավայր ընտրել: Եվ ամեն տեղ չէ, որ վատ էր նրանց համար:

Այսօր, ճիշտ է, աշխարհով մեկ ցրված են գաղթած հայերը: Բայց 1915 թ. առաջ թուրքահայերի ճնշող մեծամասնությունը մնում էր իր հայրենիքում: Դրանք գյուղացի հողագործներ էին: Եթե գաղթում էր այդ գյուղացին, ապա դեպի Ստամբուլ կամ դեպի Լիբանանի քաղաքները՝ նույն թուրքական կառավարության սահմաններում: Քաղաքներում նրանք աշխատում էին որպես բանվորներ կամ արհեստավորներ: Ոմանք զբաղվում էին առևտրով և հակառակ տարածված բամբասանքների, եղել են ազնիվ առևտրականներ: Համենայն դեպս այդպիսի համբավ վաստակել են նրանք իմ հայրենիքում՝ Լեհաստանում:

Ծառ հայեր իրենց նվիրեցին մանկավարժական և մշակութային ստեղծագործ աշխատանքին: Նրանք մեծ արտիստներ են եղել արվեստի յուրաքանչյուր ճյուղում. նրանցից դուրս են եկել հանճարեղ բանաստեղծներ ու արձակագիրներ, մեծ երաժիշտներ, ակնառու նկարիչներ, հոշակապ շինարարներ, իսկ ամենից առաջ ազնիվ աշխատավորների և հմուտ, բարեխիղճ արհեստավորների հսկայական մի զանգված: Ժամանակակից աչքի ընկնող հայ բանաստեղծ Պարույր Սևակը իրավամբ ասում է.

Իսկ երբ ստիպված մեր հողն ենք թողել,
Որ էլ հասել ենք, որտեղ էլ եղել՝
Ջանացել ենք մենք ամենքի համար,
Ծիճել ենք կամորջ, կապել ենք կամար...

Խնդրում են միշտ հիշել, որ Թուրքահայաստանի կազմում էր պատմական Հայաստանի 9/10 մասը: Դրա համար էլ, ահա, ոչ թե Պարսկական Հայաստանում (որ վերաբերմունքը հայերի նկատմամբ անհամեմատ ավելի լավ էր), այլ հենց այստեղ բյուրեղացավ այն, ինչը որ 19-րդ դարի հրապարակախոսությունը անվանել է հայկական հարց:

Այս տերմինը կյանք առավ Թուրքիայի սուլթան Աբդուլ Համիդ 2-րդի գահակալության ժամանակից (1876 թ.), որը 33 տարվա ընթացքում, այսինքն համարյա մինչև իր գահընկեցությունը (1909 թ.) հասցրեց իրագործել ութ մեծ կոտորած. դրանցից ամենամեծի ժամանակ սպանվեց մոտ 300 հազար հայ: Հայերին կոտորում էին թուրք կառավարության կողմից գրգռված քրդերը՝ թուրք հասարակության տակաճների հետ միասին: Թուրք գյուղացիները հիմնականում կոտորածներից չէին մասնակցում. հասարակ թուրք ժողովուրդը բնավ

չար չէ և ընդհանրապես կարողանում էր խաղաղ ապրել քրիստոնյա ժողովուրդների հետ: Եվ ընդհակառակը, սարսափելի շարացած էին այն մարդիկ, որոնք դրանից առաջ և դրանից հետո կառավարում էին Թուրքիան:

Հենց նոր Աշեցի, որ եղել է 8 կոտորած, որոնցից ամենամեծի ժամանակ սպանվել է շուրջ 300 հազար հոգի: Որքան հեշտ է գրել այդ մասին: Բայց ինչ սարսափելի բովանդակություն են պարունակում այդ խոսքերը: Այսպես, եթե գիշերը նայենք աստղալից երկնքին, ապա հասարակ աչքով ամբողջ երկնակամարում կարող ենք տեսնել շուրջ 4000 աստղ...

Եթե դրանք միայն մեկ կոտորածի ժամանակ սպանված հայ տղամարդկանց, կանանց ու երեխաների մարմինները լինեին, ապա 75 անգամ ավելի պետք է լինեին, քան երկնքում մեր տեսած աստղերը: Ու հիշիր միաժամանակ, որ այն ժամանակ արդեն դա փոքրաթիվ, հազիվ մի քանի միլիոնանոց քրիստոնյա ժողովուրդ էր, որը հարյուրամյակների ընթացքում հրաշքով պահպանում էր իր կյանքը՝ ապրելով ու պայքարելով հավատքի, լեզվի, մշակույթի և ամեն տեսակետից իրեն օտար մուսուլման միջավայրում:

Վերևում հիշատակեցի արդեն, որ եվրոպական տերությունները խառնվում էին հայկական հարցին, միջամտում էին նաև այն ժամանակ, երբ նրանց միջամտությունը բնավ հարկավոր չէր ու միայն գրգռում էր թուրքերին հայերի դեմ: Բայց այդ հարցին խառնվող ոչ մի պետության կառավարություն այդ խնդիրը չդրեց ճիշտ հողի վրա, այսինքն չպահանջեց, չառաջարկեց անգամ թուրքական Հայաստանը վերածնել անկախ, սուվերեն պետության: Մինչդեռ այն ժամանակ կային արդեն անկախ պետություններ՝ Հունաստանը, Սերբիան, Չեռնոգորիան, Բուլղարիան և Ռումինիան, հետո շուտով նաև Ալբանիան, որոնք առաջ պատկանում էին Թուրքիային: Գուցե չէի՞ն ուզում բարկացնել ցարական Ռուսաստանին, որը հույս ուներ մոտիկ ապագայում գրավել այդ տերիտորիաները, ընդհուպ մինչև արաբական սահմանը: Կամ գուցե ինչ-որ ա՞յլ պատճառներ կային: Բավական է, որ աշխարհը մոռացավ երեսուն հարյուրամյա հայկական պետության ավանդության մասին: Եվ դա նրա տասնամեկերորդ մոռացությունն ու անմեղելի սխալն էր:

Եւն կարծում, թե աշխարհիս երեսին գտնվեր որևէ ուրիշ

ժողովուրդ, որը ի վիճակի լիներ այդքան երկար դիմանալու անընդհատ շարունակվող արյունահեղությանը, ինչպես դիմացան հայերը 9 դարերի ընթացքում, տանելով միաժամանակ մշտական արհամարհանքը: Չէ՞ որ վայրենի արշավողները (բացի մոնղոլներից) եղել են մոլի մուսուլմաններ և քրիստոնյաներին ավելի վատ էին նայում, քան շներին: Հոգու ինչպիսի տոկունություն էր պետք այդպիսի պայմաններում կրոնափոխ չլինելու համար: Չէ որ դա այնքան հեշտ բան չէր: Ու միանգամից կարելի էր ունենալ հանգիստ կյանք, և նույնիսկ արտոնյալ պաշտոն սերունդից սերունդ մուսուլմանների մեջ: Չնայած դրան կրոնափոխության դեպքերն այստեղ այնքան հազվադեպ են պատահել, որ գրեթե նշումներ չկան նրանց մասին:

Սակայն կոտորածները միակ ջրանցքը չէր, որով արտահոսում էր հայ արյունը: Երկրորդը եմիչերական այն զորագնդերն էին, ուր տանում էին ամեն տասներորդ հայ տղային, և այդ տղաները, պարզ բան է, արդեն մեկընդմիջտ կորած էին ժողովրդի համար: Եվ, վերջապես, երրորդ ամենալայն ջրանցքը եղել է ամենագեղեցիկ աղջիկների փախցնելը համարյա 1000-ամյակի ընթացքում:

Իսլամը տղամարդուն ոչ մի սահմանափակում չի անում կյանքի ընկերուհի կամ ընկերուհիներ ընտրելու մեջ: Իսկ քանի որ Թուրքախայաստանում չի եղել մի անկյուն, ուր չպտտըտվեին գոնե մի քանի մուսուլմաններ՝ քրդեր կամ թուրքեր՝ միշտ լավ գիմված ու կոիվների պատրաստ, ապա սպառնալիքներով, թե զենքի ուժով քրիստոնյաներից ամենագեղեցիկ կանանց խլելը օրակարգի խնդիր էր: Հայ մորից և թուրք հորից ծնված տղան դաստիարակվում էր որպես թուրք՝ հպարտանալով իր «ասպետական» ծագումով և արհամարհելով խաղաղ տրամադրված մոր ժողովուրդը: Սակայն դա հսկայական ազդեցություն է ունեցել նոր սերունդների ուսաստանական պատկանելության վրա: Այդ նոր սերունդների մայրերը, հաճախ նաև տատերն ու նախատատերը հայուհի են եղել: Չէ որ թուրքերը, երբ Աստված նրանց ստեղծեց և բերեց Անատոլիա, ունեին շեղ աչքեր և դուրս ցցված լայն այտուկներ: Իսկ այսօր բավականին գեղեցիկ ժողովուրդ են, որովհետև հայերից խլեցին նրանց սեփական արյունն անգամ:

Սակայն հակառակ բազմաշրանքը հուններով հայկական

արյան անընդհատ արտահոսքին, հակառակ մեծամեծ կոտորածներին և մշտական արհամարհանքին, հայ ժողովուրդը ջղաձգորեն իր սպառնալից ուժերի մնացորդներով ամուր կառչում էր իր հավատքին ու իր լեզվին: Մեկ ուրիշ ժամանակակից հայ բանաստեղծ Գևորգ Էմինը համեմատում է նրան խաղողի վազի հետ, որն իր արմատները խրել է կարծր ժայռի մեջ ու սնվել այդ ժայռով:

Արդուլ Համիդի արյունարբու կառավարության անկման պահին, այսինքն 1909 թ., հակառակ ամեն բանի, ամբողջ աշխարհում դեռ կար 5 միլիոն հայ (Թուրքիայում մոտ 4 միլիոն): Բայց մոտապուտ պատերազմի մթնոլորտում աշխարհը դադարել էր նրանցով հետաքրքրվելուց՝ թողնելով նրանց երիտ. թուրքերի կուսակցության «պրոգրեսիվ ու լիբերալ» փոքրամասնության հոգատարությանը. այն կուսակցության, որն այն ժամանակ խոստանալով «միություն և առաջադիմություն» անցավ իշխանության գլուխ: Եվ դա եղավ իր հետևանքներով ամենասարսափելի 12-րդ սխալը: Նրա ողբերգական հետեվանքների մասին կխոսենք այս անակաշարի երկրորդ մասում:

ԵՐԿՐՈՐԿ ՆՍՄԱԿ ԻՄ ԱՆԾԱՆՈՑ ԸՆԹԵՐՅՈՂԻՆ*

(որի մեջ պատմում են նրան այնպիսի փաստեր, որոնք խայտառակեցին ամբողջ մարդկությանը)

Կան տարբեր առաջադիմություններ. կա մշակութային առաջադիմություն, բայց կա նաև անդամալուծության առաջադիմություն:

Թուրքերը հաճախակի գործածում են այնպիսի բառեր, ինչպես «առաջադիմություն», «ազատություն», «համերաշխություն» և «արդարություն», որոնք օգտագործում էին այս դարի սկզբին, օգտագործում են և այժմ որպես իրենց կուսակցությունների անուններ, թեև մանավանդ Արդուլ-Համիդի անկումից սկսած, այնտեղ ոչ ազատություն կա, ոչ համերաշխություն, ոչ արդարություն, իսկ առաջադիմությունը գրեթե ան-

* Տպագրվել է «Խորհրդային Հայաստան» թերթի 1990 թ. մայիսի 20-ի համարում:

ճկատելի է, թեև այդ ժամանակամիջոցում լատինական այբուքեն մտցվեց այնտեղ և արգելվեց ֆես կրելը:

Այդ «նոր ժամանակներն» սկսվեցին երիտթուրքերի՝ իշխանության գլուխ անցնելուց հետո: «Միություն և առաջադիմություն» խոստմնալից անվան տակ նրանք 1909 թ. գարնանը զահրնվեց արին արյունարբու սուլթան Արդուլ-Համիդ Երկրորդին և զահ բարձրացրին Մուհամեդ Հինգերորդին, որը մեն ինչում կատարում էր նրանց կամքը: Ու պարզվեց, որ գործնականորեն հայտնի չէր, թե առաջադիմությունը ինչով է արտահայտվում, որովհետև նոր կառավարությունը ավելի էր սեղմում օղակը ազգային փոքրամասնությունների վզին ու հուշակուն շովհիհզմի, պանիսլամիզմի և պանթուրքիզմի լուռնագներ:

1912 թ. գարնանը երիտթուրքական կառավարությունը կարճ ժամանակով տասպալվեց մրցակից կուսակցության կողմից, որը կրում էր ավելի գեղեցիկ անուն՝ «Ազատություն և համերաշխություն» և նախորդից տարբերվում էր նախ և առաջ նրանով, որ անգլիական կողմնորոշում ուներ, մինչդեռ նախորդը՝ գերմանական: Բայց 1913 թ. հունվարին երիտթուրքերը նորից կառավարության ղեկն իրենց ձեռքն առան, ըստ որում նոր մինիստրները անձամբ՝ իրենց ձեռքով սպանեցին նախորդներին: Որպես հաղթանակած կուսակցության ղեկավար մարմին՝ կազմվեց մի եռիշխանություն, որը կառավարում էր պետությունը՝ առանց հաշվի առնելու սուլթանին: Եռիշխանության մեջ մտան Էնվեր փաշան, Թալլաթ փաշան և Ջեմալ փաշան: Լավ հիշիր այս անունները, ընթերցող, որովհետև այդ երեք ջենտլմենները առաջին դերը կատարեցին մեծ խայտառակության պատմության մեջ:

Երիտթուրքերի կրկին վերադարձը իշխանության գլուխ՝ ազգային փոքրամասնությունների համար բերեց կարծես լարվածության որոշ թուլացում և առերևույթ լիբերալություն: Նույնպիսի փոխադարձ հասկացողություն տեղի ունեցավ հայերի հետ: Կառավարությունը խոստացավ նրանց քաղաքական և մշակութային լայն ինքնօրինություն, բայց միաժամանակ սկսվեցին գաղտնի պատրաստություններ տեսնել հայերին իսպառ բնաջնջելու «համարձակ» նախագիծը մշակելու:

Քաջության, ինչպես և առաջադիմության, տարբեր տեսակներ են լինում: Քաջություն պետք է ունենալ կյանքը մահվան վտանգի ենթարկելու. քաջություն պետք է ունենալ նաև երե-

խա սպանելու համար: Երիտթուրքական կառավարությունն օժտված էր այս երկրորդ տեսակի քաջությամբ:

1914 թ. համաշխարհային առաջին պատերազմի անակընկալ պայթյունը հիանալի պայմաններ էր ստեղծել այդ նախագիծն իրագործելու համար: Հենց սկզբից էլ տարակույս չկար, որ Թուրքիան մասնակցելու է պատերազմին Գերմանիայի կողմից: Փաստեր կան, որ գերմանական գերագույն շտաբը տեղյակ էր այդ գաղտնի դավին, թեև հայերի մեծ բարեկամ, ավատրիական գրող Ֆրանց Վերֆելը ասում էր, թե այդպես չէր: Համենայն դեպս կասկածից դուրս է, որ գերմանացիները այնքան էլ չէին միջամտի Թուրքիայի այդ «ներքին գործին», իսկ Անտանտի երկրների հասարակական կարծիքը կարելի էր հաշվի չառնել, քանի որ Թուրքիան պատերազմում էր նրանց դեմ:

Արտաքուստ կյանքն ընթանում էր նորմալ: Հայերին, ինչպես և թուրքերին, կանչեցին բանակ, իսկ ավելի տարիքավորներին՝ ռազմական ամբոթյուններ և ճանապարհներ կառուցելու համար: Կային գրեթե բացառապես հայերից կազմված զնդեր, որոնք լավ էին կոչում: 1914—1915 թթ. ձմռանը նրանք շրջապատումից ազատեցին գեներալիսիմոս Էնվեր փաշային, որը հատուկ հրամանով շնորհակալություն հայտնեց «մեր հավատարիմ հայ ժողովրդին»...

Այդ նույն ժամանակ տեղի էին ունենում կուսակցական դեկավարների գաղտնի գիտեր: Ստույգ հայտնի է համընդհանուր կոտորածի նախագիծը: Սակայն նույնիսկ այստեղ՝ կուսակցության գերագույն կոմիտեում, կային հակադրվողներ: Ահա 1914 թ. հոկտեմբերի 15-ի նիստի տղաքությունը.

Թալեաթ բեյ.— Մի խոսքով վախենում եմ, որ Գերմանիան, պատերազմում հաղթանակ տանելուց հետո, կապվի ամենից ավելի ամուր և ընդունակ հույն ու հայ տարրերի հետ:

Ջիա Գյոք-Ալի.— Հույները կասկածելի են: Վաղ թե ուշ ստիպված կլինենք պայքար մղել նրանց դեմ: Իսկ հայերի կոտորածը կվախեցնի նրանց: Հունաստանը չի համարձակվի նոր պատերազմ սկսել՝ վախենալով Թուրքիայում ապրող հույների համար:

Ջավիդ.— Գուցե դուք իրավացի եք, բայց ինչ կլինի, եթե այս պատերազմում պարտվենք: Ես լավ եմ ճանաչում հայերին: Բավարարելով նրանց հինգ պահանջներից միայն մեկը՝ կա-

րող ենք մեր կողմը գրավել նրանց: Պետության ապահովության համար կարելի է վերաբնակեցնել նրանց, բայց պետք չէ սպանել. չէ որ այդ ձևով կկորչեն նաև նրանք, որոնց հնարավոր է ստիպել իսլամություն ընդունել և հետո օգուտ քաղել նրանցից:

Ռուկ. Նազիմ.— Չարմանում եմ, որ ոմանք պաշտպանում են նրանց: Չէ որ նրանք խանգարում են մեզ կովկասյան ռազմաճակատում՝ անհնարին դարձնելով մեր մուսքը Ռուսաստան: Այնտեղի հայերը կամավոր են մտնում բանակը, իսկ մեզ մոտ դասալիք են լինում: Անհրաժեշտ է հիմնովին լուծել հայկական հարցը՝ բոլոր հայերին իսպառ բնաջնջելով: Կարծում եմ, որ արտահայտում եմ այստեղ եղողների ընդհանուր համոզմունքը՝ հաստատելով, որ միանգամից կլուծենք այս խնդիրը, հենց որ որոշումն ընդունվի:

Թալեաթ բեյ՝ ներքին գործերի մինիստր.— Իմ անձնական պատասխանատվությամբ հայերի դեմ կգործադրեմ այն ամենը, ինչ անհրաժեշտ համարեմ, քանի որ թեև առայժմ ցույց են տալիս, թե մեր կողմն են, բայց վաղը կարող են փոխել իրենց վերաբերմունքը:

Չայերի մեծամասնությամբ ընդունվեց հետևյալ բովանդակությամբ, որոշում՝ հայերի վերաբնակեցում կատարել, միաժամանակ ոչնչացնել նրանց անապատում:

Խնդրում եմ ուշք դարձնել Թալեաթ բեյի՝ իմ ընդգծած պատերին: Հայերը լույս էին տրամադրված թուրքական պետության նկատմամբ և իրենց վերաբերմունքով (չհաշված դասալիքության սակավաթիվ դեպքերը, որոնք պատահում էին ամեն տեղ) ռեպրեսիաների համար հոգեբանորեն պատճառաբանված ոչ մի առիթ չէին տալիս թուրքերին:

Համենայն դեպս այդ օրվանից սկսվեցին պլանավորված, Ֆանարակլիստ նախապատրաստությունները՝ մի ամբողջ ժողովուրդ սպանելու համար, օգտագործելով աշխատանքի կազմակերպության նորագույն մեթոդները: Պարզվում է, որ կազմակերպված ցեղասպանության հնարողները գերմանացիները չէին: Թուրքերը նրանցից առաջ էին անցել:

Մաստիկ ձմեռվանից հետո, երբ խրամատներում անշարժ վտած զինվորների ցրտահար մատները, ականջներն ու քրթերը ստիպված էին հեռացնել, վրա հասավ արտակարգ շոգ փարունը: Ամբողջ Թուրքահայաստանում, Կիլիկիայում և բուն

Անատոլիայում ցրված հազարավոր հայկական գյուղերը թաղված էին այգեստանների փարթամ ծաղկած ծառերի ծովի մեջ։ Երիտասարդները քիչ էին. նրանք կոչվում էին Թուրքիայի սուլթանի համար։ Բայց չնայած դրան՝ գյուղերը թնդում էին երազի պես գեղեցիկ աղջիկների անզուգական երգից ու խաղով տարված մանուկների աղմուկից։

Ապրիլի վերջերին շոգը գազաթթվապատ էր հասել։ Արևը կարող էր մարդ սպանել։

Եվ այդ ժամանակ սկսվեց այն, ինչ նախագծված էր։

Թուրքական պետության տարբեր մասերում տարբեր էր կտորածի ընթացքը։ Բուն Անատոլիայում, ուր թուրք բնակչությունը կազմված էր գյուղացիներից, որոնք բնավորության մեղմ էին և իրենց քրիստոնյա հարևանների նկատմամբ բարյացակամ, այդ սպանությանն արտաքուստ տրված էր օրինականության ձև։ Քաղաքներում ու գյուղերում միաժամանակ երևացին հայտարարություններ, որոնցով հայ բնակչությանը հրամայված էր որոշված օրը, որոշված ժամին հավաքվել հրապարակում կամ գյուղի կենտրոնում միայն ձեռքի բռնով՝ անբնականաբար տեղափոխվելու համար։ Մշակված հողը, տները ու այն ամենը, ինչ կար այնտեղ, պետք է մնային նոր բնակիչներին՝ մահմեդականներին։ Արգելված էր վերցնել որևէ փոխադրամիջոց։ Երթը պետք է լիներ հետիոտն։

Այդ ամենը հիշեցնում էր ավելի ուշ պատմության թատերաբեմ իջած գերմանական զավթիչների կատարարման ձեռքերը, երբ նրանք ոչնչացնում էին հրեա ժողովուրդին։

Նշված ժամին, նշված վայրերում հավաքվել էին սարսափահար կանայք ու մանուկներ, անչափահաս աղջիկներ, տղաներ ու ծերունիներ։ Ծաղկահասակ տղամարդիկ խիստ սակավաթիվ էին։

Հրապարակը նախօրոք շոջապատվում էր հրացաններով ու մտրակներով զինված ոստիկաններով։ Տեղացի թուրքերը սարսափով դիտում էին այդ տեսարանը իրենց տների ամուր փակված լուսամուտներից։ Նրանցից ոչ մեկը ոչ մի թշնաման չունեին հայերի դեմ։ Խղճում էին նրանց, որովհետև թուրք ժողովուրդը ըստ էության բարի է, ինչպես ռուս ժողովուրդը կամ հնդիկը։ Գուցե դրանք են աշխարհիս ամենալավ ժողովուրդները։ Եվ թուրքերի կողմից ուրիշ ժողովուրդների նկատմամբ ցուցաբերված դաժանությունները այս տեսակետից կրկնակի

այժեցուցիչ են, որովհետև հոգեբանորեն անբացատրելի են։ Այդ նույն բարի ու մեղմ թուրք գյուղացին հրեշ էր դառնում, հենց որ ստանում էր ենթասպայի կամ ոստիկանի պաշտոն։ Իսկ համալսարանական կրթություն ստացած թուրքերը սառնասրտորեն նախագծում էին մի ամբողջ ժողովուրդ բնաջնջելու պլանը։ Ըստ երևույթին հասարակական զարգացման և նոր կարգեր կրթելու համակարգը Թուրքիայում չար է իր հիմքում, որովհետև վարակված է ատելության թույնով։ «Արդարությունը պարտավոր են ամբացնել իմ թրի սայրին, քաղաքակրթությանը խիտել իմ ձիու պայտերին։ Ես պարտավոր եմ ոչնչացնել ամեն բան՝ չթողնելով քարը քարի վրա, ոչ էլ կանգնած ծառ և ոչ իսկ մի կանաչ տերև նրա վրա։ Իմ ետևից պարտավոր եմ թողնել այնպիսի ավերակներ, որ դրանք տեսնող ամեն ոք իրավունք ունենա ասելու. «Այստեղով թուրքն է անցել», — հայկական ջարդերի ճիշտ նախօրյակին գրում էր կրիտիկոսների կոմիտեի նիստի մասնակից Ջիա Գյոք-Ալիը, որի խոսքը մենք բերեցինք վերևում։

Ակամա անզուսպ ցանկություն ունեն պատասխանելու նրան հիսուն տարի հետո. «Տխմար մարդ, դրանով ուզում ես հարգանք ներշնչել մարդկությանը քո հանդեպ։ Քանզի ու ոչնչացնել ի վիճակի է ամեն մի անասուն մինչև որ նրան շլթալով կապեն և ամեն մի խելագար, մինչև որ զսպաշապիկ հագցնեն նրան։ Դրանից հետո թուրքը արդեն երբեք չի սպառնա աշխարհին։ Դուք, թուրքերդ, պետք է հաշտվեք աշխարհում նորմալ երկրորդական պետության դերը կատարելու հետ։ Եվ այդ նորմալ աշխարհում թուրքի անունը կարող է փայլատակել ավելի, քան մի անգամ, բայց ոչ կոտորածների կասկածալիցությամբ»։

Սակայն այդ անախտան մարդը այն տրամադրությունների հիանալի արտահայտիչն էր, որոնցով դաստիարակվում էր և շարունակում է դաստիարակվել թուրք երիտասարդությունը։ Այդ տխուր փաստի ապացույցները բերեցին ինձ իմ ծանոթները, որոնք Իզմիր քաղաքում էին հույների հայտնի կոտորածի տարեդարձի օրերին։ Այդ կոտորածը թուրքերը կատարել են իրենց վերջին պատերազմի ժամանակ՝ ջարդելով բուն Իզմիրում միայն 100 հազար հույն, հրեա և հրաշքով մինչև այդ կենդանի մնացած հայերին։

Ամեն տարի այդ արյունահեղ տարեդարձը հրճվանքով

ու հայարտությամբ են Աշուն տեղի համալսարանի ուսանողները, որոնք ենիչերիների զգեստով, յաթաղաններն աստաներին, մեծ խմբերով անցնում են փողոցներով՝ սպանելով կամ ծովը նետելով ճանապարհին պատահած հույներին ու հայերին: Եվրոպացիները այդ արյունահեղ դիմակահանդեսը տեսնելիս հիվանդանում են:

Անատոլիայի, Միջագետքի, Սիրիայի և Լիբանանի բոլոր մեծ ու փոքր քաղաքներից, ընդարձակ կայսրության բոլոր գյուղերից ու բնակավայրերից միևնույն ժամին շարժվեցին հայ ծնված լինելու համար մահվան դատապարտված մարդկանց շարասյունները՝ մեծ մասը աղջիկներ, կանայք ու երեխաներ:

Ասես ջեռուցվող վառարանի միջով գնում էին նրանք օրեր ու շաբաթներ, իսկ կայսրության արևմտյան սահմաններից՝ հույնիսկ ամիսներ, ուղղություն ունենալով սիրիական անապատը: Գնում էին առանց ուտելիքի, առանց ջրի, սոված ու ծարավ, մտրակների հարվածների ներքո... հաճախ սվինահար արվում: Իսկ նրանց երթի ամբողջ ընթացքում ետևից կրնկակոխ հետապնդում էին չեչենների ու տեղական տակաճների հրոսակախմբերը, կողոպտում ճանապարհին մնացածների զգեստների մնացորդները: Ուժասպառ ընկնողներն սպանվում էին հրացանների խզակոթով կամ տրորվում ձիերի ամբակների տակ: Այդպես էր արվում, որպեսզի ոչ ոք պատահաբար կենդանի չմնա ու չիախչի: Ամենագեղեցիկ աղջիկներին դուրս էին քաշում շարքերից, նրանց բռնաբարում էին ոստիկանները, հետո հանձնում չեչեններին: Եվ մնում էին նրանք ճանապարհորդին՝ փորը ճեղքված, կրծքերը կտրատված:

Քո դասերը կամ Աշանածիղ նայելիս, սիրելի ընթերցող, մտածիր, որ այն աղջիկներն էլ նրա պես գեղեցիկ էին, դեռատի ու կենսաթոթիո: Գուցե և իրենց բնավորությամբ մնան էին նրան: Եվ կհասկանաս, թե ինչու են ես այն ամենը հիշատակում, ինչ արեցին թուրքերը:

Անատոլոյի ամռան սուկայի շոգին հագիվ էին ոտքերը փոխում սովերների անվախճան շարանները: Մայրերը ջղաձգորեն իրենց ցամաքած կրծքերին էին սեղմում սառչող դիակներն իրենց մանկիկների, որոնց այլևս չէին կարող կերակրել: Երբեմն մի սրտացավ թուրք գյուղացի ճարակությամբ անցնելով ոստիկանական ձիերի արանքներով ու ժամանակին խու-

սափելով մտրակի հարվածներից՝ ջուր էր տալիս նրանց, եթե ոստիկանը ոտքի հարվածով չէր թափում նրա ամանը: Երթի ետևից ու կողքերից, փոշու ամպերի միջից, մերթ երևում, մերթ նորից անհետանում էին շարունակ հետամուտ չեչենների ուրվականները:

Քանի հոգու էին քշում այդպես, ստույգ չգիտեմ: Հավանաբար մոտ երկու միլիոն, քանի որ կայսրության արևելքում բուն Թուրքահայաստանում, այդ նույն օրերին կատարվում էր հայ բնակչության ամբողջական կոտորած՝ առանց գոնե արտաքուստ օրինականության որևէ ձև բանեցնելու: Այնտեղ քիչ էին թուրք գյուղացիները, մուսուլմանական տարրերը գլխավորապես քրդերն էին, որոնք թուրքական կառավարությունը շատ անգամ էր օգտագործել հայերին կոտորելու համար: Այս անգամ ևս քրդական ցեղերի մեծ մասը համաձայնեց օգտագործվել որպես ոճրագործության գործիք: Քրդերի հրոսակները սովորաբար գործում էին թուրք սպաների գլխավորությամբ և հրամանատարությամբ: Բացի դրանից, քրդերին օգնության էր ուղարկված հետևակ գործի երկու զորամաս և որոշ թվով թնդանոթներ:

Այդտեղ կոտորածի ընթացքը հետևյալն էր. լուսաբացից առաջ քաղաքը կամ գյուղը շրջապատում էին այնպես, որ ոչ ոք չկարողանա փախչել: Մոտակա բարձունքների վրա տեղադրում էին թնդանոթներ: Նախ թնդանոթներով հրակոծում էին փողոցներն ու տները, որից հետո հրոսակախմբերը խուժում էին բնակավայրերը և մեծ մասամբ դաշույններով լիովին շարդում հայ բնակիչներին: Այնուհետև խուժանը կողոպտում էր բոլոր տները, հետո միայն շարժվում առաջ՝ ճանապարհին մարդասպանների ավելի փոքրաթիվ խմբեր ուղարկելու հայկական մանր գյուղերը՝ բնակչությանը բնաջնջելու համար:

Ստույգ լինելու համար պետք է նկատեն, որ ոչ բոլոր քրդերն էին մասնակցում այդ կոտորածներին: Հայերի նկատմամբ բարյացակամորեն տրամադրված որոշ ցեղեր ոչ միայն հրաժարվում էին նրանց վրա կամ, որ ճիշտ է, հազվադեպ էր պատահում, կրակ էին բացում հայերի դեմ ուղարկված զինվորների շարասյունների վրա:

Հայերն իրենք էլ էին պաշտպանվում: Որոշ փոքր քաղաքներում կազմակերպվում էր ուժեղ դիմադրություն, որին եր-

բեմն մասնակցում էին տեղացի թուրքերը: Լեռներում կազմվեցին հայ պարտիզանների խմբեր: Այնտեղ ապաստան էր գտել նաև կանանց ու երեխաների մի մասը: Թուրքերը կատաղի կոիվներ մղելով՝ մեծ դժվարությամբ էին կարողանում սար սարի ետևից գրավել՝ գործադրելով հրետանին ու հետևակ զորքը: Այս դիմադրության մի քանի կետերից մի քանիսը փրկվեցին վրա հասած ռուսական, ֆրանսիական կամ անգլիական զորամասերի շնորհիվ: Այդպես դիմադրած ու փրկված կետերից մեկի պատմությունը նկարագրել է ավստրիացի գրող Ֆրանց Վերֆելը իր «Մուսա լեռան քառասուն օրը» գրքում: Երկու պատերազմների միջև ընկած ժամանակաշրջանում ամերիկացիները կինոֆիլմ պատրաստեցին ըստ այդ վեպի, բայց թուրքերը գնեցին այն և անմիջապես ոչնչացրին: (Լսել էմ. որ նորից են նկարահանում այդ ֆիլմը. գուցե և արդեն պատրաստ է):

Կոտորածներին կողմնակից չէին ոչ միայն թուրք գյուղացիները (իհարկե ոչ բոլորը, որովհետև այստեղ էլ կային տխուր բացառություններ), այլև երիտթուրքերի վայրի շովինիզմից վախեցած հին ազնվականությունը, ինչպես նաև մուսուլման հոգևորականության նշանակալի մասը, դրաց հեթանոս կուսակրոն դերվիշները: Սակայն այդ կոտորածներին դեմ լինելը երբեք չի ընդունել գործնական հակադրության ձև: Ժառջատ թաքցնում էին առանձին հայերի կամ ուտելիք էին հասցնում նրանց: Պատահել են նաև դեպքեր, երբ թուրքական բարեգործական կազմակերպությունները սննդամթերք են հասցրել հայկական դիմադրության կետերին: Այդ ժամանակի թուրքերի արարքները առակի կարգ էին անցել ոչ միայն ծայրահեղ ստորություններով, այլև սրտահույզ մեծահոգությամբ ու բարությամբ: Բայց, ախոս, որ բարի կամքի մարդիկ դժբախտաբար չէին կարող ազդել իրադարձությունների ընթացքի վրա:

Կոտորածից զերծ չմնացին նաև պոլսահայերը, այդ թվում նաև հայ գրողների, նկարիչների ու երաժիշտների այն պանծալի աստղաբույլը, որը փառաբանեց սուլթանական Թուրքիայի անունը ամբողջ աշխարհում: **Նրանցից ոչ մեկը կենդանի չմնաց:** Տեղահան արվեցին հայկական որբանոցները, նույնիսկ մանկամտորները՝ ամբողջ սպասարկող անձնակազմի հետ միասին, հայկական հիվանդանոցները՝ առանց խնայելու

մահամերձներին, ծերանոցները: Բոլորին էլ քշում էին նույն ուղղությամբ՝ դեպի սիրիական անապատը: Ով ուժ չունեի հասնելու, սպանվում էր ճանապարհին: Հանճարեղ հայ կոմպոզիտոր և ժողովրդական երգեր հավաքող Կոմիտասը տեսնելով իր շուրջը կատարվածը՝ խելագարվեց... և սկսեց երգել: Խելագարի անձնաման ձայնը գրավեց մոտով անցնող դեսպանի ուշադրությունը և նա հիվանդին խլեց դահիճների ձեռքից: Դժբախտը ապրեց ևս 20 տարի, բայց որպես խելագար: Նա մահացավ 1935 թ. Փարիզի հոգեբուժական հիվանդանոցներից մեկում: Հետևաբար այս տարի նշում ենք նաև նրա ողբերգական մահվան հոբելյանը:

Իսկ անմեղ դատապարտվածների խառնիխուռն բազմությունները շարունակ գնում էին, գնում... Եվ ահա մի օր էլ անջատեցին նրանցից չափահաս տղամարդկանց և անչափահաս, բայց արդեն բավական մեծ տղաներին, իսկ կանանց ու երեխաներին քեցեցին առաջ՝ մինչև Դեր-Չորի ու Մեսքենեի միջև գտնվող զարհուրելի ճամբարները: Այդ տղամարդկանցից կազմեցին «աշխատանքային ջոկատներ» ռազմական ճամբարներ կառուցելու համար: Հետո էլ ճանապարհի որոշված հատվածը կառուցելուց հետո մեկիկ մեկիկ ոչնչացնում էին այդ ջոկատները:

Նույն բախտին արժանացան թուրքական բանակի հայ զինվորները, որոնք այնպես հերոսաբար փրկեցին Էնվեր փաշային: Առանձին հայկական զնդեր նախօրոք զինաթափում էին, հետո քշում ճանապարհներ կառուցելու և աշխատանքն առաջ գնալու հետ մաս-մաս գնդակահարում էին:

Չնայած անլուր դժվարություններին ու տառապանքներին՝ կանանց մի մասը հասավ ճամբարները, ուր և մնաց մինչև շոգից, սովից ու ծարավից մեռնելը: Նրանց համար բարաքներ էին կառուցել չոր անապատում:

Այն ժամանակ, երբ սպան, որի մասին խոսում է Վերֆելը, մուսուլման հոգևորականների ժողովում պատմում է, թե ինչպես կմախքացած հայ կանայք իր ձիու թրիքից հանում էին զարու չմարսված հատիկներն ու ուտում, այդ նույն ժամանակ Թալեսթ քելը պառլամենտում ասում էր իր հետևյալ կայեճական խոսքը, որ ընդմիջտ կմնա պատմության մեջ:

Սակայն դեռ հայեր կային վերոհիշյալ դիմադրական կետերում և ռուսական ռազմաճակատից այն կողմ: Իսկ այդ

նազմանակատը առաջացավ դեպի Թուրքահայաստանի խորքը: Բայց ռուսական հեղափոխության ժամանակ այդ ճակատը ճեղքվեց և թուրքերը ներխուժեցին Ռուսահայաստանի խորքը և Ադրբեջան՝ անխնա կոտորելով հայ բնակչությանը, իսկ լեռնային գետեր անցնելիս հայերի դիակները նետում էին թընդանոթների անհիվների տակ, ինչպես գրում է լեհ գրող Ստեֆան Ժերոմսկին: Նորի փաշայի երեք դիվիզիայից կազմված բանակը առաջանում էր Բաքվի ու Աստիթիների ուղղությամբ, ուր գտնվում էր հայկական ամենամեծ բանակներից մեկը:

Այստեղ խոսքը տալիս եմ կատարյալ թուրքամուլ Ստեֆան Ժերոմսկուն, որին ոչ մի դեպքում չի կարելի կասկածել, թե համակրում է հայերին: Ահա Բաքվի պատկերը՝ քաղաքը թուրքերի կողմից նվաճելուց հետո ըստ Ժերոմսկու. «Առանց չափազանցության և որևէ փոխաբերության պետք է ասել, որ արյունը հոսում էր ոչ միայն առուններով, այլև գետնի երեսին. ասես բազմաճյուղ մի գետ հոսում էր դեպի ծով ու ներկում ջինջ ալիքները: Մորթոսված հայերի դիակները նետում էին ծով. բեռնատար մեքենաներն ու սայլերը դիակները հասցնում էին ծովափ: Կասպից ծովի հեռավոր ափերից այդտեղ էին շտապում հեշտ սնունդ ճարելու հոտն առած ձկները: Իսկ ծովը չէր ուզում ընդունել ու պահել մարդկային զոհերը: Ջինջ ալիքները իրենց անդադար ծփանքով դիակները նորից ու նորից ափ էին շարտում: Հարկ եղավ թաղել դրանք հողի մեջ՝ վարակից խուսափելու համար... Ցեզարի Բարիկային (վեպի հերոսին) և ուրիշներին քջել էին անհաշիվ դիակները թաղելու համար...»

Երկու եզ լծած հսկայական սայլը դանդաղ քարձրանում էր բլուրն ի վեր հարյուրավոր այլ սայլերի ետևից՝ գնալով հեռու, Բաքվի արվարձաններից էլ հեռու... Սայլերը լի էին սպանվածների դիակներով: Սայլերի շարանների կողքով դանդաղ քայլում էր մի թուրք զինվոր՝ հրացանն ուսին, կարգ պահպանելով այդ մի քանի տասնյակ հազար մարդկանց թաղման թափուրում...

Օրեր շարունակ Բարիկան ստիպված էր կատարել սայլապանի ու գերեզմանափորի պարտականությունը: Դիակները չոր խոտի կամ գոմաղբի նման երկաթե եղանակներով շարտում

էր նա խոր սայլերի մեջ... միայն թե ջանում էր չնայել... չտեսնել...

... Եվ սակայն մի օր էլ, որի մասին այժմ խոսելու եմք, երիտասարդ սայլապանը չկարողացավ չնայել մի դիակի: Սայլի խորքից կարծես տղամարդկանց անհամեստ դիակներից սեղմված՝ երևում էր մի դեռատի կնոջ դիակ, որ բեռնված սայլի բարձունքից կախվել էր ձախ անիվի վրա: Թվում էր, թե աղջկավարի, ինչպես կյանքում է լինում, նա աշխատում էր դուրս պրծնել օտար մարմինների մոտիկությունից կամ գուցե նրանց գրկից: Փարթամ, սև վարսերը հասնելով գետնին՝ քալում էին ճանապարհի արյունոտ փոշուն: Աջ ձեռքը հեռված էր ձախ անիվին և գերլարվածությունից ուժասպառ՝ հասել էր անիվի խիտ ճաղերին... Թվում էր, թե հանգուցյալ մատներով խաղացնում է ոչ թե անիվի ճաղերը, այլ մի անհայտ նվագարանի նուրբ լարերը... Նրա մարմինը, այտերը, կզակը, շրթունքներն ու վիզը ներդաշնակության հրաշալիք էին: Փոքրիկ բերանը բաց էր, իսկ լեզուն սարսափելի ճիշի քարացած պատկերն էր կարծես... ու թվում էր, թե այդ ճիշը շարունակվում է դեռ թոչել այդ բերանից... թեև այլևս լսելի չէր: Անեծքի նույն ճիշը կարծես պարունակում էին և բաց պարանոցը, և փոքր, աղջկականորեն նրբակերտ մերկ կրծքերը: Ասես ճշում էր ամբողջ մարմինը. «Ինչո՞ւ համար նահատակեցիք ինձ, ստոր մարդիկ»:

— Զգիտե՛մ,— տնքաց սայլապանը: Դպրոցում սովորեցնում էին անունները այն բռնակալների, որոնք իրենց արարքներով խաչատակեցին մարդկային բնությունը և որոնց անցնելու տեղում խոտն անգամ չէր բուսնում: Բայց եղել է արդյոք երբևէ ավելի ստոր մի սերունդ, քան իմն ու քոնն է, նահատակ աղջիկ: Եղե՛լ է արդյոք երբևէ, որ չորս օրվա մեջ ոչնչացվի յոթանասուն հազար մարդ: Աշխարհը երբևէ տեսե՛լ է արդյոք գետնի վրա դիզված սպանված մարդկանց այսպիսի կույտեր:

«Մի մոռացիր, երիտասարդ կառասպան, իմ վիրավորանքը, իմ դժբախտությունը: Լավ դիտիր մարդկանց ոճրագործությունը: Զգուշացիր, հիշիր»:

Բայց չէ որ Բաքվի կոտորածը, որ այնպես ցնցեց հայերի նկատմամբ անբարյացակամորեն տրամադրված Ժերոմսկուն, որը 75 հազար մարդկային էակներ լափեց, հայ պատմիչները

համարում են լոկ մի փոքր միջադեպ մարդկային պատկերացման սահմանները գերազանցող հայոց ողբերգության ընդհանուր ֆոնի վրա:

1918 թ. հոկտեմբերի 30-ին Մուրթում (Էգեյան ծովի Լեմպոս կղզի) Թուրքիան անձնատուր եղավ: Արաբական երկրների տերիտորիայի վրա ուրվագծվեցին նոր պետություններ և ապագա մանդատային երկրներ, որոնք հետո բաժանվեցին Ֆրանսիայի ու Մեծ Բրիտանիայի միջև: Պատմական Հայաստանի տերիտորիայի վրա սկսեց ստեղծվել անկախ հայկական պետություն, որն ուժեղ հովանավորներ գտավ հանձինս ԱՄՆ-ի պրեզիդենտ Վուդրո Վիլսոնի և Ֆրանսիայի բարձրաստիճան պետական գործիչ Ժորժ Կլեմանսոյի:

1920 թ. օգոստոսի 10-ի ստորագրված Սերի պայմանագրով, որի տակ իրենց ստորագրություններն են դրել Անգլիան, Ֆրանսիան, Ճապոնիան և Իտալիան, իսկ մանր պետություններից՝ Հայաստանը, Բելգիան, Չեխոսլովակիան, Հունաստանը, Հիջազը, Հարավսլավիան, Լեհաստանը, Պորտուգալիան և Ռումինիան մի կողմից, մյուս կողմից էլ՝ սուլթանական Թուրքիան, Հայաստանին հատկացվեց մի ընդարձակ տերիտորիա՝ պատմական Հայաստանի գրեթե ամբողջ հողերը, որը փոքրաթիվ, այնքան սոսկալիորեն արյունաքամ եղած ժողովուրդը ի վիճակի չէր ոչ իրացնելու, ոչ էլ պաշտպանելու: Դա միևնույն էր, թե մատն անգամ շարժել չկարողացող մահամերձին մեկը նվիրի մեկ միլիոնանոց բանկային չեկ: Բախտի մի չար հեգնանքով թուրքերը պարզևտրվեցին ազգասպանության համար, իսկ հայերը պատժվեցին կոտորված լինելու համար:

Սերի դաշնագիրը մնաց թղթի վրա: Փաստորեն Հայաստանը չտիրեց իրեն հատկացված ընդարձակ հողերին: 1920 թ. Կլեմանսոն հեռացավ քաղաքական ասպարեզից, իսկ ԱՄՆ-ի կոնգրեսը, որ երբեք չէր լսել Հայաստանի անունը, չհաստատեց այդ պետությունը վերածնելու համար իրենց պրեզիդենտի կազմած նախագիծը և նույնիսկ չճանաչեց Հայաստանը որպես պետություն: Ֆրանսիան այն դարձրեց հեղափոխական Ռուսաստանի դեմ ուղղված իր հարձակումների ելակետ, դադարեց հետաքրքրվել նոր պետությամբ, հենց որ քաղաքացիական պատերազմի ճակատը Ռուսաստանում շարժվեց դեպի հյուսիս: Ու դարձյալ մի բուռ հայեր կանգնեցին արևմուտքից եկող կատաղած թուրքերի ու արևելքից շարժվող նրանց

մուսուլման դաշնակից ադրբեջանցիների դեմ առ դեմ: Մոտենում էր հայկական անկախ պետության կարճատև պատմության վերջին գործողությունը, երբ կարմիր զորքերը գրավեցին Բաքուն և ամբողջ Ադրբեջանը, իսկ թուրքերը Սերի դաշնագրից հրաժարվելով՝ գրավեցին Թուրքահայաստանի բոլոր հողերը՝ սպառնալով նույնիսկ Ռուսաստանի, Ղարսի ու Արդահանի մարզերին: Այդ ժամանակ Թուրքիայում տեղի էր ունենում Էնմալ փաշայի «ժողովրդական հեղափոխությունը» և թուրքական նոր կառավարությունը շահագրգռված էր Ռուսական ֆեդերացիայի հետ բարեկամություն հաստատելով, որովհետև օգնություն էր սպասում այնտեղից, իբր թե միջազգային իմպերիալիզմի ու համաշխարհային կապիտալիզմի դեմ պայքարելու համար, ինչպես հեղինակավորապես հավատացնում էր:

Ստանալով այդ օգնությունը՝ Թուրքիան նորից հարձակվեց Հայաստանի վրա... որովհետև, թուրքերի կարծիքով, այդ անկախ Հայաստանը որպես համաշխարհային իմպերիալիզմի ամբողջ և միաժամանակ ամբողջ աշխարհի հակահեղափոխության բույն, իբր թե պիտի խանգարեր հեղափոխության տարածումը Արևելքում և Արևմուտքում: Հայկական պետության ոչնչացումը Երևանում, ըստ թուրքերի, պետք է ապահովեր համաշխարհային հեղափոխության հաղթանակը կապիտալիզմի նկատմամբ: Եվ... գրոհն սկսվեց:

Ուժ չունենալով դիմադրելու Կարա-Բեքիր փաշայի «հեղափոխական բանակի» (թուրքական) հարվածներին և 11-րդ կարմիր բանակի (ռուսական) վերջնագրերին՝ միջազգային իմպերիալիզմի խեղճ «ամբողջ» մանրադիտակային Հայաստանը անձնատուր եղավ, իսկ համաշխարհային իմպերիալիզմի զբլիսից մազ անգամ չընկավ:

Ծիշտ է, խորհրդային իշխանության շնորհիվ, հայ ժողովրդի բախտից, Հայաստանի մի փոքրիկ մասը փրկվեց ազգասպանությունից: Բայց Խորհրդային Ռուսաստանը անհասկանալի առատաձեռնության պոթոթյունի պահին միանգամից իր նոր դաշնակից Թուրքիային նվիրեց Ռուսահայաստանի կենտրոնը՝ թուրքերի կողմից նոր գրավված Ղարսի ու Արդահանի մարզերը՝ Արարատ լեռան հետ միասին, որը պատմության մեջ երբեք թուրքերին չի պատկանել: Այսպիսով դրանից հետո, Սուրբ լեռը, որը պատկերված է Խորհրդային Հայաստանի

գերքի վրա, և երևում է մանրադիտակային հանրապետության ամեն մի անկյունից, գտնվում է նրա սահմաններից դուրս:

Զարհուրելի վեցամյակից հետո (1915—1921) հայ ժողովուրդը 5 միլիոնից հասել է 2 միլիոնի, իսկ իրենց ձեռքը մնացած փոքրիկ, անբերրի ու լեռնային հողապատառը, որի տարածությունը Բելգիայից էլ փոքր է, ի վիճակի չէ տեղ տալու մեծ ժողովրդի հրաշքով ողջ մնացածներին: Այսօր աշխարհում կա 4 միլիոնից ավելի հայ: Եթե չլիներ 1915 թ. մեծ եղեռնը և դրան նախորդող մյուս ջարդերը, ապա հիմա ավելի քան 10 միլիոն հայ կլիներ: Չէ որ թուրքերը ոչ միայն 3 միլիոն կենդանի հայ սպանեցին, այլև նրանց հետ միասին տակավին սաղմնավորվելուց առաջ չձնվաց 6 միլիոնի կյանքը:

Հայկական հարցը ահա 50 տարի է մոռացության է տրված:

ԵՐՐՈՐԳ ԿԱՄԱԿ ԻՄ ԱՆԾԱՆՈՒ ԸՆԹԵՐՑՈՂԻՆ՝

(որի մեջ էտաֆետը հանձնում են նրա ձեռքը)

Իմ երկու նախորդ նամակներում պատմեցի քեզ այն մասին, թե մարդիկ ինչ չարիքներ կարող են հասցնել ուրիշ մարդկանց կամ ուժեղ ժողովուրդը՝ ավելի թույլ ժողովրդին: Հիմա կասեմ, թե ինչի համար և ինչ նպատակով են գրում քեզ այս նամակները և ինչ են սպասում քեզնից:

Եթե հավերժությամբ կարդացիր առաջին երկու նամակներս՝ սկզբից մինչև վերջ, ուրեմն դրանով իսկ արդեն մի բան արեցիր հայկական հարցի համար, որովհետև դրանով ճանաչեցիր այն ու կյանքի տարբեր պարագաներում վկայելու ես ճշմարտության օգտին:

Իսկ եթե այդ նամակներս կարդալուց-վերջացնելուց հետո մտածեցիր. «Այդպիսի բաները մոռանալ չի կարելի» և ուրիշներին տվեցիր կարդալու, ուրեմն արդեն շատ բան ես արել: Կամ գուցե կարդալուց հետո ամոթի զգացում ապրեցիր՝ մարդ լինելուցդ ամաչեցիր, քանի որ նախ և առաջ քեզ են ուղղված այդ նամակները: Դա զարմանալի չէ և ոչ էլ պատահական, քանի որ 50 տարի հետո հայկական հարցը դադարել է սո-

վորական քաղաքական հարց լինելուց և վերաճել է մեր բաշտակյան դարի առաջնակարգ մի խնդրի:

Եվ այդ բնորոշման մեջ է թաքնված հակիրճ պատասխանը բոլոր նրանց, ովքեր ինձ կատարկեն, թե հայերը իրենք պետք է փոխհատուցում պահանջեն իրենց կրած վիրավորանքների համար և իրենք պայքարեն իրենց հայրենիքի անկախության համար: Վիրավորանքներ են լինում, որոնց համար տուժած կողմը ինքը դիմում է դատարան և հասնում արդարության: Բայց կան նաև այնպիսի ոճրագործություններ, մեծ մասամբ մարդասպանություններ, որոնց արդար փոխհատուցման համար աշխատում է սպանվածին ու նրա ընտանիքին բոլորովին օտար մարդը՝ դատասխազը: Նա հանդես է գալիս որպես ոտնատակ արված բարոյական օրենքի պաշտպան: Դրանք այսպես կոչված հասարակական մեղադրանքի հարցեր են:

Եթե մի մարդու տանջամահ անելու համար գոյություն ունի հասարակական մեղադրանքի արդար իրավունք, ապա ինչու այդ իրավունքը մերժվում է ամբողջ նահատակված ժողովրդի՝ հրաշքով կենդանի մնացածների ժառանգներին:

Ոտնատակ արված բարոյական օրենքների դատապաշտպանն ենք մենք, ու կլինենք այնքան ժամանակ, մինչև որ թուրքական կառավարությունը չփոխհատուցի հայերին 50 տարի առաջ կատարված ժողովրդասպանության համար, այսինքն տիեզերային մասշտաբով ոճրագործության համար, կամ մինչև որ դատապարտվի հատկապես դրա համար ստեղծված միջազգային դատարանի կողմից: Իսկ այն փաստը, որ մենք հայ չենք, թույլ է տալիս մեզ դատապարտել առանց կողմնապահության՝ մեղքի ու վիրավորանքի կշեռքի ստույգ ցուցումների հիման վրա:

Իրավունք չունեն հուշելու քեզ, հարգելի ընթերցողս, որևէ կոնկրետ անելիք: Հավանական է, որ դու ավելի մեծ նախաձեռնությամբ ես օժտված, քան ես, և անպայման ունես ավելի բարենպաստ օբյեկտիվ պայմաններ:

Իսկ եթե դու քահանա ես կամ հոգևոր առաջնորդ, ապա պատմիր գոնե քո հավատացյալներին այդ ցավոտ հարցի մասին, որը խայտառակեց մեր հայրերի սերունդը ու ամենավեճ խնդիր է դարձել մեր սերնդի համար: Ու սովորեցրու նրանց

* Տե՛ս «Կարություն» թերթի 1990 թ. ապրիլի 20-ի և 24-ի համարները:

այս պարզ աղոթքը, որը պարունակում է իր մեջ հայկական հարցի իրական բովանդակությունը իր ամբողջությամբ.

«Ով Տեր Աստված, ողորմածությունդ ցույց տուր Արևմուտքի Հայաստանի տարաբախտ ժողովրդին, որպես պարզև նրա կրած անչափ չարչարանքների համար և թույլ տուր, որ նրա հաջորդ սերունդները խաղաղ ու ապահով ապրեն և աշխատեն իրենց հայրենի հողում»:

Այս աղոթքը ես ժամանակին ուղարկեցի Ամերիկա 900 00 մատչաններին... (անընթեռնելի)..., բայց գուցե չեն ստացել, քանի որ պատասխան չստացա նրանցից:

Եթե ուսուցիչ ես դու, սիրելի ընթերցող, պատմիր գոնե մանուկներին այդ հարցի մասին, պատմիր անմահ գեղեցկությանը ծաղկող երկրի մասին, որը հետո վերածվեց անխացած ավերակների, պատմիր հնագույն հոյակապ քաղաքների մասին, որոնք մշակույթի մեծ կենտրոններ են եղել, իսկ այսօր հիշեցնում են պղծված գերեզմանոցներ. պատմիր գեղեցիկ և իմաստուն ժողովրդի մասին, որն այդքան շատ բան է տվել մարդկությանը, պատմիր, որ այսօր ապրող սերնդի աչքի առաջ նրանից բարբարոսաբար խլեցին իրենց հայրենի հողը 3 միլիոն մարդկանց կյանքի հետ միասին. խլեցին նրա համար միայն, որ դարձնեն ավերակ, աղբանոց, անապատ:

Եթե կին ես, ապա ինքդ գիտես, թե ինչ կարող ես անել. ու կկարողանաս անհամեմատ ավելի շատ, քան մենք՝ տղամարդիկ:

Եթե գրող ես կամ հրապարակախոս, արա այն, ինչ որ ես եմ անում, միայն թե արա շատ ավելի, շատ ու շատ ավելի լավ, քան ես եմ անում:

Իսկ եթե հասարակական գործիչ ես, հիմնիր հայ ժողովրդի բարեկամների տեղական ընկերություն, որովհետև այդպիսի ընկերության հնարավորության սահմանները շատ մեծ են՝ անկախ նրանից, թե որտեղ է գտնվում նա: Պատմությանը հայտնի են դեպքեր, երբ փոքրիկ քաղաքը դառնում էր մեծ իրադարձությունների կենտրոն, այնպիսի իրադարձությունների, որոնք խորը հետք են թողել պատմական նշանակություն ունեցող շատ հարցերի բախտի վրա: Քո կուսակցության միջոցով կամ քո ընտրական տեղամասի պատգամավորների միջոցով, պատմության մեջ ամենամեծ ոճիրներից մեկի 50-ամյա հոբելյանը անպայման պետք է օրակարգի քննարկման հարց

դառնա քո բարձրագույն ներկայացուցիչների ժողովում լինի դա համայնքների պալատ, կոնգրես թե պառլամենտ:

Աշխատիր, որ կինոնկարը ըստ Ֆրանց Վերֆելի «Մուսսոլինի 40 օրը» գրքի, անպայման ցուցադրվի քո տրամադրության տակ եղող կինոթատրոններում, հեռուստացույցով: Ձեռնարկիր այս իմ նամակների տպագրությունը քո տպարաններում ու ֆիլմի և այս նամակներին հիման վրա կազմակերպիր հարցաթերթեր հետևյալ թեմայով.— Արևմտյան Հայաստանը պետք է անկախ դառնա և ինչ պետք է անել այդ ուղղությամբ: Մի խոսքով, ինքդ ավելի լավ գիտես, թե ինչ ճանապարհներով ամենից ավելի հեշտ ու արդյունավետ կարելի է հասնել քո նահանգի, դեպարտամենտի կամ ամբողջ երկրի հասարակական պայծառ կարծիքին՝ հաշվի առնելով պրոֆեսիոնալ, կուսակցական և կանանց կազմակերպությունները: Անհրաժեշտության դեպքում անձամբ դիմիր ամեն տեղ, ուր որ հարկավոր է, ընդհուպ մինչև երկրի պետության ամենաբարձր օրգանները:

Հիշիր, որ նախ և առաջ ինչ գնով էլ լինի անհրաժեշտ է խախտել կարծես պայմանավորված լուծությունը հայկական հարցի շուրջը, անհրաժեշտ է նորից տեղից շարժել այն, գոնե մի քիչ, գոնե մի քանի սանտիմետր: Այսօրվա հանգամանքներն ու ժամանակները նպաստում են լավաների գոյացմանը, իսկ լավայի առաջացումը միշտ էլ սկսվում է այդպիսի գրեթե աննկատելի տեղաշարժերից: Այսօր աշխարհի բարի կամքի տեր բոլոր մարդկանց սրբազան պարտքն է ինչ գնով էլ լինի, թույլ չտալ, որ նորից մոռացության մատնվի հայկական հարցը, և աշխատել ավելի ակտիվ դարձնելու այն թե նրա բարեկամների և թե թշնամիների գիտակցության մեջ:

Եթե կարողանաս հուզել հասարակական կարծիքը քո տերիտորիայում, դա չի վրիպի կենտրոնական կառավարության ուշադրությունից և նա առնվազն գաղտնի կզգուշացնի Թուրքիայի դեսպանին, որ հասարակությունն անհանգստացած է նրանով, որ Թուրքիան 1915 թ. ամենաողբերգական իրադարձությունների 50-րդ տարեդարձին, ոչ մի քայլ չի անում հայերի հետ հաշտվելու ուղղությամբ և միաժամանակ համաշխարհային մասշտաբով հասարակական կարծիքը հանգրստացնելու համար:

Չարհամարհես բողոքի ձևերից ոչ մեկը: Քո կառավարու-

թյան ամեն մի, նույնիսկ ամենաքաղաքավարի միջամտություն, կատիպի թուրքիային որոշակի, թեկուզ և խուսափողական դիրք բռնել:

Զգիտեմ, թե արևմտաեվրոպական լեզուներով թարգմանվելուց հետո ինչ լեզվով և որ երկրում ամենից առաջ լույս կտեսնեն իմ այս նամակները: Այս իմ «Ծանապարհորդությունը անհայտի մեջ» (թե՛ դեպի անհայտը— Մ. Գ.) մեծ ինտելեկտուալ արկածի հմայքն ունի ինձ համար, բայց միաժամանակ գրկում է հնարավորությունից խուսելու և գրելու սվյալ կոնկրետ երկրի կոնկրետ լեզվով: Կանխատեսում եմ սակայն, որ դա կլինի Արևմտյան աշխարհի մեծ և հարգելի տերություններից մեկը, որն այս կամ այն կերպ թուրքիային դաշնակից է: Գուցե կասկածելի թվա, թե արդյոք այդպիսով մի տերություն կկամենա՞ թեկուզ ամենագաղտնի ձևով իր դաշնակցին հիշեցնել նրա կողմից այդպես սոսկալի վիրավորված ժողովրդի իրավունքի մասին:

Այս հարցը պահանջում է մանրակրկիտ և խորաթափանց բացատրություն: Այս նամակներս հայկական հարցի շուրջը տպագրված իմ առաջին գործերը չեն: Դրանց նախորդել են երկու հոդված: Դրանցից մեկը «Նամակ իմ հին թուրք ծանոթին» 1961 թ. աշնանը լույս է տեսել լեհական պարբերական մամուլում, իսկ հետո թարգմանվել է հայերեն ու անգլերեն: Մյուսը՝ հենց նոր գրված «Բաց նամակ Ու Տանին» հոդվածն է, որի մեջ Ու Տանին ներկայացնում եմ հայկական հարցի լուծման կոնկրետ նախագիծը, որի մասին մանրամասն խոսելու եմ ուրիշ տեղ, իսկ այժմ վերադառնում եմ «Նամակ իմ հին թուրք ծանոթին» հոդվածին:

Այդ հոդվածում առաջարկում եմ թուրքերին, որ իրենք չինեն իրենց դատավորը, այսինքն իրենք գնահատեն իրենց հայրերի կողմից կատարված ժողովրդասպանության ամբողջ զարհուրանքը և տղամարդուն վայել ձևով դրանից հանեն համապատասխան եզրակացություններ: Ըստ որում, ենթադրում էի, թե իրենք կգտնեն անգե՞ն ժողովրդի 60 տոկոսի սպանության համար փոխհատուցման համապատասխան ձևեր. ըստ որում այդ խայտառակության բիծը մաքրելու նախաձեռնությունը պետք է, իմ կարծիքով, պատկաներ հենց իրենց՝ թուրքերին՝ առանց համաշխարհային հասարակական կարծիքի ճնշման:

Վերոհիշյալ նամակս լի էր հավատքով թուրք ժողովրդի

պատվի ու ազնվության նկատմամբ: Բայց ինչ օգուտ, քանի որ մինչև օրս այդ նամակիս չպատասխանեց ոչ մի թուրք: Սակայն գուցե ուստիկանական խոչընդոտների պատճառով այդ նամակը չի հասել թուրքիայի լայն հասարակությանը: Ավաղ, այլ ճանապարհներով նրան հասցնելու հնարավորություն չունեն:

Համենայն դեպս, այդ նամակիս նպատակն էր հիմնավորել այն տեսակետը, թե այսօրվա թուրքական Հայաստանի գոնե մեկ մասի ժողովրդական ազատագրումը պատմական անհրաժեշտություն է, որը թուրքիան ներկա իրադրության մեջ չի կարող անտեսել, քանի որ դա մեր աչքի առաջ ամբողջ աշխարհում տեղի ունեցող ապագադրությամբ օջախներից է (մեջբերում «Իմ հին թուրք ծանոթին» նամակից՝ անգլերեն— Մ. Գ.):

Ինչպես վերոհիշյալից երևում է, թուրքական Հայաստանի գեթ աննշան մասի ազատագրման համար պայքարը բնավ չի հանդիսանում թուրք ժողովրդի կամ թուրք կառավարության դեմ ուղղված որևէ թշնամանք: Դա ուղղակի պատմական արդարության պահանջ է: Ըստ որում, այստեղ կշեռքի երկու նծարների վրա դրվում են միանգամայն անհամեմատելի արժեքներ. հայերի համար դա կյանքի խնդիր է, թուրքերի համար՝ միայն մի փոքր կտոր գրեթե անմարդաբնակ ու վատ յուրացված հողի կորուստ, որի ընդհանուր մակերեսը, ըստ Ու Տանին ներկայացված իմ նախագծի, չի գերազանցում 50 հազ. քառ. կմ.: Ըստ որում, վերականգնված նոր Արևմտյան Հայաստանի սահմանները կանցնեին այնպես, որ թուրքիային հնարավորություն կտրվեր առաջվա պես հասնել Վանա լճին և ընդհանուր սահման ունենալ Իրանի և նույնիսկ Խորհրդային Միության հետ, թուրքական տերիտորիայի վրա թողնելով Էրզրումը և երկաթուղային հանգույց Պասինկերը:

Հայերը այնքան քիչ են պահանջում, չնայած, որ իրենց կողմն են Աստվածային և մարդկային իրավունքը, Նյուրնբերգյան Միջազգային դատարանի որոշումը, որը ժողովրդասպանությունը ճանաչեց որպես ամբողջ մարդկության դեմ ուղղված ոճիր, ինչպես նաև Միավորված ազգերի կազմակերպության Գլխավոր ասամբլեայի 14. 12. 1960 թ. և 27. 11. 1961 թ. որոշումները գաղութակալության լիակատար վերացման մասին:

Քիչ են պահանջում հայերը, չնայած որ ունեցել են 2,5

հազարամյա սեփական պետականությունն այժմ պահանջածից մի քանի անգամ ավելի մեծ տերիտորիայի վրա (իսկ նախահայկական Ուրարտու պետության հետ միասին լրիվ 3 հազար տարի):

Այդքան քիչ են պահանջում, չնայած որ աշխարհին մատուցված իրենց ծառայությունները անհամեմատ մեծ են, քան թուրքերինը, որոնք, թեև, անկասկած, ունեն իրենց դրական կողմերը, այնուամենայնիվ աշխարհին բերում էին միայն մահ և ոչնչացում:

Քիչ են պահանջում հայերը, չնայած, որ թուրքերը իրենց տիրապետության մի քանի դարերի ընթացքում դուրս բաշեցին հայ ժողովրդի համարյա ամբողջ արյունը: Այնուամենայնիվ, եթե 50 տարի առաջ թուրքերը չիրագործեին հայերի կոտորածը, հայերի ընդհանուր քանակը այսօր կանցներ 10 միլիոնից, իսկ եթե դրան նախորդող կոտորածներն էլ չլինեին ու թուրքերը չգողանային հայ աղջիկներին ու տղաներին, որ նրանք անում էին երկու դարի ընթացքում (ինչի մասին վերևում արդեն խոսվեց), ապա հայերը այսօր կլինեին ոչ թե չորս, այլ տասը միլիոնանոց ժողովուրդ:

Այդքան քիչ են պահանջում, չնայած որ իրենց կողմն է բոլոր նոր ազատագրված ժողովուրդների համակրանքը, որի հետ Թուրքիան ուզած-չուզած ստիպված է հաշվի նստելու:

Այդքան քիչ են պահանջում, չնայած որ աշխարհի բոլոր գաղութների և բոլոր ճնշված ժողովուրդների ազատագրման ժամը հասել է:

... Իսկ կա՞ր արդյոք ուրիշ այնպիսի ժողովուրդ, որն այդքան անարգված լիներ: Եթե Թուրքիան ցուցաբերի գոնե մի քիչ բարի կամք, ապա հայերի տերիտորիալ պահանջները բավարարելը ոչ մի դժվարություն չի հարուցի, մանավանդ որ հայերը չեն խուսափում վճարելու իրենց պահանջած տերիտորիայում թուրքերի կողմից ստեղծած անշարժ արժեքների և տեխնիկական կառուցումների համար: Խոսք չի կարող լինել նաև այն մասին, թե Արևմտահայկական պետությունը երբևէ կսպառնա Թուրքիային ռազմական իմաստով: Չէ որ այդ պետության հիմքում հենց դրված է չեզոքության հիմունքը: Նա չի կարող և երբեք չի մտնի որևէ երկրի դեմ, այդ թվում նաև Թուրքիայի դեմ, ռազմական նպատակներով ուղղված որևէ միության մեջ:

Թող Թուրքիան չարդարանա նրանով, որ գոյություն ունի արդեն Խորհրդային Հայաստան ու իբր ուրիշ Հայկական պետության ստեղծումն ավելորդ է: Հայկական հանրապետությունը փոքրիկ, անբերրի, լեռնային երկիր է (29.800 քառ. կմ.), որն ի վիճակի չէ ավելի շատ բնակիչներ տեղավորել, քան ունի այսօր (1,9 միլիոն, որոնցից 1,5 միլիոն հայ):

Թող Թուրքիան չարդարանա նաև նրանով, թե հայ պանդղխտությունը այնքան մեծ չէ, որ իրավունք ունենար հուսալու որևէ տերիտորիայի մասին: Իսկապես որ 50 տարի առաջ տեղի ունեցած ժողովրդասպանության պատճառով այժմ հայերի ընդհանուր քանակը 6 միլիոնով պակաս է, քան պետք է լիներ: Այնուամենայնիվ Խորհրդային Հայաստանի սահմաններից դուրս՝ ԽՍՀՄ-ի այլ հանրապետություններում և արտասահմանում նրանք կազմում են 2,5—3 միլիոն և այդքանը բավական է պահանջվող տերիտորիայի՝ 50 հազ. քառ. կմ.-ի վրա բնակեցնելու 50—60 հոգի մեկ քառ. կմ.-ի վրա: Վատ յուրացված և վատ ոռոգված տերիտորիայի համար դա նույնիսկ մեծ խտություն կլիներ, մի քանի անգամ ավելի մեծ, քան այդ տերիտորիայում կա այսօր: (1950 թ. Վանի վիլայեթը ուներ ամբողջ Թուրքիայում գրեթե ամենափոքր խտությունը՝ 8 հոգի մեկ քառ. կմ.-ի վրա, այսօր էլ հավանական է նույնը):

Այն դեպքում, եթե թուրքական կառավարությունը՝ պատասխանելով մեր այս պահանջներին, օգտագործի մաշված, բայց նման դեպքերում հաճախ գործածվող արտահայտությունը, թե «ասպետական» ժողովուրդը թրով ձեռք բերված հողերը կամովին չի զիջում, ես ստիպված կլինեմ պարզաբանելու: Նախ տվյալ դեպքում ոչ այնքան թրով, որքան դանակով, այսինքն ոչ ազնիվ գեներով, որն օգտագործվում է գերազանցապես անզեն մարդկանց վրա հարձակվելիս: Երկրորդ, եթե ասպետական ժողովուրդը ասպետական ոգևորության նույնիսկ պահին միանգամից ոչնչացրեց 3 միլիոն իր սեփական քաղաքացիների (դրանց մեջ առնվազն 1 միլիոն չափահաս կանանց ու այդքան էլ երկու սեռի մանուկների), ապա գոնե թող հիմա էլ հանգի ասպետական եզրակացության և վճարի 50 տարի առաջվա շվախության համար, որը կատարելիս ոչ ոք չէր խանգարում նրան: Հապա ո՞վ, գրողը տանի, պետք է վճարի դրա փոխարեն: Տուժած կո՞ղմը: Այսօր Թուրքիայում դե-

կավարտության դեկին նստած է Արդարության կուսակցությունը: Թող արդար լինի:

Բայց զգում եմ, որ շեղվում եմ բուն թեմայից: Պետք է խոսեի այն մասին, թե կարելի է արդյոք հոսալ, որ այժմ Թուրքիային դաշնակից տերությունները կամենան փչացնել իրենց հարաբերությունները՝ բարձրացնելով նորից այդ արյունալի խնդիրը:

20-րդ դարի երկրորդ կեսին տեղի ունեցավ բազմաթիվ հասկացողությունների վերագնահատում: Մինչև երկրորդ համաշխարհային պատերազմը բոլոր տերությունների համար պարտադիր էր սուրբ եասիրության օրենքը, որի հիման վրա նրանցից յուրաքանչյուրը պարտավոր էր պաշտպանել միայն և միմիայն իր սեփական ակտուալ շահերը: Այժմ դա արդեն պատմության գիրկն է անցել, եթե, իհարկե, հավատանք նրանց պաշտոնական հայտարարություններին: Ու դրա հիման վրա մարդկությունը լիազորում է նրանց և նրանց ձեռքն է տալիս իր ապահովության բանալիները: Իսկ դա պարտավորեցնում է: Ում պետք է դիմի վիրավորված, նահատակված ժողովուրդը, եթե ոչ նրանց: Իսկ հայկական հարցը այնքան պարզ է: Խլել են անգեն ժողովրդից ամենը, ինչ նա ուներ՝ նրա ամբողջ վաստակը, տները, հողը և ավելին՝ ավելի քան գազանաբար, ուղղակի դիվային ձևերով նահատակել են բոլորին անխտիր, առանց խնայելու սեռ ու տարիք: Անխնա կկոտորեին առհասարակ բոլորին, եթե իրոք որ հրաշքով չփրկվեր չնչին մասը (մոտ մեկ միլիոն թուրքահայերից, որոնք Ռուսաստանի և արտասահմանյան հայության հետ կազմեցին երկու միլիոն): Ու հետո հափշտակված հողը դարձրել են մոխիր ու ավերակ: Բայց խնդիրը այնքան պարզ է: Պատասխանատու՞ է արդյոք Թուրքիան իր կատարած ժողովրդասպանության համար: Նյուրընդերգյան Միջազգային դատարանի որոշումների լույսի տակ այո՞: Հասնո՞ւմ են արդյոք հայերին ժողովրդասպանության ճանապարհով իրենցից կողոպտված հողերը: Նույն որոշումների լույսի տակ ու նախ և առաջ աստվածային ու մարդկային իրավունքով՝ այո՞: Եվ վերջապես հասնո՞ւմ է արդյոք Արևմտյան Հայաստանին, ինչպես և այլ գաղութներից յուրաքանչյուրին, լիակատար անկախություն (իհարկե ՄԱԿ-ի Միջազգային ուժերի պաշտպանության ներքո հայերի հայրենադարձությունից հետո), ՄԱԿ-ի Գլխավոր ասամբլեայի 14. 12-

60 թ. և 27. 11. 61 թ. գաղութակալության լիակատար վերացման մասին որոշումների լույսի տակ՝ իհարկե այո՞:

Սակայն ամենից առաջ ո՞ւմ պետք է դիմի աշխարհով մեկ ցրված հայ ժողովուրդը այդ սուկայի կոտորածի 50-րդ հոբելյանի օրերին: Ո՞ւմ, կրկնում եմ, պետք է դիմի նա, եթե ոչ մեծ տերություններին, թեկուզ և նրանք լինեին Թուրքիայի դաշնակից: Եվ զուցե հենց դրա համար նա պարտավոր է դիմել հենց նրանց հատկապես նրա համար, որ դաշնակից են Թուրքիային, քանի որ միջազգային հարաբերությունների մեջ բարոյականությունն այսօր պարտավորեցնում է ավելի, քան երբևիցե: Վերջապես Գերմանական Ֆեդերատիվ Հանրապետության արդարադատության մինիստրը հայտարարեց, որ համաձայն է ապրել մարդասպանների հետ միևնույն պետության մեջ: Այդ հայտարարությունն առաջ բերեց ամբողջ աշխարհի վրդովմունքը: Արդյոք Արևմտյան տերությունները նույնպես համաձայն են միևնույն շարքում կանգնել այնպիսի պետության հետ, որի վրա ծանրացել է ժողովրդասպանության ոճիրը: Թե իրենց դաշնակցից փոխհատուցում կպահանջեն, այն էլ շատ փոքր փոխհատուցում, որով ոչ միայն Թուրքիայի անունը կմաքրվեր ծանր մեղադրանքներից, այլ նույնիսկ կպայծառացներ այն անհաս փառքով:

Դրա համար հենց որոշեցի գրել քեզ, իմ հարգելի անձանոթ ընթերցող քեզ, որ հավանական է, Արևմտքի մեծարգո տերություններից մեկի քաղաքացին ես, և հենց քեզ եմ խնդրում շարունակել այս գործը, որին ես նվիրեցի իմ կյանքը:

Իսկ այժմ ստիպված եմ պատմել, թե ինչպես եմ պատկերացնում ապագա Արևմտյան Հայկական պետությունը այն ձևով, ինչպես որ այն ներկայացրել եմ ՄԱԿ-ի գլխավոր քարտուղար Ու Տանին իմ գրած նամակում:

Արևմտյան Հայաստանը հնարավոր է միայն որպես միանգամայն ինքնուրույն պետություն, այսինքն անկախ ինչպես Թուրքիայից, այնպես էլ Խորհրդային Միությունից, մի ոչ մեծ հողակտորի վրա, քան պահանջվում էր Սևրի 1920 թ. օգոստոսի 10-ի պայմանագրով: Հիմնականում նրա միջուկը կկազմեն այն հողերը, որոնք մտնում էին Ցարական Ռուսաստանի կազմի մեջ, Խորհրդային Ռուսաստանի կողմից հանձնվեցին Թուրքիային 1920—21 թթ. (Ղարսի և Արդահանի վիլայետները): Իսկ մինչև 1914 թ. Թուրքիայի կազմի մեջ մտնող

Արևմտյան Հայաստանի հողերից միայն երկու ոչ մեծ, քիչ բնակեցված և տնտեսական տեսակետից աչքաթող արված տերիտորիաները, մի եռանկյուն, որն ապագա պետության կենտրոնը կմիացնի ծովափին, որի լայնությունը կլինի 25 կմ. (15—16 անգլիական մղոն)՝ ունենալով միայն մեկ ծովափնյա բնակավայր՝ Ռիզեն և մի ուղղանկյուն, որը գտնվում է Թուրքիայի այժմյան արևելյան սահմանի հյուսիսային հատվածի և Վանա լճի ափի արևելյան մասի միջև: (Դրանք այսօրվա Թուրքիայի ամենաքիչ բնակեցված ու ամենավայրի տարածություններն են):

Հայերի կողմից պահանջվող ամբողջ տերիտորիան պետք է կազմի 50 հազար քառ. կմ. (20 հազար անգլ. քառ. մղոն), ըստ որում մինչև 1914 թ. Թուրքիային պատկանող հողերից միայն մոտ 30 հազար քառ. կմ., որ Սերի պայմանագրով Թուրքիայից վերցված տերիտորիաներից 1/4-ից քիչ ավելին է կազմում:

Արևմտյան Հայկական պետության սահմանների այսպիսի ընդհանուր ուրվագիծը այն անհրաժեշտ միևնույնն է, որ նրա համար կապահովեր առնվազն սուվերենություն: Հակառակ դեպքում, այսինքն՝ ավելի պակաս տերիտորիայի դեպքում, նրա անկախությունը միայն ձևական կարող էր լինել:

Այդ սուվերենության առաջին պայմանն է մուտքը դեպի ծովը. չնայած, որ դա իր համար ավելի շուտ սիմվոլիկ նշանակություն է ունենալու: Այդ նոր պետության անկախության առաջին շրջանում դա պրակտիկ ոչ մի նշանակություն չի ունենալու, քանի որ Ռիզե բնակավայրը ոչ մի կապ չունի թիկունքի հետ, որից նրան բաժանում են բարձր ու վայրի լեռները: Միայն երկաթուղու համար այդ լեռների միջով թունել անցկացնելուց, խճուղի կառուցելուց, ինչպես նաև Ռիզեում նավահանգստային կառուցումներ անելուց հետո (որ այժմ չկա) այդ փոքրիկ բնակավայրը կկարողանա Արևմտյան Հայաստանի համար դառնալ, այսպես ասած, լուսամուտ դեպի աշխարհ:

Իսկ սկզբից նոր պետության գրեթե բոլոր շփումները արտասահմանի հետ պետք է տեղի ունենան հարևան Իրանի միջով: Դրա համար հենց նա պետք է երկար սահման ունենա այդ պետության հետ, որը, իմիջիայրոց, վաղուց ի վեր մեծ բարյացակամություն է ցուցաբերում հայերի նկատմամբ: Իսկ

մուտքը դեպի Վանա լիճը, որը հայկական առաջին պետությունների (Ռուրարտուի հետ միասին) օրրան է եղել, հայերի համար ունի ավելի շուտ սիմվոլիկ նշանակություն:

Ինչպես երևում է կցված քարտեզից, Ղարսի ու Արդահանի նահանգները ծովափի հետ միացնող եռանկյունը՝ Արդվինի նահանգի հետ միասին կազմում են Թուրքիայի անդրծովյան տերիտորիաները, որոնց նկատմամբ Հայաստանը ոչ մի հավակնություն չունի: Խճուղիների և երկաթուղիների բացակայության պատճառով այժմ այդ տերիտորիաները Թուրքիայի հետ հաղորդվում են միայն առափնյա նավարկության միջոցով: Նույն դրությունը կպահպանվի և հետո, երբ այդ տարածությունը կդառնա Թուրքիայի Անդրծովյան տերիտորիա:

Իմիջիայրոց պետք է ավելացնեն, որ Արևմտյան Հայկական պետության մեջ մտնող հողերի տնտեսական կյանքի ինտենսիվությունը պարտադրաբար տնտեսական ծաղկում առաջ կբերի հարևան թուրքական տերիտորիաներում, որոնք հայերի համար առևտրի լավ պարտնյոր (ընկեր) կդառնան:

Բացի դրանից Անդրծովյան տերիտորիայի միջով Թուրքիան կպահպանի իր դրացիական կապերը Խորհրդային Միության հետ: Իսկ թուրք-իրանական սահմանի արևմտյան հատվածը առաջվա պես կապահովի նրա կապը Իրանի հետ: Եվ վերջապես լայն մուտքը դեպի Վանա լիճը, որը թուրքերի համար չունի այն սիմվոլիկ նշանակությունը, ինչ հայերի համար, այնուամենայնիվ ունի որոշ նշանակություն իրենց հեղինակության համար: Դա նույնպես նկատի է առնված՝ Արևմտյան Հայաստանի սահմանները գծելիս:

Սրանով վերջացնեն իմ երկար գրույցը քեզ հետ, իմ անձանոթ ընթերցող: Երանի այս խնդիրը այնքան թանկ դառնա քեզ համար, ինչպես թանկ էր ինձ համար 1961 թվականին, երբ ես հանում էի նրան մոռացությունից: Երանի նա լիակատար իրագործում ստանա՝ անկախ այն բանից, թե մեզնից ով կհասցնի նրան երջանիկ վախճանի:

Վարչակա 86
Փ. Ստոլեչնա № 14, բն. 184

ՎԵՀԱՓՈԱՌ ՏԵՐ*

Զեզ, որպես ամենամեծ հեղինակությանը, ուղարկում եմ իմ հոդվածը, որ որոշում կայացնեք՝ պե՛տք է, թե պետք չէ տպագրել այն հայկական մամուլում**։ Պարզ է, որ հայկական հարցի իմ առաջարկած լուծումը այլ բան չէ, եթե ոչ տակտիկական խաղ, որը հնարավորություն է տալիս Թուրքահայաստանի խնդիրը վերջապես մեռյալ կետից շարժելու։ Մինչև որ արևմտահայերի ազատագրական շարժումը, այսինքն՝ թուրքերի ձեռքից իրենց հայրենի հողի ազատագրման համար մղվող պայքարը, միանգամայն չանջատվի, թեկուզ միայն ձևականորեն.— արևելահայերի հանրապետությունից, ՄԱԿ-ը չի ճանաչի նրանց որպես ինքնուրույն սուբյեկտ, չի ճանաչի նրանց լիազորությունը Թուրքիայից իրենց հողը պահանջելու խնդրում։

Ծառ լավ հասկանում եմ, որ առաջարկածս մանրը նույնիսկ տողերիս արանքում կարդացողների համար հոգեբանորեն դժվար ընդունելի կլինի։ Բայց ինչ արած, քանի որ հայկական շրջանի քառակուսին այլ լուծում չունի։

Գլուխս հնազանդորեն իջեցնելով Զեռ սուչև, Վեհափառ Տեռ, համարձակվում եմ խնդրել, որ օրհնեք այդ մեծ ձեռնարկությունը, որը— հավատում եմ անկեղծորեն— պետք է ելակետ դառնա, ու դրանից հետո կսկսվի առանց որևէ ձևական կաշկանդումների մեծ պայքարը՝ Վանի շրջակայքի հողերը ազատագրելու համար։

**Զեռ հնազանդ ծառս,
հայերի անկեղծ բարեկամ՝**

Բողոքան Գեմբարսկի

* Նամակը հոդվածի հետ միասին 1980 թ. աշնանը Վարչավարձում Անահիտ Տեռ-Վազարյանին է տրամադրել Գեմբարսկու այրին՝ հայերեն ձեռագիր թարգմանությամբ (հավանաբար թարգմանել է Մ. Գ.-ն)։

** Խոսքը վերաբերում է սփյուռքահայ մամուլին։

**ՇՐՋԱՆԻ ՀԱՅԿԱԿԱՆ ՔԱՌԱԿՈՒՄԻՆ
ՈՒՆԻ ԻՐ ԼՈՒԾՈՒՄԸ**

Վերջին երեսուն տարիների ընթացքում աշխարհն ապրում է մեծ հատուցումների դարաշրջանը, այն էլ միանգամից այնպիսի մասշտաբով, որ անցած սերունդների ամենամեծ լավատեսներն անգամ երազել չէին համարձակվի։ Հնդկաստանի ազատագրումից սկսած այդ հեղեղը առաջ է անցնում Ասիայի, Աֆրիկայի և Խաղաղ օվկիանոսի կղզիների միջով՝ ազատություն վերադարձնելով ոչ միայն ազատության կարոտ ժողովուրդներին, այլ նաև այնպիսիներին, որոնք բոլորովին չգիտեն, թե ինչ անեն իրենց այդ ազատության հետ։ Դրա հետևանքով գաղութարարների կողմից թողած հողերում երբեմն առաջանում են պետությունների և նրանց առաջնորդների ուղղակի սարսափելի ծաղրանկարներ։ Սակայն այդ կեղծ ակորդները չեն նվաստացնում ամբողջ կոմպոզիցիայի վեհությունը։ Նրանք մտնում են պատմության «սեփական արժեքների» մեջ և մարդկության կողմից նախօրոք կանխատեսված են։

Մեր ուշադրությունը գրավում է մի այլ հանգամանք, ուղղակի չարախիճն առատաձեռնությունը նրանց, ովքեր լավ տրամադրության նույնիսկ պահին անկախություն են բաշխում արմատական անուղղելի մարդակերների՝ Նոր Գլխեայի պապուսներից սկսած, առանց նկատելու, որ այդպիսի անկախության համար վաղուցվանից հերթի են կանգնած ժողովուրդներ, որոնք ոչ միայն արդեն հասունացել են անկախության համար, այլև ունեցել են սեփական պետություն այն ժամանակ, երբ այսօրվա ազատություն բաշխողները դեռևս քարայրներում էին ապրում և անիվը ինչ է՝ չգիտեին։

Արևմտահայություն՝ թուրքահայությունը, միակ կուլտուրական ժողովուրդը չէ, որ մնացել է աչքաթող արված նոր իրականությունը սարքողների կողմից։ Բայց այն փաստը, որ հենց նրանց չեն նկատել Միացյալ Ազգերը, հատկապես ցավալի է՝

Ակատի ունենալով այդ ժողովրդի հայրենագուրկ մնալու հանգամանքներն ու պայմանները:

Մյուս կողմից՝ դարավոր «հայկական հարցի» լուծման նրկատմամբ անբարյացակամությունը որոշ չափով արդարացված է յուրահատուկ իրադրությամբ, որ գոյացավ հայկական հողերում ավելի քան հիսուն տարի սրանից առաջ: Թուրքերի իրավունքները իրենց կողմից զավթած հայկական հողերի Ակատմամբ այս պարագաներում ձևականորեն անձեռնմխելի են, քանի որ այդ իրավունքները հարցական նշանի տակ դնելու ամեն փորձի համար նրանք ունեն պատրաստի պատասխան. «Հայերը սեփական պետություն ունեն Խորհրդային Միության սահմաններում: Եթե Հայկական Խորհրդային Հանրապետությունը ունի որևէ պահանջ մեր արևելյան հողերի Ակատմամբ, թող մեզ ասի»:

Պարզ բան է, որ ոչ Հայկական Խորհրդային Հանրապետությունը և ոչ էլ Խորհրդային Միությունը, — քանի որ միայն ինքը կարող էր հանդես գալ մնան պահանջներով, — այդ քայլը չեն անի, որովհետև դա կհակասեր խորհրդային քաղաքականության գլխավոր գծին, որը տանում է դեպի համագործակցությունը Թուրքիայի հետ և բացառում է հարաբերությունների սրացում իրենց հարավային հարևանի հետ: Այս փոխհարաբերության մեջ թուրքերը կարող են շարունակել հանգիստ քնել:

Դատողություններս կարծեք սկսում եմ շատ հեռվից: Բայց դա անհրաժեշտ է:

Ես շատ բարձր եմ գնահատում հայկական գեղարվեստական գրականությունը, ինչպես այն, որ առաջացել է արևելքում՝ ցարական Ռուսաստանի սովերում (իսկ հետագայում ԽՍՀՄ-ում), այնպես էլ արևմուտքում (Ստամբուլում, իսկ 1915 թվականից հետո հայգաղթաշխարհում՝ սփյուռքում): Երբեք համարիտ չեմ եղել այն հայերի հետ, որոնք զմայլվում են 19-րդ դարի առաջին կեսի իրենց կլասիկ գրող Խաչատուր Աբովյանի ստեղծագործությամբ: Գտնում էի, որ նա ավելի շատ մեծ վնաս է հասցրել «Վերք Հայաստանի» իր վեպով (բավականին ձանձրալի)՝ շատ վտանգավոր շեղում առաջացնելով հայոց աշխարհաբար գրական լեզվի մեջ: Մեղադրում էի նրան այն բանի համար, որ արևելյան բարբառներից մեկը՝ Քանաքեռի բարբառը, դարձրեց գրական լեզու, փոխանակ շա-

րունակելու արևմտահայ բանաստեղծ Ղևոնդ Ալիշանի ընտրած ճանապարհը: Ղևոնդ Ալիշանը նոր գրական հայերենը դուրս է բերում անմիջապես գրաբարից: Սակայն դրանից առաջ այդ նույնը կյանքն ինքն արեց: Ստամբուլի հայերի խոսակցական լեզուն հիմնականում բավականին մոտ է եղել գրաբարին: Հասկանալի է ապա, որ այնտեղի ընթերցողները Ալիշանի, Պեշիկթաշյանի և Դուրյանի նոր գրական լեզուն ընդունել են ինչպես իրենց սեփականը: Իսկ հայկական հեռավոր գավառները, — մտածում էի, — պարտավոր էին այդ նույն գրական լեզուն ընդունելու:

Սակայն ինձ տանջում էին որոշ կասկածներ. արդյոք ուշադրությունիցս չի՞ վրիպել որևէ անչափ կարևոր բան, որը կանխորոշել է Խաչատուր Աբովյանի հանդես գալը ու նրան արձրել ժողովրդի համար նախախնամության կողմից ուղարկված մեկը, մի խոսքով՝ մեծության անկանխակալ իրավունք է վերապահել նրան: Երևի արևելահայ լեզուն այն ժամանակ արդեն այնքան էր հասունացած, որ կարող էր դառնալ առանձին ինքնուրույն լեզու՝ տարբերվելով արևմտահայերենից, ոչ պակաս, քան իսլանդերենը նորվեգերենից ու շատ ավելի շատ, քան մակեդոներենը բուլղարերենից: Չէ որ Հայաստանի վերջնական բաժանումը տեղի ունեցավ 1555—1639 թթ. ու այնուհետև շարունակվում էր անդադար. միայն ավելի ուշ Արևելյան (Պարսկական) Հայաստանի մեծ մասը հայտնվեց ցարական Ռուսաստանի սահմաններում:

Այդ երկար ժամանակաշրջանը բավական էր, որ լեզուն կիսվեր, և մեկ ժողովրդից առաջանային երկու եղբայր ժողովուրդներ: Չէ որ հին ռուսական բնից նույնպես շատ արագ առաջացել են երեք արևելաարավոնական ժողովուրդներ: Բավական եղավ, որ հյուսիսը՝ բուն Ռուսաստանը, մի քիչ ավելի երկար ժամանակ մնաց թաթարական օկուպացիայի ներքո, հարավ-արևմուտքը՝ Ուկրաինան, ընկավ լեհական տիրապետության տակ, իսկ հյուսիս-արևմուտքը՝ Բելոռուսիան, հայտնվեց Մեծ Լիտվական իշխանության սահմաններում... Ու արդյունքն այն եղավ, որ մեկ ռուս ժողովրդից սերվեցին նույնիսկ երեք ժողովուրդ: Երբ Իվան Կոտլյարևսկին պետերբուրգյան պալատը զվարճացնելու համար ուկրաիներեն գրեց «Էնեիդայի» կատակային պարոդիան, ամենևին չէր գիտակցում, որ

կատարում է դարաշրջանային գործ՝ լայն բաց անելով պո-տենցիալ կերպով վաղուցվանից գոյություն ունեցող ապագայի դարբասը՝ իր ինքնուրույնությունը դեռևս չգիտակցող ուկրաի-նական ժողովրդի առջև: Փակագծերում պետք է ասել, որ ան-վանումները՝ Ուկրաինա, ուկրաինացի-լեհական ծագում ունեն:

Եթե Խաչատուր Աբովյանը եղել է արևելահայ Կոտլյարև-սկին (ավելի ազնվական կերպարանքով), ապա նրա գործը հետագա հարյուր քանի տարիների ընթացքում դեռ իր ավար-տին հասցված չէր: Ուղղակի ոչ իր օրոք և ոչ էլ մինչև 1915 թվականը, այդ պրոցեսի ավարտումը կարևոր չէր, պետք չէր: Ավելի շուտ՝ ընդհակառակը, արևմտահայ հայրենասերները՝ հանդես գալով որպես ռուսահայերի հետ միևնույն ժողովուրդ, խաբուսիկ մի հույս ունեին, թե ուղղափառ ցարը հանդես կգա իրենց արդար պահանջների պաշտպանությամբ, թեկուզ որպես պարզև ռուսահայերի նվիրվածության դիմաց: Դա բարենպաստ հանգամանք էր անշուշտ, որից, ավաղ, պատմությունը չօգտ-վեց: Եվ նույնիսկ ընդհակառակը, թե ռուսահայերի և թե թուր-քահայերի հակումը ցարի կողմը անչափ վնասեց նրանց՝ ա-րագացնելով 1915 թվականի եղեռնը:

Սկսած այդ եղեռնից ու հատկապես դաշնակցական հան-րապետության անկման ժամանակից, այսինքն՝ 1920 թվակա-նից, մեկ միասնական հայ ժողովրդի հերյուրանքը եղավ ա-նեծք հատկապես արևմտահայերի համար՝ անհնար դարձնելով նրա որևէ փորձ՝ Թուրքահայաստանը ազատագրելու ուղղու-թյամբ:

Գիտեմ, որ ասածներս բավականին ճնշող են, և կարող է պատահել, որ շատ հայեր համաձայն չեն լինի ինձ հետ: Բայց դրա մեջ թաքնված է վանի շրջակայքը ազատագրելու բանալին: Դրա համար համարձակություն ունեցա արտահայ-տելու այս միտքս: Ափսոսում եմ միայն, որ առաջ չկարողա-ցա ձևակերպել այն: Գուցե դա կօգներ արևմտահայ ազատա-գրման մարտիկներին մեռյալ կետից շարժվել ավելի քան տասը տարի սրանից առաջ: Նախքան կոնկրետ առաջարկություն-ների անցնելը, պարտքս եմ համարում ճշգրտել ողջ խնդիրը այնպես, ինչպես տեսնում եմ այն՝ այս հայեցակետի լույսի տակ:

Եթե լինեի արևմտահայ, ապա՝ առանց ժամանակ կորց-նելու, բոլոր հնարավոր միջոցներով ի գիտություն ամբողջ աշ-խարհի կհայտարարեի հետևյալ չորս սկզբունքները.

1. Մենք՝ 1915 թվականին թուրքերի կողմից կոտորված ժողովրդի հետնորդներս, մինչև հիմա կոչված ուղղակի հայեր կամ թուրքահայեր, համարում ենք մեզ, — ճշմարտության հա-մաձայն, — առանձին ժողովուրդ, արևելահայերից կամ խոր-հրդային հայերից տարբեր, ու սրանից հետո ընդունում ենք պարտադիր արևմտահայեր անունը (Nest Armenians vel Ar-meniens Occidentals):

Այդ որոշումը ընդունեցինք այն փաստի հիման վրա, որ արևմտահայերը և արևելահայերը խոսում են տարբեր լեզու-ներով (տարբերությունը ավելի մեծ է, քան նոր նորվեգերենի և իսլանդերենի միջև), 19-րդ դարից ունեն տարբեր գրակա-նություն, իսկ արդեն 16-րդ դարից նրանց պատմությունը հո-սում է տարբեր հույներով. մի բան, որ իր արտահայտությունն է գտել այդ երկու ժողովուրդների ավանդություններում և հա-սարակական կառուցվածքի մեջ:

2. Հայկական Խորհրդային Հանրապետության բնակիչնե-րը, որ խոսում են առանձին, բայց մեզ համար մասամբ հաս-կանալի լեզվով, մեր եղբայրակիցներն են (ռուս. единопле-менники, անգլ. our tribes men, ֆրանս. les hommes de notre race): Մենք և նրանք բառիս լայն իմաստով՝ հայ ենք (այնպես, ինչպես շվեդներն ու նորվեգները սկանդինավացի-ներ են, բայց դա ոչ շվեդներին է իրավունք տալիս նորվեգ-ների ազգի բախտը որոշելու և ոչ էլ՝ ընդհակառակը): Նմա-նապես, ոչ Հայկական Խորհրդային Հանրապետության կա-ռավարությունը և ոչ էլ միջազգային ֆորումում իրեն ներկա-յացնող ԽՍՀՄ-ի կառավարությունը պարտավորված չեն, իրա-վունք էլ չունեն որևէ հարցում հանդես գալ մեր անունից: Մենք հայրենի հողից զրկված ժողովուրդ ենք, բայց հոգեպես միան-գամայն ինքնուրույն (սուվերեն):

3. Այդ ինքնուրույնությունը իրականացնելու նպատակով այս փաստաթղթով կլանքի ենք կոչում բոլոր կուսակցություն-ներից վեր կանգնած Արևմտահայաստանը ազատագրող կազ-մակերպությունը, Արևմտահայաստանը որպես չեզոք պետու-

թյուն, որը ոչ էրբևէ կմիանա ԽՍՀՄ-ին, և ոչ էլ որևէ պահանջ կներկայացնի ԽՂՄ-ի մեջ մտնող որևէ հողերի նկատմամբ:

Անկեղծորեն շնորհակալ ենք խորհրդային պետությունից այն բանի համար, որ հնարավորություն է տվել մարդկային գոյությունը պահպանելու մեր արյունակից և հատկապես մոտիկ արևելահայ ժողովրդին, և նույնիսկ ընդունել է մեր հայրենակիցներից շատերին, որոնք ապաստան են գտել Խորհրդային Հայաստանում՝ կամ թուրքերի ձեռքից սպառնացող մահից փախչելով, կամ ավելի ուշ՝ Սփյուռքում, որպես իրենց մշտական բնակավայրը հենց այդ երկիրը ընտրելով:

Անկեղծ շնորհակալ ենք նաև Իրանի կայսրությանը այն բարյացակամության համար, որ իրենց կառավարությունն ու հասարակությունը միշտ հանդես են բերել այնտեղ բնակվող բազմաթիվ հայերի հանդեպ: Հայ-իրանական փոխհարաբերությունների երկուսուկես հազարամյա պատմությունը համոզմունք մշակեց մեր մեջ, որ այդ տերությունը հիմնականում դրականորեն էր տրամադրված հայության նկատմամբ՝ լինելով ավելի շուտ նրա բարեկամը, քան՝ հակառակորդը:

Արևմտյան Հայաստանի ժողովուրդը մեկ թշնամի ունի միայն, որի հետ ստիպված է կյանքի և մահվան պայքար մղելու: Դա Թուրքիան է: Այլ թշնամի չունենք:

4. Որպես Արևմտյան Հայաստանի Ազատագրական Կազմակերպություն, մենք պետք է վճռականորեն մեզ համար ՄԱԿ-ից պահանջենք ամենաքիչը այնպիսի ձևական լիազորություններ, ինչպիսիքները ձեռք է բերել արդեն Պաղեստինի Ազատագրական Կազմակերպությունը, թեև այդ երկրի արաբ ժողովուրդը մեկհազարերորդ մասն էլ չի ապրել այն սարսափների, որ վիճակվել էին Արևմտյան Հայաստանի ժողովրդին:

Հիմնավորում.

Թուրքերը բարոյական իրավունք չունեն տիրելու արևմտահայ հողերին, քանի որ դրանց տերը դարձան փաստորեն ժողովրդասպանության հետևանքով, ավելի քան երկուս ու կես միլիոն անգեն քրիստոնեյա հայ կոտորելով 1915-ին և հաջորդ տարիներին: Այն փաստը, որ մինչև օրս թուրքերը տիրում են այդ հողերին, ծաղրածանակ է արդարության տարրական սկզբունքների նկատմամբ, որովհետև դա կարծես պարզն է ժողովրդասպանության համար:

Այսօր միջազգային իրավունքը Արևմտյան Հայաստանի խնդրին կարող է մոտենալ երկու տարբեր տեսակետներից. ա) կոտորված ժողովրդի և բ) թուրքերի կողմից հայկական հողերին անօրեն տիրելու: Երկուսն էլ վերջիվերջո կհասցնեն միևնույն եզրակացությանը:

Առաջին տեսանկյունից՝ Նյուրնբերգյան Միջազգային դատարանի որոշման հիմա վրա Թուրքիան պարտավոր է փոխհատուցել կատարված ժողովրդասպանության համար: Երկրորդ տեսանկյունից՝ Թուրքիան իր կողմից անօրեն տիրված հողերը պարտավոր է վերադարձնել դրանց օրինական տերերի հետնորդներին, այսինքն՝ աշխարհովս մեկ ցրված (գաղութահայերին) արևմտահայերին:

Ի դեպս հիշեցնում եմ, որ ներկայումս պարտադիր իրավական նորմաներով մարդկության դեմ կատարված ոճրագործությունների համար պատասխանատվությունը և անցյալում թույլ տրված անարդարությունների համար փոխհատուցման պարտքը չեն հնանում: Բացի դրանից միջազգային իրավունքի մեջ մտնող Նյուրնբերգյան դատավարության որոշումների յուրահատկությունն այն է, որ նրանք ուժի մեջ են ոչ միայն ներկայի ու ապագայի, այլև անցյալի նկատմամբ: Չէ որ դատական պրոցեսով դատապարտված հիտլերյան ռեժիմի ոճրագործությունները տեղի են ունեցել այդ դատավարության առաջին գիտից առաջ, սակայն հենց դրա որոշումների հիման վրա են ձեռքակալված ու պատժի ենթարկված գերմանական երրորդ կայսրության մարդասպանության ապարատի գլխավոր կազմակերպիչները, իսկ Պոտսդամի կոնֆերանսի որոշումով Լեհաստանին, որպես զավթիչների ձեռքից ամենաշատ տանջված ու տուժված ժողովրդի, փոխհատուցման կարգով վերադարձվել է հին լեհական հողերի 100 հազար քառակուսի կիլոմետր տարածությունը, որ վաղուցվանից գտնվում էր գերմանական կայսրության սահմաններում:

Այսօր հնարավոր չէ պատժի ենթարկել թուրքական ժողովրդասպանության ֆիզիկական կատարողներին: Սակայն նրանց կողմից զավթած հողերը վերադարձնել հնարավոր է և անհրաժեշտ:

Այդ խնդրին պետք է մոտենալ նաև Արևմտյան Հայաստանի տերիտորիայի տեսանկյունից, որը (այդ տերիտորիան) օսմանյան պետության տիպիկ գաղութն է եղել և գաղութն էլ

վնում է մինչև այժմ: Այդ գաղութի ժողովրդի կոտորման փաստը ոչ միայն չի խոսում ի օգուտ Թուրքիայի սուլթանության այդ տրիտորիայում, այլև էլ ավելի մեծ հարցական նշանի տակ է դնում այն: Այդ կոտորածի զոհերի սիյունքում գտնվող հետնորդները հայրենիքից դուրս են ապրում ոչ թե նրա համար, որ այդպես են ուզում, այլ որովհետև ստիպված են: Սակայն անկախ նրանից, թե բախտը ուր է գցել իրենց, նրանք պահանջում են, որ իրենց հայրենիքի նկատմամբ իրականացվի ՄԱԿ-ի ընդհանուր ժողովի կողմից 14. 12. 1960 թ. և 27. 11. 1961 թ. հայտարարված գաղութակալության լիակատար վերացման մասին դեկլարացիան:

Ինչպես վերևում ասածներիցս երևում է, երկու տեսակետներից էլ հայկական հարցը հանգում է միևնույն վերջնական եզրակացությանը. Արևմտյան Հայաստանի սուլթանությունը հայկական հարցի միակ տրամաբանական լուծումն է թե Նյուրընթերգյան դատավարության որոշումների և թ ՄԱԿ-ի ընդհանուր ժողովի դեկլարացիայի լույսի տակ՝ գաղութակալության լիակատար վերացման խնդրում:

Արևմտյան Հայաստանի ազատագրման օգտին կան նաև այլ խոսում փաստարկներ: Առաջին հերթին պետք է հիշատակել Սևրի (Sevres) միջազգային պայմանագիրը, որը ստորագրել է եվրոպական պետությունների մեծամասնությունը (իսկ ավելի ուշ նման բովանդակությամբ միջազգային պայմանագրերը այդ նույն պետությունների կողմից ընդունվում էին միայն ի գիտություն): Հետո գալիս են լուրջ վերապահումներ Ղարսի, Արդահանի մարզերի և Արարատի ստորոտների Թուրքիային միացնելու իրավագործության վերաբերյալ, քանի որ այդ միացումը կատարվել է այդ հողերի ժողովրդի և այն ժամանակվա հայկական կառավարության կամքին հակառակ:

Կանխատեսում են, որ Թուրքիան պաշտպանվելու համար առաջ կբաշի մի շարք ստեր ու հնարքներ, որոնք վաղուց հերքվում են պատմության և միջազգային իրավունքի կողմից կամ կհերքվեն այն վայրկյանից, երբ արևմտահայերը իրենց ճանաչեն առանձին ինքնուրույն ժողովուրդ: Ահա թե ինչ կարող է ասել թուրքական կառավարությունը.

1) Թուրքերը բնավ չէին սպանում հայերին 1915 թ., միայն տեղավորել էին նրանց ժամանակավոր ճամբարներում, որտեղից հետո նրանք ազատվել են:

2) Եթե անգամ ընդունենք, որ թուրքերը որոշ թվով հայեր սպանել են, ապա դա այնքան վաղուց է եղել, որ դրա քրքրելը իմաստ չունի:

3) Մեկ հայկական պետություն (այսինքն՝ Խորհրդային Հայաստանը) արդեն գոյություն ունի, ապա կարիք չկա երկրորդ հայկական պետություն ստեղծելու:

Սակայն այդ միամիտ հակափաստարկների կողքին կանխատեսում են երկու ավելի լուրջը.

1) Սիյունքահայությունը այնքան էլ բազմաթիվ չէ, որ կարողանա հանդես գալ ամբողջ ժողովրդի անունից և պահանջ ներկայացնել այդքան մեծ տերիտորիայի համար:

2) Ինչպե՞ս վարվենք այն թուրք բնակիչների հետ, որոնք ծնվել են այդ մարզերում, երբեմն որպես երրորդ սերունդ: Չէ՞ որ նրանց համար նույնպես հայրենիք է դա:

Հերթով պատասխանում են այդ հակափաստարկներին.

1) Արևմտյան Հայաստանի Ազատագրման կազմակերպությունը Թուրքիայի կողմից գրավված հողերի համար պահանջ ներկայացնելով գործում է լիազորված արևմտահայ բոլոր կազմակերպությունների և քաղաքական կուսակցությունների կողմից: Իսկ այն դիտողությանը, թե սիյունքահայությունը այսօր համեմատաբար փոքրաթիվ է, ունենք պատրաստի և թուրքերի համար սարսափելի պատասխան: Եթե չլիներ թուրքերի ժողովրդասպանությունը 1915—1920 թթ. Արևմտյան և Արևելյան հայերի ընդհանուր թիվը, որ առաջին համաշխարհային պատերազմի նախօրյակին (չնայած ավելի վաղ կատարված կոտորածների) կազմում էր շուրջ 5 միլիոն, վաթսույն տարվա ընթացքում ամենաքիչը կկրկնապատկվեր. այնինչ մինչև հիմա նրանք կազմում են հազիվ չորս միլիոն: Իսկ չծնվածների վեց միլիոնը, որպես թուրքական ժողովրդասպանության կրկնակի արդյունք, ավելի քան բավական չափով պարզաբանում են, թե ինչու սիյունքահայությունը այսօր այնքան էլ բազմաթիվ չէ:

2) Չնայած այդ ամենին այսօր Խորհրդային Հայաստանի սահմաններից դուրս (ԽՍՀՄ-ում և արտասահմանում) ապրում են 2,5—3 միլիոն հայեր, գերազանցապես արևմտահայեր: Իսկ իրենց պահանջած հողերը (եթե Թուրքիան համաձայնվի կոմպրոմիսային կարգով բավարարել իրենց պահանջը) կփակվեն եռանկյունու մեջ. ելք դեպի ծովը, դեպի Վան լիճը ու դեպի

Երանը: Դա կազմում է պատմական Հայաստանի և Սևրի (Sevres) միջազգային պայմանագրում պահանջվող տերիտորիայի հազիվ աննշան մի մասը: Վերջին հաշվով խոսքը մի ֆինչ-որ 50 հազար քառակուսի կիլոմետրի (կամ մոտ 20 հազար անգլիական միլ.)² մասին է՝ 2,5-ից 3 միլիոն բնակչության համար. միջինը կկազմի 60 կամ 50 հոգի մեկ քառակուսի կիլոմետրի վրա: Որպես տնտեսապես թույլ զարգացած և ոչ բավարար չափով ջրով ապահովված երկրի համար դա կլիներ ավելի շուտ բարձր խտություն, համեմայն դեպս այս հողերում ներկայումս եղածից մի քանի անգամ բարձր:

2) Այդ խնդիրը, մեր կարծիքով, այլ կերպ չի լուծվի, բացի այն, որ Արևմտյան Հայաստանի պահանջված հողերից եկվոր թուրք բնակիչներին վերաբնակեցնել (իհարկե թուրքական կառավարության հաշվին) մինչև հիմա էլ շատ թույլ բնակեցված հսկա Անատոլիայի այլ վայրերը: Անկեղծ համազգում ենք այն մարդկանց, որոնք ստիպված են նեղություն կրելու իրենց նախնիների կատարած ոճրագործությունների պատճառով: Բայց իրենց բնակատեղը փոխելու պայմանները անտարակույս փառահեղ կլինեն, համեմատած այն պայմանների հետ, որ վիճակվել էին դժբախտ արևմտահայերին, երբ 1915 թ. գարնանը մահվան երթով նրանց քշում էին դեպի բնաջնջում:

Եթե արևելահայ լինեի

Եթե լինեի արևելահայ, օրհնություն կհամարեի այն պատմական պրոցեսը, որի հետևանքով հայկական ընդհանուր միասնությունից առաջացել են երկու հայ ժողովուրդ. այդ, օրհնություն կհամարեի, քանի որ ստանց դրան չարաբաստիկ հայկական հարցը երբեք չէր գտնի իր լուծումը: Այդ պարագաներում, եթե սիամական եղբայրներին անխուսափելի մահ է սպառնում, պետք է նրանց որքան հնարավոր է արագ վիրահատությամբ բաժանել: Հակառակ դեպքում ամենաքիչը նրանցից մեկը կմեռնի, իսկ մյուսը՝ դիակը ման կածի հետքու նույնիսկ երկար ժամանակ չի գիտակցի, որ մյուսը մեռած է վաղուց:

Արևմտահայերը այլ ժողովուրդների հետ լիակատար ձուլման նախօրյակն են ապրում, փաստորեն կանգնած են ազ-

գային մահվան առջև: Հայրերը դեռ գիտակցում են իրենց ուժ լինելը, որդիները արդեն համարյա ֆրանսիացիներ են կամ ամերիկացիներ, գերմանացիներ, լեհեր. երբեմն միայն ավելացնում են ամաչելով, այն էլ ամենամտերիմ բարեկամների շրջանում. «Ծագումով հայ եմ»: Արդեն ծնված թոռները դեռ կզցեն այդ «ավելացումը», որպես ավելորդ, գուցե նույնիսկ ամոթալի:

Եթե լինեի արևելահայ, ինքս ինձ կասեի. թող գոյություն ունենան երկու հայ ժողովուրդ և երկու հայկական պետություն, քանի որ այլ կերպ լինել չի կարող: Ավելի լավ է դա, քան թե երեք միլիոն եղբայրակիցներին անհետ լուծումը այլ ժողովուրդների ծովում:

Թող այդպես լինի, միայն թե պատմական արդարությունը հատուցում ստանա, և թուրքերը ստիպված լինեն օրինավոր տերերին վերադարձնելու իրենց կողմից զավթած և անպատված հողը. միայն թե Մասիսից մինչև Վան հնչի հայոց լեզուն, թեև իմ արևելահայերենից մի քիչ տարբերվող, այնուամենայնիվ, հայոց լեզուն:

Ընդունում եմ այդ իրադրությունը մանավանդ նրա համար, որ երկու հայ ժողովուրդների ձևավորումը, որպես անխուսափելի պատմական պրոցես, սկսվեց 16—17-րդ դարերում, իսկ ավելի ուշ Խաչատուր Աբովյանի և Ղևոնդ Ալիշանի ստեղծագործություններում իր արտահայտությունը գտավ երկու տարբեր գրական լեզուների մեջ:

Ձայն բարբառոյ յանապատի

Վախենում եմ, որ վերևում շարադրված նախագիծը, որը արևմտահայերին՝ իրենց իրավունքների համար համաշխարհային ասպարեզում պայքարելու լիակատար իրավունք է տալիս, կմնա որպես ձայն բարբառո հանապատե: Արդյոք երեք անկախ հայկական կուսակցությունները քաջություն կգտնեն իրենց մեջ ստեղծելու համար Արևմտյան Հայաստանի ազատագրման գերպարտիական կազմակերպություն, այն էլ ոչ թե ի փառք սեփական կուսակցության, այլ հայրենիքի փրկության համար: Եվ արդյոք այդ կազմակերպությունը կլինի՞ այնքան գործունյա, որ կարողանա ում որ պետք է համոզել, հասկաց-

նել, թե ինքը հանդես է գալիս առանձին ինքնուրույն ժողովրդի կողմից, որը նույնը չէ խորհրդային հայերի հետ: Ու կկարողանա՞ արդյոք ՄԱԿ-ի ընդհանուր ժողովի օրակարգի մեջ մտցնել իր առաջարկությունը իրեն՝ ԱՀԱԿ-ին այնպիսի կանոնադրություն (status) հաստատելու, ինչպիսին ունի Պաղեստինի Ազատագրման Կազմակերպությունը: Գուցե հարկավոր լինի գտնել երկու ոչ մեծ պետություն, որոնց ներկայացուցիչները համաձայնվեին առաջինը հանդես գալ այդ առաջարկությամբ: Լավ կլիներ գուցե ՄԱԿ-ի ընդհանուր ժողովի անդամների մեջ տարածել իմ «A Letter to my Turkish Friends»-ը անգլերեն հրատարակված Baikal Press-ի կողմից, 1968 թ.: Այդ նամակը ընթերցողին հիմնովին ծանոթացնում է թուրք-հայկական խնդրին:

Այս ամենը, իհարկե, ազատ դատողություններ են: Արևմտյան Հայաստանի Ազատագրման Կազմակերպությունը, — եթե իրոք կյանքի կկոչվի, — կազմված կլինի, անշուշտ, այնպիսի անձնավորություններից, որոնք պարզ կտեսնեն իրենց նպատակը և կիմանան, թե ինչի վրա կարող են հույս դնել մեր իրադրության մեջ, որը իրենց համար, որպես հայրենի հողից զրկված և Խորհրդային Հայկական Հանրապետության քննկիչների հետ ոչ մի կապ չունեցող ժողովրդի համար, ձևականորեն ավելի նպաստավոր է:

Համեմատած Պաղեստինի Ազատագրման Կազմակերպության հետ արևմտահայերը այնքանով ավելի լավ դրության մեջ կլինեն, որ արաբների հակառակորդները՝ հրեաները, օգտվում են ԱՄՆ-ի և այլ երկրների աջակցությունից, իսկ թուրքերը՝ ոչ մի աջակցություն չունեն, բայց այնքանով ավելի վատ դրության մեջ կլինեն, որ Իսրայելը Ատլանտյան դաշինքին չի պատկանում, իսկ Թուրքիան՝ պատկանում է: Դրա համար չի կարելի կարծել, թե պայքարը հեշտ կլինի: Այնուամենայնիվ, պայքարը պետք է սկսել և անընդհատ, չնայած հալանական առանձին անհաջողությունների, շարունակել և մղել մինչև որ Արևմտյան Հայաստանը ճանաչվի, թեկուզ միայն ձևականորեն, որպես Թուրքիայի կողմից անօրեն կառավարվող գաղութ: Սա ազատագրման ճանապարհի առաջին հանգրվանն է, պրակտիկորեն գուցե ամենադժվարը:

Դեռ ուշ չէ: Գաղութների ազատագրման տենդը դեռ շարունակվում է: Թեև արևմտահայ ժողովրդի ամենաջահել սե-

րունդը արդեն բռնել է ուրիշ ժողովուրդների հետ ձուլվելու ճանապարհը, սակայն այդ ժողովուրդը դեռևս ձուլված չէ: Բավական է, որ արևմտահայերի իրավունքը այդ հողերի նրկատմամբ թեկուզ միայն ձևականորեն ճանաչվի և ՄԱԿ-ի համապատասխան նոտան ուղարկվի թուրքական կառավարությանը, ամբողջ արևմտահայությունը ուժեղ ցնցում կապրի, և դա միանգամից հայրենիքին կվերադարձնի նրանց, ովքեր սկսել են իրենցից հեռանալ:

**«ՆԱՄԱԿ ԻՄ ՀԻՆ ԹՈՒՐՔ ԾԱՆՈԹԻՆ»
հողվածի նոր, ընդարձակված տարբերակի՝
«ՆԱՄԱԿ ԹՈՒՐՔ ՄՏԱՎՈՐԱԿԱՆՆԵՐԻՆ»-ի
վերջավորությունը**

1965 թվականը հոբելյանական կլիմի հայերի և այն թուրքերի անհատականը, որոնք իրենց կյանքը զոհեցին կործանվող ժողովրդի պաշտպանության, դրա հետ մեկտեղ իրենց սեփական ազգային պատվի պաշտպանության համար, թեև իրենք էլ թերևս լրիվ չէին գիտակցում իրենց հերոսության փոխարինությունն ու կշիռը:

Պարզապես միայն մոռացությունից հանվելուց շատ ավելի մեծ բանի են արժանի Անատոլուի այն բոլոր հասարակ, անգրագետ թուրք գյուղացիները, որոնք զոհվեցին մահվան քրշվող քիրստոնեաներին մի բաժակ ջուր տալու համար, ինչպես նաև նրանք, ովքեր գնդակահարվեցին՝ հայերին իրենց տներում պատսպարելու համար: Եվ այս՝ թեկուզ այն բանի համար միայն, որպեսզի աշխարհին ցույց տրվի ձեր ժողովրդի մեկ այլ պատկերը, տարբեր այն պատկերից, որ մի ժամանակ երևաց սարսափահար եվրոպացիների աչքին Ստամբուլի և Ըմյուռնիայի փողոցներում:

Այդ անանուն հերոսներին ըստ արժանվույն մեծարելը կլիմի միաժամանակ մեծարումն է թուրք ժողովրդի, որի մեջ նման գոհարներ էլ են պարունակվում:

Սակայն դա կլիմի մեծարման տարին նախ և առաջ նահատակված հայերի, չափահաս այրերի, որոնցից խլված էր զենքը ձեռքին մեռնելու վերջին հնարավորությունը. նաև մահից առաջ իրենց մարդկային և կանացի արժանապատվության մեջ անարգված կանանց ու նաև երեխաների, որոնց չվիճակվեց երբևէ դառնալ լիարժեք մարդիկ, որովհետև խլվեց նրանց մանուկ կյանքը:

Դա կլիմի նաև մեծարման տարի սպանված, անհատակ-

ված կամ խելագարության հասցված ականավոր հայերի՝ սկսած Մեծն Կոմիտասից:

Դա միաժամանակ կլիմի մեծարման տարին աշխարհի անենաընդունակ ժողովուրդներից մեկի 6 միլիոն այն չծնված որդիների ու դուստրերի, որոնք ամենայն հավանականությամբ կյանքից չէին հեռանա առանց հետք թողնելու:

Դա կլիմի մեծարման տարին խլված և անպատվված հայկական հողի, խլված և անպատվված այն մարդկանց կողմից, որոնց համար Հայաստանին տիրելու իրավունքի միակ հիմունքը այդ երկրի բոլոր բնակիչներին կոտորելու խայտառակ փաստն էր:

Դա կլիմի, ի վերջո, զգուշացման տարի բոլոր հասարակությունների համար՝ քրիստոնյա, մուսուլման, թե անդամաճանք, որպեսզի հետագայում խուսափեն մարդասպանության ճանապարհից, որը տանում է միայն դեպի... այդ ոճիրը թույլ տված ժողովրդի հավիտենական խայտառակություն:

Եվ երանի թե մարդկության աչքում դա լինի ձեր պատվի լիակատար վերականգնման տարի: Եվ երանի թե թուրք անունը այդ տարի ամբողջ աշխարհում շողշողա միանգամայն այլ փայլով՝ նախկինում ձեր տարած բոլոր հաղթանակներից առավել շլացիկ փայլով:

Այդ ճանապարհը դժվարին է, անշուշտ, քանի որ թուրք ժողովրդի ամենաազնիվ զավակներից պահանջվում է բարեկիրթ հոգու մեծ քաջություն և, թերևս, Մահաթեմ Գանդիի նման ուժեղ բնավորություն:

Սակայն գաղութներին ինքնակամորեն ազատություն տալու և աշխարհի բոլոր պետությունների կողմից նախկին վիրավորանքների հատուցման ներկա ժամանակաշրջանում ձեր ժողովուրդը ևս պետք է որոշակի ընտրություն կատարի՝ կամ ճշմարիտ մեծություն, կամ թե չէ... տարիներ առաջ կատարած ժողովրդասպանության արդարացում, ժողովրդասպանություն, որ չբերեց ձեզ ոչ փառք, ոչ հարստություն, ոչ էլ, մանավանդ, հարգանքն այլ ժողովուրդների:

Այժմ աշխարհով մեկ ցրված երկուսուկես միլիոն հայեր 50 տարի է ինչ սպասում են ետ վերցնելու զոհե մի մասը ձեր կողմից արհեստականորեն անմարդաբանակ դարձած այն գաղութի, որ իրենց հայրենիքն է եղել դեռևս այն ժամանակ, երբ

աշխարհիս երեսին չկային ոչ անգլիացիներ, որ ֆրանսիացիներ, ոչ լեհեր, ոչ ռուսներ և ոչ էլ նույնիսկ հոռմեացիներ, այն հոռմեացիները, որոնք աշխարհին տվին արժեքավոր ասացվածք— արքիոմ.

«Տոբ' ինչ որ պարտք ես...»

Այս ընդարձակ նամակը լույս պիտի տեսնի չորս լեզուներով՝ անգլերեն, ֆրանսերեն, իտալերեն, լեհերեն: **(Մանր. հեղինակի):**

ՍԻՐԻԱԿԱՆ ԱՆԱՊԱՏ*

Ստ. Ժերոմուսի «Գարնանամուտ» վեպում հիշատակված՝ Քաքվի կոտորածներին սպանվեց 75.000 հայ: Իսկ հինգ տարվա մեջ՝ 1915 թ. ապրիլի 24-ից սկսած, ընդհանուր առմամբ 3 միլիոն (այդ թվում 2 մլն. կին և երեխա), որ ամբողջ ազգի 80 %-ն էր:

Այն ժամանակ կատարվեց աննախադեպ ցեղասպանություն, թեպետ եզրույթը (տերմին) ի հայտ եկավ ավելի ուշ:

Ցեղասպանությունը ոչ մի նմանություն չունի զինված տղամարդկանց երկկողմանի ոչնչացման հետ, որ պատմության մեջ ընդունված է անվանել պատերազմ: Կազմակերպված ցեղասպանությունը մեր դարի գյուտն է, որի սկիզբը դրեցին թուրքերը 1915 թ. ապրիլի 24-ին. լոկ մի ազգի՝ թուրքահայությանը վերաբերող եղեռնը նշանակությամբ կարելի է համեմատել մի-միայն եվրոպական հրեաների ոչնչացման հետ: Դա ողբերգության առաջին գործողությունն էր, որ իր հետագա պատկերներում աշխարհն հասցրեց խելահեղության:

* * *

Պատմական Հայաստանը փոխված է այսօրվա Վրաստանի և Սիրիայի ու Իրաքի հյուսիսային սահմանների միջև. այդ տարածքի 9/10-ը անցավ Թուրքիայի տիրակալությանը, 1/10-ը՝ Պարսկաստանի (Իրանի). 1828 թվականին Պարսկահայքը գրեթե ամբողջովին անցավ ցարական Ռուսաստանին:

Ինչևէ. պատմական տարածքի ճնշող մեծամասնությունը մնում էր Օսմանյան կայսրության սահմաններում, իսկ դրանից դուրս հայկական բնակավայրերը սփռված էին Անատոլիայում և Լիբանանում, չխոսելով արդեն Ստամբուլի մասին: Հենց այդ

* Տպագրվել է 1965 թ. օգոստոսի 15-ին, Կրակովի «Տիգոդնիկ արվ- շեխնի» թերթում: Տե՛ս նաև «Դպրություն», 16 մարտի 1990 թ., Գ. Մադո- յանի հրապարակումը:

պատճառով Թուրքիայի տարածքում կազմավորվեց այն, ինչ XIX դ. հրապարակախոսության մեջ անվանվեց «հայկական հարց»:

Այս եզրույթը շրջանառության մեջ մտավ սուլթան Աբդուլ-Համիդ Բ-ի՝ իշխանության գլուխ անցնելու ժամանակից (1876), որը 33 տարվա ընթացքում 8 խոշոր ջարդ կազմակերպեց հայերի դեմ (ամենաակնհաստի հետևանքով սպանվեց մոտ 300 հազար մարդ): Սակայն ոչնչացվող ժողովուրդը ամբողջ ուժով կառչել էր իր քրիստոնեական հավատից ու լեզվից:

Աբդուլ-Համիդի արյունոտ կառավարության անկման պահին, այսինքն 1909 թ., ամբողջ աշխարհում դեռևս մնացել էր 5 մլն. (Թուրքիայում մոտ 4 մլն.) հայ: Բայց հասունացող պատերազմի սպառնալիքի առջև աշխարհը դադարեց անհանգրստանալ նրանց ճակատագրով, նրանց խնամքը թողնելով «լիբերալ և առաջադիմական» երիտթուրքերի կուսակցությանը: Վերջիններս տապալելով Աբդուլ-Համիդ Բ-ին, գահակալության հրավիրեցին Մեհմետ Ե-ին, որ այդ ժամանակ հյու-հնազանդ էր իրենց: Ի դեպ, իրականում պարզվեց, որ այսպիսի փոխափոխման հետևանքով ազգային փոքրամասնությունների պարանոցին օղակն ավելի ձգվեց՝ կապված կառավարող կուսակցության առաջ քաշած շովինիստական, պանիսլամական և պանթուրքական կարգախոսների հետ:

1912 թ. ամռանը երիտթուրքական կուսակցությունը կարճ ժամանակով զրկվեց իշխանությունից և փոխարինվեց «Ազատություն և համաձայնություն» մրցակից կուսակցությամբ, որն իր նախորդներից տարբերվում էր առաջին հերթին անգլադավան ուղղությամբ՝ ի տարբերություն գերմանապիրականի: Սակայն 1913 թ. երիտթուրքերը կրկին անցան իշխանության գլուխ: Ուշագրավ է, որ նոր մինիստրները հենց իրենք սպանեցին նախորդներին: Հաղթանակած կուսակցության ղեկավարներն առանց սուլթանի հետ հաշվի նստելու կազմեցին եռապետություն. դրա մեջ մտան Էնվեր փաշան, Թալեաթ բեյը, Ջեմալ փաշան:

Երիտթուրքերի վերադարձը այս անգամ լիցքաթափման պատրանք ստեղծեց և հարաբերությունների լիբերալացման տպավորություն: Բանը հասավ նույնիսկ հայերի հետ համաձայնության, որ նրանց խոստանում էր քաղաքական ու մշակութային լայն ինքնավարություն, միաժամանակ հույժ գաղտնի

պայմաններում սկսեցին ուրվագծվել հայերի բնաջնջման ծրարերը:

Պատերազմի սկսվելը 1914-ին նպաստավոր պայմաններ ստեղծեց այդ ծրագրերի իրականացման համար: Հենց սկզբից կասկած չկար, որ Թուրքիան կմտնի պատերազմի մեջ, և հատկապես՝ Գերմանիայի կողմից: Նշաններ կան, որ գերմանական գլխավոր հրամանատարությունը տեղյակ էր բոլոր մտահոգացումներին, չնայած հայ ժողովրդի մեծ բարեկամ Ֆլորանց Վերֆելը ներշնչում է, թե դա ճիշտ չէ: Բոլոր դեպքերում կասկած չկար, որ գերմանացիները չեն խառնվի Թուրքիայի այս «զուտ ներքին հարցին»: Իսկ Անտանտի երկրների կարծիքը կարելի էր հաշվի չառնել, քանի որ պատերազմում թըշնամի էին:

Կարծես ամեն բան ընթանում էր բնականորեն: Հայերին թուրքերի պես գորակոչում էին, իսկ տարեց տղամարդկանց օգտագործում ամբողջունների և ճանապարհների շինարարության մեջ: Կային բացառապես հայերից կազմված գնդեր, որոնք լավ էին մարտնչում: Նույնիսկ 1914—15 թթ. ձմռանը նրանք շրջապատումից հանեցին գեներալիսիմուս Էնվեր փաշային, որը պաշտոնապես շնորհակալություն հայտնեց «մեր հավատարիմ հայ ժողովրդին»:

Այդ ժամանակ գումարվում էին կուսակցական ղեկավարության գաղտնի խորհրդակցություններ: Նույնիսկ այստեղ կուսակցության ղեկավարների միջև լինում են տարաձայնություններ: Սակայն ձայների մեծամասնությամբ ընդունվեց հայերի էվակուացման մասին որոշում, նախատեսելով նրանց ոչնչացնել անապատում:

Եվ այդ օրից ի վեր սկսվում է մանրակրկիտ ծրագրված պատրաստություն, աշխատանքի կազմակերպման բազմապիսի մեթոդների օգտագործմամբ, որպես նպատակ ունենալով ամբողջ ազգի ոչնչացումը:

Սառնաշունչ ձմռանը, որի ընթացքում հեռացնում էին խրամատներում մնացող զինվորներից շատերի ցրտահար վերջույթները, ականջները, քթերը, փոխարինեց զարմանալիորեն շոգ գարունը: Հազարավոր հայկական գյուղեր, ցրված ամբողջ

Թուրքահայաստանով, ինչպես Կիլիկիայում և Անատոլիայում, սուլվեցին ծաղկած այգիների օվկիանում: Երիտասարդ տղամարդիկ քիչ էին: Մեծամասնությունը մարտնչում էր Թուրքիայի և սուլթանի համար: Եվ ամեն բան սկսվեց հենց ապրիլի վերջին, երբ շոգը սաստկացավ:

Պետության տարբեր մասերում տարբեր էր հայերի ֆիզիկական ոչնչացումը: Անատոլիայում, ուր բնակչության մեծամասնությունը թուրք գյուղացիներն էին, հիմնականում խաղաղ և բարեկամ իրենց հարևան քրիստոնյաների նկատմամբ, ոչնչացման գործընթացն արտաքուստ սքողված էր կարգ ու կանոնով: Փոքր քաղաքներում ու գյուղերում ի հայտ եկան ուստիկանական շրջաբերականներ, նշումներով այն մասին, որ հայ բնակչությունը որոշակի ժամի ուսաբեռով հավաքվի հրապարակներում ու կենտրոններում՝ «նոր բնակավայր տեղափոխվելու նպատակով»:

Հողն ու տները ամբողջովին, բեռով-բարձով, պետք է թողնվեին «նոր, մուսուլման վերաբնակներին»: Չէր կարելի օգտվել սայլերից և այլ փոխադրամիջոցներից: Արշավը պետք է կատարվեր հետիոտն:

Նշված ժամին համապատասխան վայրերում հավաքվեցին մարդիկ. անհրաժեշտացած կանայք, բազում երեխաների հետ, օրիորդներ և պատանիներ, ծերունիներ: Ուժերի ծաղկում ապրող տղամարդիկ շատ քիչ էին:

Հավաքակալանը նախօրոք շրջապատում էին ուստիկանները, զինված հրացաններով ու մտրակներով: Լուսամուտներից սարսափով նայում էին տեղի թուրքերը, որոնցից ոչ ոք հայերի հանդեպ թշնամանք չուներ: Նրանք խղճում, ափսոսում. կարեկցում էին:

Այլազգիների դեմ թուրքերի արած գազանությունները կրկնակի ահավոր են, եթե հաշվի առնվի դրանց հոգեբանական անբացատրելիությունը:

Գյուղացին, կարծես բարի և համեստ՝ դառնալով կապրալ կամ ուստիկան, իսկույն վերածվում է հրեշի, իսկ կրթվածները, համալսարան ավարտածները, սառնասրտորեն ծրագրում էին ամբողջ ժողովուրդների կոտորածներ:

«Արդարությունը ես պարտավոր եմ ամրացնել թրիս սայրին. քաղաքակրթությունը մեխել ձիուս պալտերին: Ես պարտավոր եմ ոչնչացնել ամեն բան, չթողնելով քարը քարի վրա,

ոչ կանգուն ծառ և ոչ իսկ կանաչ տերև նրա վրա: Ես պարտավոր եմ այնպիսի ավերակներ թողնել ինձնից հետո, որ յուրաքանչյուր տեսնող իրավունք ունենա ասելու՝ «այստեղով՝ թուրք է անցել»,— հայկական շարդերի նախօրեին գրել է երիտթուրքերի ղեկավար կոմիտեի խորհրդակցության մասնակից Զիա Գյոք-Ալիը:

Անատոլիայի և Միջագետքի, Սիրիայի և Լիբանանի բոլոր քաղաքներից ու ավաններից, մեծ կայսրության բոլոր գյուղերից միաժամանակ շարժվեցին մարդիկ՝ դատապարտված մահվան լոկ այն բանի համար, որ հայ են ծնվել: Օրերով, շաբաթներով, իսկ արևմտյան ծայրամասերից՝ ամիսներով գնում էին շիկացած անապատներով: Ուղղությունը՝ Սիրիական անապատ: Գնում էին առանց հացի ու ջրի, խուսափելով մտրակներից և սվիններից: Նրանց հետևում էին չեչենների և տեղական թափփուկների ավազակախմբերը: Ընկնողին սպանում էին՝ ծեծելով: Գեղեցիկ աղջիկներին դուրս էին քաշում շարասյուներից: Անատոլիական ամռան անտառների շոգին ձգվում էին սուվերների անվերջ շարքեր: Մայրերը տենդագին կրծքներին էին սեղմում ուստեստ չունեցող երեխաների սառած մարմինները: Երբեմն թուրք գյուղացիք, պտտվելով ձիերի ու ուստիկանների արանքում, խուսափելով ճիպոտի հարվածից, ջուր էին հասցնում. եթե ուստիկանը չհասցներ նրա ձեռքից վայր զցել ջրամանը: Հետևից և կողքերից, փոշու ամպերի միջից ուրվագծվում էին չեչենները:

Ինչքան մարդ էին քշում այն ժամանակ՝ անհայտ է: Ամենայն հավանականությամբ՝ մոտ 2 միլիոն: Քանի որ միաժամանակ երկրի արևելքում՝ բուն Թուրքահայաստանում, կատարվում էր քրիստոնյա բնակչության համընդհանուր կոտորած, առանց ուստիկանական շրջաբերականի և խաբուսիկ վերաբնակեցման: Թուրք գյուղացիներն այդտեղ համեմատաբար քիչ էին, մուսուլմանության հիմնական մասը քրդերն էին՝ բազմիցս ներքաշված հայերի նկատմամբ կիրառվող հաշվեհարդարին: Այս անգամ քրդական ցեղերի մեծ մասը թուրքերի ձեռքում բռնության գործիք դարձավ:

Որպես կանոն ավազակախմբի գլխին կանգնած էր թուրք սպան: Դրանից բացի քրդերին օգնության կարգով հատկացրել էին հետևակապին մի բանի ջոկատ, որոշակի քանակությամբ թնդանոթներ: Այստեղ ոչնչացումը կատարվում էր հե-

տույլ կերպ: Արևածագին քաղաքը կամ գյուղը շրջապատում էին այնպես, որ ոչ ոք չկարողանար դուրս արձնել օդակից: Մոտակա բլուրներին տեղադրելով թևհանոթները և կրակ բանալով, որից հետո հրոսակները ներխուժում էին և հիմնականում դանակներով ի կատար ածում սպանող, հետո անշտապ զբաղվում էին տնային գույքի թալանով և վերջացնելով՝ շարժվում դեպի հաջորդ բնակավայրը, փոքր խմբեր ուղարկելով մոտակա գյուղերը՝ հաշվեհարդարի համար:

Հանուն արդարության պետք է նշել, որ ոչ բոլոր քրդերն էին մասնակցում կոտորածին: Որոշ քրդական ցեղեր, որ լավ էին տրամադրված հայերի նկատմամբ, ոչ միայն հրաժարվում էին մարդասպանների հետ գործակցելուց, այլև կրակում էին կոտորածի գնացող զինված շարասյուների վրա: Պաշտպանվում էին և իրենք՝ հայերը: Որոշ քաղաքներում ուժեղ դիմադրություն կազմակերպվեց, և երբեմն հայերի հետ հավասար մարտնչում էին նաև տեղի թուրքերը: Մարերում ստեղծվում էին պարտիզանական ջոկատներ, մասամբ այնտեղ էին ապաստանում կանայք և երեխաները: Այդպիսի դեպքերում թուրքերն ստիպված էին լինում առանձին բարձունքներ գրոհել հետևակի և հրետանու միջոցով: Որոշ կետեր դիմացան մինչև անգլիական, ֆրանսիական և ռուսական ջոկատների հասնելը: Քյապիսի բլուրներից մեկի պաշտպանության պատմությունն է ներկայացված Ֆրանց Վերֆելի «Մուսա լեռան 40 օրը» վեպում:

Կոտորածին բացասաբար տրամադրված խավը ոչ միայն թուրք գյուղացիությունն էր (ցավոք, սրանք ևս ոչ բոլորը), այլև երիտթուրքական շուվհիզմից զարհուրած հին ազնվականությունը և հոգևորականության մեծ մասը, այդ թվում դերվիշները: Բայց բռնության հանդեպ զգվանքը բողոքի կերպարանք չստացավ, լավագույն դեպքում թաքցնում էին որոշ հայերի, կամ ծայրահեղ դեպքում նաև կերակրում: Նույնիսկ այնպես էր պատահում, որ դիմադրություն ցույց տվող խմբերը աննդամթերք էին ստանում թուրքական բարեգործական կազմակերպություններից:

Դաժանությունների և ստորությանց այս ժամանակահատվածում թուրքերի պատմությունը զուրկ չէ լուսավոր էջերից: Ցավոք, նրանք ի գորու չէին ազդելու դեպքերի ընթացքին:

Տեղահանման ենթարկվեցին նաև ստամբուլաբնակ հա-

յերը, նրանց մեջ՝ հայտնի գրողներ, երաժիշտներ և նկարիչներ, հասարակական գործիչներ: Նրանցից ոչ ոք չփրկվեց: Քշվեցին հայկական մանկատները (ամբողջ կազմով) և նույնիսկ մահամերձ հիվանդները, ծերունիները: Բոլորին, առանց բացառության, ոտքով քշում էին միևնույն ուղղությամբ՝ դեպի Սիրիական անապատ: Ում ուժերը հատնում էին՝ նրան սպանում էին ճանապարհին: Հանճարեղ երգահան և ժողովրդական երգերի հավաքող Կոմիտասը, տեսնելով, թե ինչ է կատարվում՝ ցնորվեց: Սկսեց երգել: Եվ նրա աննման ձայնը գրավեց կողքով անցնող գերմանացի հյուպատոսի ուշադրությունը, որը կարողացավ փրկել նրան մահասիյունների ձեռքից: Կոմիտասն ապրեց ևս քսան տարի, բայց հոգեկան հավասարակշռությունը չվերականգնվեց: Վախճանվեց 1935 թ. Փարիզի հոգեբուժարաններից մեկում:

Իսկ մահվան դատապարտվածների խմբերը գնում էին գնում... Մի պահ նրանցից բաժանեցին տղամարդկանց և պատանիներին, իսկ կանանց ու երեխաներին շարունակեցին քշել: ընդհուպ մինչև Դեր-Չորի և Միսիսանեի միջև գտնվող սարսափազդու ճամբարները: Այդ ընթացքում տղամարդկանցից կազմավորում էին «աշխատանքային խմբեր»՝ ճանապարհների շինարարության համար: Հետագայում, սովյալ տեղամասի շինարարական աշխատանքների ավարտից հետո, աշխատանքային խմբերը ոչնչացվում էին պատժիչների ձեռքով: Նույն բախտին արժանացան թուրքական բանակում ծառայող հայ զինվորները՝ Էնվեր փաշային հերոսաբար պաշտպանողները:

Չնայած այս ամենին, կանանց մի մասը հասավ ճամբարներ, ուր և մեռան ծարավից, սովից ու անտանելի շոգից, քանզի բարաքները գտնվում էին անապատի հեռու սրտում: Վերֆելը ցիտում է ճամբարներում եղած թուրք սպային. «Դրանք արդեն մարդ չեն՝ ... ուրվականներ են... ուրվականներ՝ մարդու քիչ նմանող... մեռնում են դանդաղ... խոտ ուտում... ոռնում սովից: Կանայք ձիուս կեղտի մեջ չմարսված գարեհատիկ էին որոնում»:

Նույն այդ ժամանակ, երբ սպան, որի մասին խոսում էր Վերֆելը, պատմում էր իր տեսածը մուսուլման հոգևորականությանը, Թուրքիայի ներքին գործոց մինիստր Թալեաթ բեյը: պատվամենտում արտասանեց պատմության մեջ մնացած իր խոսքերը. «Հայոց հարցը արդեն չկա, քանի որ չկան հայերը»:

Բայց հայերը այնուամենայնիվ գոյատևում էին դիմադրության կենտրոնում, ինչպես նաև ոռոսական ճակատի մյուս կողմում, որ այդ ժամանակ հասել էր Թուրքահայաստանի խորքերը: Սակայն 1917 թ. ճակատը հանկարծակի ճեղքվեց, և թուրքական բանակը շարժվեց Հայաստանի ոռոսական մասի խորքերը և Ատրպատական, ոչնչացնելով հայկական բնակավայրերի բոլոր բնակիչներին, դիերից լեռնային գետակների վրա անցուղիներ սարքելով հրանոթների համար. ըստ ժերովսկու՝ Նուրի փաշայի թուրքական բանակը՝ երեք դիվիզիա, նպատակամղված շարժվում էր Բաքու, դեպի Աավթի ավազանը, որ հայերի հոծ խմբեր կային: Իսկ չէ՞ որ հայ պատմաբանները Բաքվի շարժերը համարում են սարսափելի, ոչ մարդկային ծավալի հայկական ողբերգության դրվագներից մեկը:

1918 թ. հոկտեմբերի 30-ին Մուդրուս Աավահանգաւում (Լեմնու կղզի) Թուրքիան կապիտուլացվեց: Արաբական երկրների տարածքներում սկսեցին կազմավորվել նոր պետություններ և ապագա ենթամանդատային տարածքներ, որոնց պիտի բաժանեին իրար միջև Ֆրանսիան և Անգլիան: Պատմական Հայաստանի տարածքում սկսեց ձևավորվել հայոց անկախ պետությունը ԱՄՆ-ի պրեզիդենտ Վիլսոնի և Ֆրանսիական հայտնի քաղաքական գործիչ Կլեմանտոյի հովանավորությամբ: 1920 թ. օգոստոսի 10-ին Սևրում կնքված խաղաղություն հաստատող փաստաթղթերի տակ ստորագրել էին Անգլիայի, Ֆրանսիայի, Ճապոնիայի, Իտալիայի, Հայաստանի, Բելգիայի, Չեխոսլովակիայի, Հունաստանի, Հիջասի, Հարավսլավիայի, Լեհաստանի, Պորտուգալիայի և Ռումինիայի պատվիրակությունները՝ մեկ և սուլթանական Թուրքիային՝ մյուս կողմից:

Հայաստանին հատկացվեց այնպիսի վիթխարի տարածք (գրեթե ամբողջ պատմական Հայաստանը), որ փոքրաթիվ ու այդ աստիճան արյունաքամ ժողովուրդը ի վիճակի չէր ո՛չ բնակեցնելու, ո՛չ կազմավորելու տնտեսությունը, և ո՛չ պաշտպանելու այն:

Ի դեպ, այդ պայմանագիրը մնաց լույ թղթի վրա: Հայաստան

տանն ընդհանրապես չմտավ իրեն հատկացված տիրույթները: Կլեմանտոն 1920 թ. հեռացավ քաղաքականությունից, իսկ ԱՄՆ-ի կոնգրեսը, որ երբևէ չէր լսել Հայաստանի մասին, չվավերացրեց պրեզիդենտի՝ այդ պետության վերածննան նախագիծը և չճանաչեց Հայաստանը: Ֆրանսիան հանեց իր բրունատիրական (օկուպացիոն) գործը Կիլիկիայից, իսկ Անգլիան, որ մտադիր էր Հայաստանը հեռակետ դարձնել հեղափոխական Ռուսաստանի դեմ, դադարեց այդ երիտասարդ, քաղաքական կշիռ ձեռք չբերած երկրի ճակատագրով հետաքրքրվել այն պահին, երբ Ռուսաստանում քաղաքացիական պատերազմի գիծը տեղափոխվեց հյուսիս:

Եվ կրկին մի բուռ հայերը մնացին մեկ-մեկակ հարավից թուրքերի և նրանց ատրպատականցի մահմեդական դաշնակիցների դեմ՝ արևելքում: Մոտենում էր վերջին գործողությունը Հայաստանի անկախ պետության պատմության մեջ, երբ կարմիր զորքերը գրավեցին Բաքուն և ողջ Ատրպատականը, իսկ թուրքերը, ոտնահարելով Սևրի դաշնագրի որոշումները, զբաղեցրին Հայաստանին կցվելիք հողերը, սպառնալով Կարսին ու Արդահանին: Այն ժամանակ Թուրքիայում իրագործվում էր Քեմալ փաշայի (Աթա-Թուրք) «ժողովրդական հեղափոխությունը», և նոր թրքական կառավարությունը ջանասիրաբար չարչարվում էր ԽՍՀՄ-ի հետ բարեկամության համար, հուսալով այնտեղից օգնություն ստանալ միջազգային իմպերիալիզմի և համաշխարհային կապիտալիզմի դեմ պայքարում, ինչպես այն հանդիսավոր հայտարարվում էր:

Այդ հարցով ձայնը տալիս են խորհրդային հայտնի գիտնական Նիկոլ Կարապետյանին. «Ստանալով այդ օգնությունը, Թուրքիան (նորից) հարձակվեց Հայաստանի վրա... քանի որ թուրքերի կարծիքով, իբր, անկախ Հայաստանը պիտի խոչընդոտեր համաշխարհային հեղափոխությանը Արևելքում և Արևմուտքում, որպես «համաշխարհային իմպերիալիզմի և կապիտալիզմի ամբողջ», ինչպես նաև համաշխարհային հակահեղափոխության բույն»: Թուրքերի խոսքերով, հայկական պետության ոչնչացումը Երևանում պետք է «ապահովեր համաշխարհային հեղափոխության հաղթանակը կապիտալի նկատմամբ»: Հնարավորություն չունենալով դիմանալու հեքիր փաշայի «հեղափոխական բանակի» հարվածներին, XI կարմիր բանակի ֆանատների գրոհներին, խղճուկ «ամբողջ միջազգային իմ-

պերիալիզմի» չափազանց փոքր Հայաստանը, կապիտուլաց-
վեց, իսկ «համաշխարհային իմպերիալիզմի գլխից մազ անգամ
չպակասեց», — տրտմորեն եզրակացնում է հեղինակը:

Միայն Հայաստանի շնչին մասը մտավ Խորհրդային Միու-
թյան կազմի մեջ, մնացածը տրվեց Թուրքիային: Այսպես, փոք-
րիկ երկրի ուզած կետից այդքան լավ երևացող Արարատը՝
բաղկացուցիչ մասը Խորհրդային Հայաստանի գերբի, մնաց
հրա սահմաններից դուրս:

Չորեքշաբթի 26 IX 1968

Дорогой Таруцар!

У меня к Вам очень серь-
езная просьба.

Я приступил к созданию
труды по истории Древней Армении
— сама собой на польском языке. Ос-
новной сюжетом этого произведения
несколько иной раз в издательских
учебных по армянской истории,
и к я намеревался посвящать также
учебника или учебника истории Арме-
нии (до Арташеса). Между прочим
я посвящаю часть главы Библей-
ских преданиях о древней Армении. Вот
общее содержание отдельных глав:

гл I Библейские предания

гл II География др. Армении

гл III Страна Илари до создания

Вашего царства

Չարուք Ասակին հարցազրկած համակից մի էջ

ՆԱՄԱԿ ՊԱՐՈՒՅՐ ՍԵՎԱԿԻՆ՝

Վարչավա, 26. 09. 1968 թ.

Թանկագին Պարույր: Ես քեզնից մի շատ լուրջ խնդրանք ունեմ:

Ես ձեռնամուխ եմ եղել Հին Հայաստանի պատմության վերաբերյալ աշխատություն գրելուն. ինքնին հասկանալի է՝ լեհերեն: Այդ ստեղծագործության սյուժեն մի փոքր այլ է, քան հայոց պատմության գոյություն ունեցող դասագրքերում, քանի որ ես մտադիր եմ ինը գլուխներից հինգը նվիրել Հայաստանի վաղ շրջանի պատմությանը (մինչև Արտաշեսը): Ի դեպ, ես մի ամբողջ գլուխ նվիրում եմ Հին Հայաստանի մասին քիբրիական ավանդություններին: Ահա առանձին գլուխների ընդհանուր բովանդակությունը.

Գլուխ 1-ին— Բիբլիական նախապատմությունը.

Գլուխ 2-րդ— Հին Հայաստանի աշխարհագրությունը.

Գլուխ 3-րդ— Նաիրի երկիրը մինչև Վանի թագավորության ստեղծումը.

Գլուխ 4-րդ— Ուրարտուի թագավորությունը.

Գլուխ 5-րդ— Ուրարտուի անկումից մինչև Արտաշես.

Գլուխ 6-րդ— Հայաստանը Արտաշեսյանների օրոք.

Գլուխ 7-րդ— Հայաստանը Արշակունիների օրոք.

Գլուխ 8-րդ— Հայաստանը պարսկական լծի տակ մինչև երկրորդ ապստամբությունը (481—484).

Գլուխ 9-րդ— Հին Հայաստանի մշակույթը:

Այդ ամբողջ աշխատանքը ես մտադիր եմ նվիրել լավագույն բարեկամին՝ Մարիա Գրոխոսկային:

Իսկ հիմա անցնեմ քեզնից ունեցած իմ խնդրանքին:

Ես կուզենայի յուրաքանչյուր առանձին գլխում զետեղել տվյալ պատմական թեմայով որևէ հայկական բանաստեղծու-

* Տպագրվել է «Երեկոյան Երևան» թերթի 1990 թ. մարտի 12-ի համարում՝ Հ. Կարճիկյանի հրատարակմամբ: (Նամակը տրամադրել է Հրանուշ Դամիսյանը):

թյուն կամ, հասնեալն դեպս, այնպիսի բանաստեղծություն, որը կարելի լիներ տրամաբանորեն կապել այդ գլխի հետ:

Օրինակ, երկրորդ գլխում ես զետեղելու եմ Էմինի բանաստեղծությունը Հայաստանի լեռների և ձորերի մասին (Վորոշիսկու թարգմանությամբ):

Հինգերորդ գլխի համար ես կհարմարեցնեմ Հովհաննես Հովհաննիսյանի բանաստեղծությունը Վահագնի ծննդի մասին:

Յոթերորդ գլխի համար՝ Վահան Տերյանի «Նաիրի» բանաստեղծությունը:

Ութերորդ գլխի համար կարող է լինել Ավետիք Իսահակյանի՝ հայ գուսաններին նվիրված բանաստեղծությունը, թեև կգերադասեի այդ ստեղծագործությունը պահպանել երկրորդ հատորի համար («Միջնադարյան Հայաստան»):

Իններորդ գլխի համար ես նախատեսել եմ ձեր «Քիչ ենք, բայց հայ ենք» հրաշալի բանաստեղծությունը:

Հիմա Դուք, հավանաբար, արդեն կուսուրում եք, թե ինչի մասին եմ մտադիր խնդրել Ձեզ:

Եթե չկան համապատասխան բանաստեղծություններ, դրանք պետք է ստեղծել.

Գլուխ 1-ին— Նոյը հայ, այլ ոչ թե հրեա ժողովրդի նախահայրն է. լողալով լեռնային կիրճերով, որոնում ենք հայկական ուղի դեպի Սև ծով:

Գլուխ 3-րդ— Օրինակ, բանաստեղծություն Հայկի մասին.

Գլուխ 4-րդ— Բանաստեղծություն Արա Գեղեցիկի կամ պարզապես Հին Ուրարտուի մասին.

Գլուխ 6-րդ— Ինչ-որ բան Արտաշեսի կամ Տիգրան Մեծի մասին.

Գլուխ 8-րդ— Բանաստեղծություն Վարդանանց մասին:

Ինքնին հասկանալի է, որ կխնդրեի ուղարկել դրանց ուսերեն տողացի թարգմանությունը, որ ես կարողանամ դրանք լեհերեն թարգմանել:

Հասկանալի է, որ ես չեմ կարող խնդրել, որ Դուք գրեք այդ բանաստեղծությունները, բայց գուցե այդ սյուժեներից մեկը Ձեզ բաժին ընկնի: Իսկ մնացածները գուցե հետաքրքրեն Ձեր գրչակիցներին (Նաիրի Ջարյան, Միրվա Կապուտիկյան, Հովհաննես Ծիրազ, Աշոտ Գրաշի, Սարմեն կամ Աույնիսկ երիտասարդներից մեկը): Բանաստեղծությունը պետք է թարգմանվի լեհերեն, իսկ քանի որ «Հին Հայաստանը» ամենայն

հավանականությամբ կթարգմանվի այլ լեզուներով, ուստի և դրա հետ մեկտեղ կթարգմանվեն նաև այդ բանաստեղծությունները:

Ներեցեք, սիրելի Պարույր, որ ես խլում եմ Ձեր թանկագին ժամանակը, բայց վստահ եմ, որ Հին Հայաստանի պատմությունը, պատկերագրողված հրաշալի հայ պոեզիայով, զգալիորեն ավելի վառ կամրապնդվի օտար ընթերցողի գիտակցության մեջ:

Բարի եղեք սրտագին ողջուններ հաղորդել մեր թանկագին Սո. Գալուստին*:

Անկեղծորեն՝ ձեր **Բողոս Գեմբարսկի**:

ՀՈՎՀԱՆՆԵՍ ԾԻՐԱԶԻ ՆԱՄԱԿԸ Բ. ԳԵՄԲԱՐՍԿՈՒՆ*

Սիրելի և սիրելի Աստվածատուր Գեմբարսկի:

Իրավ աստվածատուր... Կարդացի Ձեր նամակը իմ բազմաշարժար հայ ժողովրդի մասին, ուղղված մեր բազմադարյան, քթամիտ հարևանին: Արցունքով լցվեցին իմ սրտի վաղուց քարացած աչքերը: Ահա մի մարդ, որ նորից ձայն բարձրացրեց կեսից ավելին կոտորված ժողովրդի՝ նրանից խլված վիթխարածավալ հողերի, գրեթե ողջ խլված երկրի մասին: Ինչքան ազնիվ արդարություն կա Ձեր սրտի մեջ, կարծես Ձեր մեծ սրտում մի բազկատարած հայուհի է խոսում անիծյալ աստծո հետ, որ չկարողացավ հաղթել նզովյալ ալլահին... Եվ ինչպե՞ս չի ամաչում աշխարհը, լուր է ժայռեղեն լուռությամբ, և ինչպես հոյակապ է իբ վերլուծել 20-րդ դարի ամբողջ պատկերը, ինչպես մի աստվածային հայելու մեջ, թող ամաչեն, թող դժիխքը չքվեն արդարության անունից խոսող բոլոր սատանաները, որոնց ձեռքերը և հոգու բոլոր մատները արյունոտ են... հայկական, լեհական և հրեական արյունով...:

Խոսք չեմ գտնում Ձեզ գովաբանելու, և ինչպես իմ նախահայր, հավիտենական անմահ Մովսես Խորենացին է գրում հայ իշխան Սահակ Բագրատունուն, ուզում եմ ես էլ նրա խոսքը ուղղել Ձեզ, թե նախքան Ձեզ ծանոթանալը ես ծաթոնացա Ձեր հոգու մեջ եղած աստվածային ազնիվ շարժմանը, խղճի իմաստությամբ լի ծով արցունքին և օրհնում, և աղոթում եմ, որ միշտ այդպես մնաք ոչ միայն հայկական հարցի դատի սլաշտպանը, որը ամենալիկված դատն է աշխարհի, այլ բոլոր ժողովուրդների համար: Ձեր նամակը Ձեր հոգու բոլոր էջերն են և բոլոր էջերի վրա գրած, ահա մեծ մարդը:

Հայ ժողովրդի բոլոր շուրթերով, որոնք մաքուր են ինչպես միայն երկնքի աստղերը, համբուրում եմ քեզ և քո ազ-

* Գալուստ Ստեփանյան, հազմավաստակ մանկավարժ: Պնտերագմի ժամանակ եղել է պարտիզանական շարժման մասնակից Ուկրաինայում և Լեհաստանում: 1984-ի վերջերին հյուրընկալվել է Վաղշավայում և հանդիպումներ ունեցել Գեմբարսկու հետ:

* Տպագրվել է «Երեկոյան Երևան» թերթի 1989 թ. դեկտեմբերի 15-ի համարում՝ Անահիտ Տեր-Ղազարյանի հրատարակմամբ:

գր: Եթե գիտենայի՝ աշխարհի բոլոր դաշտերի ծաղիկները
նույնպես մաքուր են աստղերի նման, նրանցով էլ կհամբուրեի
քեզ:

Հավատում եմ՝ հայոց դատը չի կորչի,
Անմեղ ազգը՝ անապատը չի կորչի,
Ամեն փոքր մեծերին է հավասար՝
Դժոխքում էլ Արարատը չի կորչի:
Ցտեսություն. մինչև Արարատի սուրբ ձյունի վրա համ-
բուրվենք բոլոր ազգերի խաղաղության հավերժական հաղթա-
նակով:

Հովհ. Շիրազ

ՈՎ ԷՐ ԲՈԳՂԱՆ ԳԵՄԲԱՐՍԿԻՆ

Այն ամենի համար, ինչ եղել է,
այն ամենի՝ ինչ կա

և

կիցի,

Խոնարհվում եմ Ձեր ստաշ,
թանկագին Գեմբարսկի,

ազնի՛վ ժողովրդի

ազնի՛վ որդի:

Պարույր Սեակ

(14. 2. 65 թ. Ամսակից)՝

I

Մարդկության արժանավոր որդիներից մեկը՝ լեհ ժողո-
վրդի գավալ Բոգդան (Ալեքսանդր) Անտոնիի Գեմբարսկին՝
ծնվել է 1905 թ. փետրվարի 27-ին, Պետերբուրգում: Տեղում
դպրոցն ավարտելուց հետո երկու տարի ուսուցչություն է արել
տարրական դասարաններում: 1924 թ. մշտական բնակչության
է տեղափոխվել Վարշավա: Ավարտել է Վարշավայի Արևելյան
կենդանի լեզուների ինստիտուտը:

1935-ից սկսած կարդացել է դասախոսություններ հայ գրա-
կանության վերաբերյալ՝ հին օրերից մինչև ներկա օրերը:

Երկրորդ համաշխարհային պատերազմի ժամանակ ակ-
տիվորեն պայքարել է ֆաշիզմի դեմ, եղել է 1944-ի Վարշա-
վայի հակաֆաշիստական ապստամբության կազմակերպիչնե-
րից: Ընկել է համակենտրոնացման ճամբար: Պատերազմից
հետո զբաղվել է հասարակական լայն գործունեությամբ. մաս-
նակցել է տարբեր ճամբարներից անչափահաս լեհերին հայ-
րենիք վերադարձնելու գործին: Խմբագրել է տարբեր թերթեր
ու ամսագրեր:

1956 թ. կարճատև այցով եղել է Հայաստանում, «Գրա-
կան թերթում» տպագրել լեհացած անվանի հայերի մասին
հոդվածը:

• Տե՛ս, «Երևկյան Երևան»-ի 1989 թ. դեկտ. 15-ի համարը:

Երկար տարիներ զբաղվել է հնդիկ և հայ գրողների երկերի թարգմանությամբ: Կազմել, թարգմանել ու խմբագրել է հայ գրողների երկերը երկու հատորով՝ գողթան երգերից մինչև ժամանակակից հեղինակները:

1961 թվականից սկսած մինչև կյանքի վերջը զբաղվել է հայկական հարցով, հայ ժողովրդի հանիրավի մոռացության տրված Արդար դատը բարձրացնելով միջազգային ասպարեզ՝ ապացուցելով հարցի լուծման կարևորությունն ու անհրաժեշտությունը ժամանակակից աշխարհի քաղաքակրթության ու ապագայի համար:

Գրել է վիպակ 1915 թ. մեծ եղեռնի թեմյով («Մահվան դատապարտվածները»)*: 60-ականներից սկսած նամակագրական կապեր է ունեցել ինչպես սիյունքի, այնպես էլ Հայաստանի հայ մշակույթի և գրականության գործիչների հետ (Մ. Սարյան, Պ. Սևակ, Հ. Ծիրազ, Ն. Զարյան, Գ. Էմին և ուրիշներ): 1969 թ. պարզևատրվել է ԼԺՀ-ի «Վերածնության խաչ» մեդալով: Մահացել է 1978 թվականի մարտի 20-ին, թաղված է Վարշավայի Բրուդնա գերեզմանոցում:

II

1961 թվականի նոյեմբերի 20-ին Վարշավայի «Կյորունկի» («Ուղղություններ») շաբաթաթերթում տպագրվեց Բ. Գեմբարսկու «Նամակ իմ հին թուրք ծանոթին» հոդվածը, որը արագ առարածվեց մեզանում՝ հայերեն և ռուսերեն թարգմանությամբ. թարգմանությունը կատարել էր Երևանում ապրող լեհուհի Մարիա Գրոխովսկան՝ «համար մեկ հայուհին», ինչպես նրան դիպուկ գնահատել է Պարույր Սևակը:

Գեմբարսկու հոդվածի առթիվ նույն շաբաթաթերթում հանդես է եկել ոմն Հենրի Բատովսկի՝ «Նամակ խմբագրությանը Հայկական հարցի և Թուրքիայի ու ԽՍՀՄ-ի սահմանի մասին»: Բատովսկին ինչ-որ չափով հավանություն տալով Գեմբարսկուն, առարկում է սահմանային հարցերի վերանայման նրա դիրքորոշմանը, համարելով դրանք պատմության արդյունք: Նույն շաբաթաթերթի 1962 թ. հուլիսի 1-ի համարում (№ 26) տպագրվում է Հայաստանի գիտությունների Ակադեմիայի պատմության ինստիտուտի ավագ գիտաշխատող, պատմական գի-

* Մի հատված տե՛ս «Գրական թերթ»-ի 1990 թ. ապրիլի 20-ի համարում Ա. Տեր-Ղազարյանի թարգմանությամբ:

տությունների թեկնածու Նիկոլ Կարապետյանի «Հ. Բատովսկին իրավացի չէ» պատասխան հոդվածը՝ վեր հանելով Բատովսկու սխալները և պաշտպանության տակ առնելով Բոգդան Գեմբարսկուն*:

Ն. Կարապետյանը իր հոդվածը ավարտում էր հետևյալ ընդհանրացմամբ. «Հայկական հարցի արդարացի և վերջնական լուծումը նույնքան, եթե ոչ ավելի պատվավոր խնդիր է ժամանակակից պատմության, ինչպես լեհական, հրեական հարցերի լուծումը, ինչպես Ասիայի, Աֆրիկայի, լատինա-ամերիկյան ժողովուրդների օտարերկրյա լծից ազատագրելու հարցը»: (Ն. Կարապետյանը հետագայում հետագսվեց կուսակցությունից ու աշխատանքից, որը և նրա մահվան պատճառը դարձավ):

III

60-ական թվականներին, Եղեռնի 50-ամյակին նախորդող տարիներին, սկսեց արթնացում ապրել ժողովրդի մեջ «սպանված» հայրենասիրական գեներ: Դրան նպաստեցին անհատի պաշտամունքի վերացման ուղղությամբ ծավալված խրուշչովյան համառ ջանքերը, ինչպես նաև աշխարհում գաղութատիրության փլուզումը: Մեզանում դրան մեծապես նպաստեցին նաև Գեմբարսկու առաջին նամակները:

Տեղի ունեցավ իմ սերնդի առաջին արթնացումը երկաթառուն լեռնաբազիլական քնից: Առաջին շարքերում դարձյալ մեր երիտասարդությունն էր: (Այդ արթնացման գագաթնակետը դարձան 65 թվականի ապրիլի 24-ի հզոր ցույցերն ու երթերը): Դեռ նոր էր ձեռքից-ձեռք շրջում Գեմբարսկու առաջին նամակը, երբ ինձ առիթ՝ ներկայացավ մեկնելու Լեհաստան:

Արդեն ծանոթ էի Բոգդան Գեմբարսկու առաջին հոդվածին՝ «Նամակ իմ հին թուրք ծանոթին», ուր հեղինակը աշխարհով մեկ բարձրացնում էր հայոց դատի հարցը: Այն օրերին այս հոդված-նամակը ընթերցվում էր գաղտնի, զգուշորեն և հույսեր էր վառում երիտասարդության սրտերում:

IV

1962 թ. օգոստոսն էր: Զբոսաշրջիկներին խումբը՝ երի-

* Տե՛ս Հ. Կարապետյան, «Բոգդան Գեմբարսկու սխալները», «Հայրենիք» ձայն, 1990, ապրիլի 26:

տասարդական: Մոսկվայից գնացքով մեկնեցինք Բրեստ, Բրեստից՝ Վարշավա: Եղանք Պոզնանում: Հանգստացանք Բալթիականի ակերին՝ Օչեցինում, միջազգային ուսանողական ճամբարում: Նորից Վարշավա: Ես ընկերներին և մեզ ընկերացած Վարշավայի համալսարանի ուսանող Յանոշ Ռուդկովսկուն պատմեցի Գեմբարսկու մասին, նրա հիշարժան հողվածի մասին և խնդրեցի, եթե հնարավոր է հանդիպել նրան: Ընկերներս նույնպես ոգևորվեցին: Յանոշը քրքրեց հեռախոսագրքերը: Հեռախոսագրքում գեմբարսկիները շատ էին: Չէր պատասխանում միայն մեկի հեռախոսը: Մի քանի օր փորձելուց հետո, մեր մեկնելու նախապերջին օրը հեռախոսը պատասխանեց... օգոստոսի 28-ի երեկոյան էր: Պարզվեց, որ Գեմբարսկին հենց նոր է վերադարձել ծովափից, հոգնած է, ընտանիքն էլ վերադառնալու է առավոտյան, հետևաբար հյուրեր չի կարող ընդունել: Ես խնդրեցի Յանոշին՝ բացատրի, որ մենք Երևանից ենք, հայեր ենք և վաղը մեկնում ենք և շատ ենք ուզում իրեն հանդիպել: Այդ իմանալով Գեմբարսկին իսկույն մեզ հրավիրեց տուն:

Հաջողությունը մեզ հետ էր և մեր ոգևորությանը չափ չկար: Բայց կար «խանգարող» հանգամանք. մեկ ժամ հետո մեր գրասաշրջիկների խումբը ամբողջ կազմով (մեծ մասամբ բժշկականի և պոլիտեխնիկի ուսանողներ) մեկնելու էր համերգ լսել-դիտելու: Մենք կարողացանք տարբեր պատրվակներով հրաժարվել համերգից: Մեր ընկերները հետո մեզ պատմում ու նախատում էին, թե ինչից ենք զրկվել: Բայց մենք (ես, Ակարիչ Ժորա Պարոնյանը, բանվոր-ուսանող Սարգիս Տիգրանյանը) Յանոշի ուղեկցությամբ վերջին մեր գլոտիներով գնելով մի շիշ լեհական գինի (վերջին օրը մեզ մոտ կոնյակ որտեղի՞ց), գաղտնիությամբ պարտրված, հայտնվեցինք Վարշավայի Ստոլեչնա փողոցի № 14 շենքի 184-րդ բնակարանում՝ դառնալով ծովափից մի քանի ժամ առաջ տուն վերադարձած Բոգդան Գեմբարսկու հյուրը:

Դա աստվածային ու երջանիկ օր էր: Դա մեր ապրած ու առավել ևս՝ ապրելիք կյանքի իմաստավորման օրն էր: Նրա գրասեղանին դրված էր Հայկական ԽՍՀ առկա: Պահարանում՝ հայկական կոնյակներ: Մի քանի ժամ տևեց մեր զրույցը: Մենք կախարդված էինք նրա մարդկային հմայքից, հայ գրականության ու պատմության նրա իմացությունից: Նրա մեծ

հավատից, թե մի օր կլուծվի հայ ժողովրդի Արդար դատը՝ ընդդեմ թուրք գաղութատիրության:

Ես նրան Ավիրեցի «Մատենադարան» գիրքը (կարծեմ բոլորս մակագրեցինք գրքի վրա): Նա ձեռքն առավ, թերթեց-նայեց հին ձեռագրերի գունավոր վերատպությունները, ժպտաց.

— Այսպիսի եզակի գանձեր ստեղծած ժողովուրդը իրավունք չունի իր պատմական հայրենիքից զրկված մնալու:

Հետաքրքրվեցի իր ծագմամբ:

— Հայկական ծագում չունեմ,— ասաց,— բայց Լեհաստանում ապրող հայ ընկերներ շատ եմ ունեցել:

Նա ինձ Ավիրեցի իր լուսանկարներից մեկը.

— Ռուսերե՛ն մակագրեմ...

— Ոչ, լեհերեն,— խնդրեցի ես:

(Այդ լուսանկարը տպագրվեց «Երեկոյան երևան» թերթի 1989 թ. նոյեմբերի 27-ի համարում):

— Լուսանկարում կանգնած անձը հայ է,— ասաց,— Ստանիսլավ Դոնիկիչ...

Նա մեզ ցույց տվեց նաև սփյուռքահայ թերթեր, ուր տրպագրված էին իր հողվածները, ցույց տվեց նամակներ, որոնք ստացվել էին արտասահմանից ու Հայաստանից: Գոհունակություն հայտնեց Ն. Կարապետյանի պաշտպանական հողվածի առթիվ: Մեզ խնդրեց կարդալ իր ստացած նամակներից մի քանիսը:

— Բովանդակությունը գիտեմ,— ասաց,— ուզում եմ լսել հայերեն հնչողությամբ:

Այսօր էլ աչքերիս առաջ է Մարտիրոս Սարյանի մարգարտյա ձեռագիրը, որը ընթերցեցի բարձրաձայն և մեծ հուզմունքով (նամակը տպագրվում է այս գրքի սկզբում): Կարծում եմ պետք է լիներ նաև Պ. Սևակի նամակը՝ ռուսերեն (լավ չեմ հիշում):

Մենք իրար հերթ չտալով հարցեր էինք տալիս և պատասխանում նրա հարցերին...

... Թերթեցինք Հայկական ԽՍՀ-ի առկա: Հատկապես կանգ առանք 58-րդ էջի «Հայ բնակչության տեղաբաշխումը 1914 թ.» և 108-րդ էջի «Հայաստանը... 1917—1921 թթ.» բարտեզների վրա, որոնք պարզ ցույց էին տալիս մեծ եղեռնի հետևանքները և Սևրի դաշնագրով (1920 օգոստոսի 10) զրծված Հայաստանի պատկերը:

— Իմ նպատակն է աշխարհին ապացուցել, որ հայերը իրավունք ունեն հետ ստանալու իրենց պատմական հայրենիքի գեթ մի մասը, որին Թուրքիան տեր է դարձել բնաջնջման և ապօրինի մեթոդներով...

... Գեմբարսկուն խնդրեցինք հյուր գալ Հայաստան:

Պատմեց, որ երբ կնոջ՝ Չոսյայի հետ բուժման է եղել Խորհրդային Միությունում (կարծեմ Հյուսիսային Կովկասում), այցելել է Հայաստան: Եվ նորից կգա այն ժամանակ, երբ շուտով հայերին կվերադարձվեն նրանցից անարդար ձևով խլված հողերը:

— Կգամ մի քանի տարի հետո, կգամ ձեր Մեծ տոնին, — ժպտաց հավատով:

(Այդպիսի ներազդող ժպիտ ես հետո տեսա Պ. Սևակի մոտ):

Իմանալով, որ աշխատում եմ ուսումնական հրատարակչությունում, խնդրեց հայոց լեզվի դասագրքեր, ինքնուսույցներ:

— Ընդհանր խոստացավ, բայց չուղարկեց...

Մեր հանդիպման գազաթնակետը եղավ այն, որ ոգևորված մեր ոգևորությունից, Գեմբարսկին ինձ տրամադրեց իր անակներից մեկը՝ հասցեագրված Հնդկաստանի այն ժամանակվա պրեզիդենտ Ռադհակրիշնանին: Մեքենագիր օրինակչումներ: Նամակի ձեռագիրը՝ ուսերեն, 12 էջ՝ 6 թերթի զույգ էջերում, գրված կապույտ և կարմիր թանաքով, ես ինձ հետ բերեցի Երևան: Մեքենագրել տալուց հետո նրան ուղարկեցի մեքենագիր օրինակը, ձեռագիրը պահելով ինձ, որպես թանկագին մասունք:

... Երբ դուրս եկանք Գեմբարսկու բնակարանից, մեր ուրախությանը չափ չկար. պարում էինք աստիճանների վրա, փողոցում: Յանոշը՝ իրավաբանական ֆակուլտետի ուսանողը, որը կարճ ժամանակ անց հյուր եղավ մեզ՝ Երևանում, զարմացած մեզ էր նայում.

— Չեզ հիմա՛ հասկացա...

Օգոստոսի 29-ի առավոտյան Գեմբարսկին ծովափից վերադարձած իր ուսանող որդուն՝ Կազիմիրին ուղարկեց մեզ մոտ՝ հյուրանոց, որը և մեզ ուղեկցեց երկաթուղային կայարան: Հիշում եմ, որ Կազիմիրը ցանկություն հայտնեց պրակտիկայի գալ Բյուրականի աստղադիտարան...

V

Ես անակագրություն ունեցա և՛ հոր, և՛ որդու հետ:

... Վրա հասան դժվարին օրեր: Հետապնդվում էին Գեմբարսկու անակները ընթերցող-տարածողները: Թուրքիան բողոքել էր Լեհաստանի արտոգործմիևստրությանը: Գեմբարսկուն արգելվել էր լեհական մամուլում հանդես գալ հայկական հարցի վերաբերյալ: Ծնշում էր գործադրել նաև Մոսկվան:

Մոտենում էր մեծ Եղեռնի՝ հայկական ցեղասպանության 50-ամյակը: Գեմբարսկին, լինելով իր ժողովրդի խղճի ձայնը, չլռեց. նրա նորանոր հողավածները տարածվում էին աշխարհում՝ տարբեր լեզուներով...

... Գեմբարսկին ենթարկվեց ավտոպսարի (1965 թ. հուլիսի 16-ին): Չգրիվեց, բայց մնաց կաղ միանչև կյանքի վերջը:

... Այդ մթնոլորտում բարձրաձայն խոսել Գեմբարսկու մասին կամ շարունակել անակագրությունը անհնարին էր...

VI

Արշակ Մադոյանը համալսարանի թերթում հողված տպագրեց Գեմբարսկու մասին՝ իմ տված Գեմբարսկու և Ընդհանր լուսանկարով:

... Երբ 1965-ին նա մեկնում էր Լեհաստան, ես նրան խնդրեցի գրքեր տանել Գեմբարսկուն*:

Արշակը Գեմբարսկուն այցելել էր այն ժամանակ, երբ նա, ապաքինված ավտոպսարից, հիվանդանոցից հոր էր վերադարձել տուն: Եվ պատմել էր իր վրա կատարվող ճնշումների մասին: Արշակը իր հետ բերեց լեհական թերթերից մեկերկու օրինակ, ուր Եղեռնի 50-ամյակի առթիվ տպագրված էր նրա «Սիրիական անապատ» հողվածը:

Արշակն ու ես այցելեցինք Մարիա Գրոյխուսկային՝ Երևանի իր բնակարանում, ում և նա հանձնեց թերթերից մեկը:

Մարիան պատմեց, որ իմ «Ակրոստիքոս» բանաստեղծությունը Գեմբարսկին ուղարկել էր իրեն՝ թարգմանելու համար: Բայց քանի որ ինձ չէր ճանաչում և օրերն էլ խառն էին, չի կատարել նրա խնդրանքը...

* Տե՛ս Ա. Մադոյան, «Մեր սու Հայաստան», «Երեկոյան Երևան», 1990, մարտի 12:

Ահա այդ բանաստեղծությունը (որը նամակի հետ ուղարկել էի նրան)։

ՔԿՐՈՍՏԻՔՈՍ*

Թող ողողվի նա արևի անափ լույսով,
Ով կանգնել է մեր սրբազան դատին պաշտպան,
Ղողանջելով թող արևը երգի այսօր.
Կա Մարդը դեռ՝ լցված լույսով իմաստությամբ։

Երազների անհուսալի տահմաններում
Ցանեց սերմեր նա արևի ու արդարի,
Ցանեց հուլիսի պայծառ հունդը բյուր պրակերում
Եվ դողանջեց ի լուր մարդկանց ցա՛վը դարի...

Գարնանային արևի պես պարզեց վառճան
Երազների, արդարության դրոշը խենթ,
Մեք ցավերով միշտ տառապեց եղբոր նճան,
Բացեց ճամփան, որով պիտի հաղթենք հավետ...

Արարատի սուրբ փեշերից այսօր անհ
Ռահվիրային այդ բացափայլ փառք եմ ժաղթում,
Սեղճում նրա արդար աչը որդիարար,
Կանգնում հայաբո ու հավատով Արարատվում...

Իմ արևը, կյանքը ջանել, ով բնություն,
Նրան դու տար և տար նրան հավերժություն...

1965 թ.

... Մարիա Գրոխյուսկան, որ Գեմբարսկուն ծանոթ էր 1956 թվականից, մեծ ավանդ ունի Գեմբարսկու հողվածները հայերեն և ռուսերեն թարգմանելու և տարածելու գործում։ Ծնվել է Պետերբուրգում, սկզբնական կրթությունը ստացել այնտեղ։ Սակայն շփվելով հայ գրականությանը ու պատմությանը, արևելագիտության ինստիտուտի 4-րդ կուրսը թողած, 1939 թ. եկել է Երևան։ Այրել է դժվարին կյանքով։ Ավարտել է Երևանի պետական համալսարանը։ Եղել հայոց լեզվի ասպիրանտ։ Աշխատել է գիշերային պահակ՝ Ալյուսինի գործա-

րանում։ Ռուսերենի դասեր է տվել Էջմիածնի հոգևոր ճեմարանում։ Նրան մեղադրելով հայ նացիոնալիզմի մեջ՝ հեռացնում են ճեմարանից։ Բայց միշտ Ամենայն Հայոց կաթողիկոսը նրան հովանավորել է։ Նրան հովանավորել են նաև Մ. Սարյանը, Հ. Քոչարը։ Ծեմարանից հետո նա հայերեն է դասավանդել Քանաքեռի ուսական դպրոցում։ 1968-ին Մարիան տեղափոխվել է Լեհաստան։ Գրոճիսկ քաղաքի ուսումնարանում դասավանդել է ռուսերեն։ Ամեն տարի արձակուրդներին եկել է Հայաստան։ Հայերեն է թարգմանել Ստանիսլավ Լեմի «Սոլյարիս», Սիմկովսկու «Նապոլեոնի ատամը» վիպակները։ 1978 թ., Գեմբարսկու մահից հետո Գրոխյուսկան շտապում է Երևան և սեպտեմբերի 10-ին Վազգեն Առաջինի միջոցով Էջմիածնի Սուրբ Առաքելոց եկեղեցում կազմակերպում նրա հոգեհանգիստը։ Պատարագում էր Ամենայն Հայոց կաթողիկոսը։ Գրոխյուսկան ձայնագրում է ողջ պատարագը և կաթողիկոսի նվիրած մարմարե խաչքարի հետ հասցնում Գեմբարսկու ընտանիքին։

Կաթողիկոսի նվիրած մարմարե հայոց խաչքարը այժմ զարդարում է Մեծ լեհի շիրիմը՝ Վարշավայի գերեզմանոցում։ Վերջին անգամ Գրոխյուսկան Երևան է այցելել 1988 թ. հունիսին, տեսել ցույցերն ու միտինգները, Չվարթնոցի իրադարձությունները, իր սիրած հայ ժողովրդի համախմբվածությունը։ Երևանից մեկնում է Լեհինգրադ՝ հարազատների մոտ, որտեղ և հեռուստատեսության միջոցով ակնատես լինում ԽՍՀՄ Գերագույն խորհրդի 1988 թ. հուլիսի 18-ի նիստին։ Որից հետո նա զայրալից նամակ է ուղարկում Գորբաչովին՝ պաշտպանելով հայ ժողովրդի հազարամյա իրավունքը Ղարաբաղի նկատմամբ։ Վերջին տարիներին Մ. Գրոխյուսկան եղել է իր հայրենիքի «Համերաշխություն» կազմակերպության ակտիվ անդամներից։

Մահացել է 1989 թ. փետրվարի 27-ին՝ Վարշավայի հիվանդանոցներից մեկում։ (Հիշենք, որ փետրվարի 27-ը Գեմբարսկու ծննդյան օրն է)։ 1989 թ. մարտին Էջմիածնում հոյակապ գերեզմանի պատարագ է տրվել նրա հիշատակին՝ Վազգեն

* Տպագրվել է «Երեկոյան Երևան» թերթի 1980 թ. մարտի 12-ի համարում։

Առաջինի մասնակցությամբ, Մարիայի համակուրսեցիների, ընկեր-բարեկամների ներկայությամբ*:

Նրա կատարած հաշտարարական անձնագրի գործը չի մոռացվի մեր ժողովրդի սրտում՝ միշտ մնալով Բողոքի Գեմբարսկու պայծառ անվան կողքին:

VII

Երբ 28 տարի առաջ ինձ բախտ վիճակվեց այցելել Գեմբարսկուն, չէի կարող մտածել, թե երբևէ ինձ պատիվ կլիճակվի Հայաստանում հրատարակել նրա հոդվածները: Ես գիտակցաբար չեմ փորձում արժեքավորել նրա այս անմակ-հողվածների տեղն ու դերը հայ ժողովրդի Արդար դատի պաշտպանության գործում: Չեմ ուզում նշել նրա որոշ մտքերի իրավացիությունն ու ոչ իրավացիությունը: Լինելով մեծ մարդասեր, արդարության հաղթանակի երդվյալ հավատացյալ, նա հույս էր փայփայում, թե թուրքերը, հանուն համաշխարհային ամոթը իրենց դեմքից մաքրելու, իրենք հայերին կվերադարձնեն նրանց հողերը: Հայոց դատը լուծելու համար նա նույնիսկ փորձեց արևմտահայությանը և արևելահայությանը ներկայացնել որպես առանձին ժողովուրդներ: Անում էր ամեն ինչ, միայն թե մեղայ կետից շարժեր անարդար ու դիտավորյալ ձևով մոռացության տրված հայ ժողովրդի բուստատրված հայրենիքի ու ճակատագրի արդար լուծման հարցը:

Մի բան պարզ է միայն. իր ժամանակին Գեմբարսկու հոդվածներն ու բաց անակները հսկայական լուսարձակի պես ճեղքեցին Թալեաթ-Աթաթուրք-Ստալին-Բերիա բանդիտների ու կեղծ հեղափոխականների կողմից Հայաստանի ու Հայկական հարցի շուրջը ստեղծված անթափանց խավարի պատճենը...

... Ես ուրախ եմ, որ 1989 թ. աշնանը, երբ «Երեկոյան Երևան» թերթին տրամադրեցի Գեմբարսկու «Բաց անակը» Ու Տանին, նշելով նրա վարչապետի հասցեն, առիթ դարձավ, որ խմբագրությունը խնդրի Վարչապետ մեկնող Անահիտ Տեր-

* Սույն կենսագրական տվյալները Մ. Գրիխուլկայի մասին տրամադրել է նրա մտերիմ ընկերուհի՝ Հրանուշ Դանիելյանը: Տե՛ս նաև «Գթություն» հայկական բարեգործական միության «Լուսավորիչ» պաշտոնաթերթի 1990 թ. փետրվարի № 2(3) և «Գրական թերթ», 11. 5. 90:

Ղազարյանին՝ այցելելու նրա ընտանիքին: Անահիտը բերեց Գեմբարսկուն հասցեագրված Մ. Սարյանի, Պ. Սևակի, Հ. Ծիրազի անգուգական անակները, Ն. Զարյանի երեք անակը, Վազգեն Առաջինին հասցեագրված անակը (հողվածով), «Մահվան դատապարտվածները» վիպակը՝ հայկական ցեղասպանության մասին, որոնք նրան տրամադրել էին Գեմբարսկու այրին՝ Զոյան, որդին՝ Կազմիրը, դուստրը՝ Աույնա Զոյա:

Այսպես սասած, վերակառուցման ու բացխոսության այս օրերին՝ սառույցը տեղից շարժվել է...

Սույն ժողովածուն հայկական հարցի վերաբերյալ Գեմբարսկու հոդվածների մի մասն է միայն, այն՝ ինչ-որ կար մեր ձեռքի տակ: Կարծում եմ, նրա շատ հոդվածներ (նաև՝ Չերչիլին ու Ներտին հասցեագրված) կհրատարակեն ուրիշները:

Կապը Գեմբարսկիների ընտանիքի հետ կօգնի ի մի բերելու Հայկական հարցի վերաբերյալ Բողոքի Գեմբարսկու բոլոր հոդվածներն ու աշխատությունները, հարցի վերաբերյալ նրան հասցեագրված հայ և օտարերկրացի մտավորականության, հասարակական ու պետական գործիչների բոլոր արժեքավոր անակները:

Գեմբարսկին Հայկական հարցի վերաբերյալ հանդես եկավ Մեծ եղեռնի 50-ամյակի առիթով: Այսօր, երբ լրանում է Եղեռնի 75 տարին, նրա անակ-հողվածները հնչում են նորովի, որպես կրակված սրտի բողոք ու զայրույթ՝ թուրքերի գործած անմարդկային ու անասնական ոճիրների և աշխարհի անտարբերության հանդեպ: Այսօր Գեմբարսկու անակները ապտակ են բոլոր նրանց, անկախ ազգությունից, ովքեր դեռևս փորձում են փակել Հայկական հարցը, ովքեր դեռևս փորձում են խեղդել վերջին տարիներին Արցախյան շարժումից սկիզբ առած ու վերելք ապրող Հայոց ազատագրական շարժումները՝ հանուն արդարության, ինքնորոշման ու ազատության:

Այդ անակները այսօր ապտակ են նաև բոլոր նրանց (Մոսկվայից մինչև Անկարա ու Բաքու), ովքեր կեղծելով ու Լոնդոնով սոցիալիզմը, բողոքակամ կեղծ ինտերնացիոնալիզմով, զոհել են Հայաստանը, վաճառել հայի պատմական հայրենիքը, և 70 տարուց ավելի շքչափակման ենթարկել նրա հազարակա պատմությունը ու մշակույթը, այսօր էլ անցնելով տղանեսական ու քաղաքական ջրբախալի մահ:

Վերջին տարիներին, երբ խորհրդային երկիրը փորձ է անում քայլ կատարել դեպի խոսքի (քայց ոչ՝ գործի) ազատություն, խաբված ու բռնադատված հայ ժողովուրդը ուղքի է ելել իր ազատության, իր հայրենիքի բռնադատված հատվածների ամբողջականության ու միասնության համար:

Մեր արդարացի, մեր բարոյաիրավաբանական ճշմարիտ պայքարում մեզ հետ են աշխարհի մեծ հումանիստները՝ հայրոնն ու Բարբյուսը, Նանսենն ու Վերֆելը, Վեսելովսկին ու Բրյուսովը, Գորկին ու Սախարովը...

Մեզ հետ է լեն ժողովրդի մեծ զավակը՝ Բողդան Գեմբարսկին:

Համլետ Կարճիկյան

ԲՈՎԱՆԴԱԿՈՒԹՅՈՒՆ

Մարտիրոս Սարյանի նամակը Բ. Գեմբարսկուն	3
Նամակ իմ հին թուրք ծանոթին (թարգմ. Մ. Գրոխոյսկա)	5
Բաց նամակ Միավորված ազգերի կազմակերպության գլխավոր քարտուղար, նորին մեծություն պարոն Ու Տանին (թարգմ. Մ. Գ.)	19
Բաց նամակ Հնդկաստանի պրեզիդենտ Նորին գերազանցություն պարոն Սարվապալի Ռադհակրիշնանին (թարգմ. Կ. Ազարյան)	33
Նամակ իմ հայ ընթերցողներին (թարգմ. Կ. Պապինյան)	47
Երեք նամակ աշխարհի ընթերցողներին (թարգմ. Մ. Գ.)	
ա) Առաջին նամակը իմ անծանոթ ընթերցողին (որի մեջ հիշեցնում եմ նրան 12 մոռացված ճշմարտությունները)	64
բ) Երկրորդ նամակ իմ անծանոթ ընթերցողին (որի մեջ պատմում եմ նրան այնպիսի փաստեր, որոնք խայտառակեցին ամբողջ մարդկությանը)	78
գ) Երրորդ նամակ իմ անծանոթ ընթերցողին (որի մեջ էտուսֆետը հանձնում եմ նրա ձեռքը)	92
Շրջանի հայկական քառակուսին ունի իր լուծումը (նամակ Հայոց կաթողիկոս Վազգեն Առաջինին) (թարգմ. Մ. Գ.)	104
Հավելված 1	
«Նամակ թուրք ստավորականներին»-ի վերջավորությունը (թարգմ. Մ. Գ.)	118
Հավելված 2	
Սիրիական անապատ (թարգմ. Գ. Մադոյան)	121
Հավելված 3	
Նամակ Պ. Սևակին	132
Հ. Շիրազի նամակը Բ. Գեմբարսկուն	135
Ով էր Բողդան Գեմբարսկին (Հ. Կարճիկյան)	137

ԲՈՒԳՐԱՆ ԱՆՏՈՆԻԻ ԳԵՄԲԱՐՍԿԻ
Գ.ԱՄԱԿՆԵՐ ԱՇԽԱՐՀԻՆ,

Հրատարակության է ներկայացրել
Քամալարանի հայագիտության
գիտահետազոտական լաբորատորիան

Հրատարակչության խմբագիր՝ Գ. Գ. Բրուտյան
Գեղարվեստական խմբագիր՝ Ն. Ա. Թովմաշյան
Տեխնիկական խմբագիր՝ Գ. Վ. Նաչբանդյան
Վերստուգող սրբագրիչ՝ Ս. Ա. Ղաթախչյան

ГЕМВАРСКИ БОГДАН АНТОННИЕВИЧ
ПИСЬМА МИРУ
(на армянском языке)
Издательство Ереванского университета
Ереван—1990

Հանձնված է շարվածքի 16. 03. 1990 թ.: Ստորագրված է տպագր.
8. 05. 1990 թ.: ՎՖ 05076: Չափեր 84×108¹/₃₂: Թուղթ № 1: Տարած.
«Նորք»: Տպագրության եղանակը «Բարձր»: Հրատարակչական 7
Տպագրական 4,75 մամուլ—7,98 պայմանական մամուլի: Տպաքանակ՝
Պատվեր՝ 801: Գինը՝ 1 ո. 10 կ.:

Երևանի համալսարանի հրատարակչություն, Երևան, Սոսիական փ.
Издательство Ереванского университета, Ереван, ул. Мравяна,

Երևանի համալսարանի տպարան, Երևան, Արուսյան փ. № 5
Типография Ереванского университета, Ереван, ул. Абовяна,

ՀԱՅԿԱԿԱՆ ՀԱՐՑԻ ԿԱՊԱԿՑՈՒԹՅԱՄԲ
ԵՐԵՎԱՆԻ ՀԱՄԱԼՍԱՐԱՆԻ ՀՐԱՏԱՐԱԿՉՈՒԹՅՈՒՆԸ
ԼՈՒՅՍ Է ԸՆԾԱՅԵԼ

ՆԻԿՈՂԱՅՈՍ ԱԴՈՆՑ
Հայկական հարցի լուծման շուրջ

ԼՈՒՅՍ ԿՏԵՍՆԵՆ

ՔՐԻՍՏԱՓՈՐ ՄԻՋԱՅԵԼՅԱՆ,
Հեղափոխականի մտքերը

Գ. ԶԱՆԾԻԵՎ, Ա. ԱՄՖԻՏԵԱՏՐՈՎ,
Հայկական հարցը (ռուսերեն)

Ա. ԶԻՎԵԼԵԳՈՎ,
Հայկական հարցը